


يُوحنا

رو لکل پريُو ايسُو را پارام
پويتر شاستر



ايسنو پڳوونَ رو وچن سنڱ جيا ٿي پڳوونَ ري واتون ساوي تته

① شروع ۾ جڳت نهيا مور وچن هتو.

ان وچن پڳوونَ پيڙو هتو.

ان پڳوونَ ان وچن هيڪ را هيڪ هتا.

② وچن شروع ٿي لين پڳوونَ پيڙو هتو.

③ پڳوونَ ٻڌوئي ڪئين اوتا وچن را هيللا ٿي ناهيو.

1

ان ايوو ڪئين نٿي ٺهيو جي اوتڻا وڃن ووڻو ٺهيو هونءِ.

④ اُو وڃن جيون ڏيڏا واڙو هتو.

ان اُو جيون ڏيڏا واڙو ٿين

منڪون هارُو سوجهرو هتو.


⑤ زم اندارا ۾ سوجهرو زبڪڻه،

تم ڏنيا ۾ اُو وڃن سوجهرو ٿين

منڪون نئه پڳوون رو سوجهرو ڏئه.

ان اندارا ري هر پونڌائي مانه

اوتڻا سوجهرا رٿي جيت ٿيئه.



⑥ پڳوون هڪا منڪ نئه ميليو جيا رو نوم يُوحنا هتو. ⑦ اي منڪ اوتڻا

سوجهرا را پارام هاڪ پروا آيو، زم اوتڻا رئه هاڪ پريا ري ڪري ٻڌائي منڪ

وشواس اوڻه. ⑧ يُوحنا آڀ اُو سوجهرو نتو، پڻ اوتڻا سوجهرا را پارام هاڪ پروا

آيو تو.

⑨ اُو هاسو سوجهرو جي ٻڌون منڪون نئه سوجهرو ڏئه، اُو ڏنيا ۾ آيا

واڙو هتو.

⑩ اُو ڏنيا ۾ هتو،

ان ڏنيا اوتڻا ٿي ٺهئي ٿي،

توئي پڻ ڏنيا ري منڪي اوتڻا نئه نه اوڙڪيو.

⑪ اُو آڀرون ۾ آيو،

پڻ آڀري منڪي اوتڻا نئه هونڪاريو نئين.

⑫ توئي پڻ زتي منڪي اوتڻا نئه هونڪاريو،

ان اوتڻا مانه وشواس اوڻيو،

اوڻون منڪون نئه اوڻه پڳوون را ٻاڙ ٿيا رو حق ڏيڏو.

⑬ اُو پڳوون را ٻاڙ ام نه ٿيا زم منڪون را ٻاڙ مان باپ هون ٿه.

اُو نڪو پيئون موٽهون ري مرضي ٿي ٿيا،
 نڪو آڏمي را ڦينصلا ٿي ٿيا.
 پڻ پڳوون اُوئون نٿه آپ ٿي واسطو رکاوين آپرا باز ٿايا.
 ⑭ ان وچن منڪ ٿيو ان آپون وسا ريو.
 ان امي ڏيڪيو جي اُو هاس ۾ ڪيوو سٺه،
 جي اُو پڳوون رو مون واڙو هيڪڻه ڏيڪرو سٺه
 جيو پڳوون را پاها ٿي ميلل سٺه
 ان ڪرپا ان هاس ٿي پرال سٺه.

⑮ يُوحنا اُوٿا را پارام هاڪ پرڻي ان ڪيڏو: ”اي منڪ اُو سٺه جيا را پارام
 مٿين ام ڪيڏو تو، جيو مون ڪيڙ آيا واڙو سٺه. اُو مون ٿي موٽو سٺه ڪم تو اُو
 مون مور هتو.“ ⑯ ڪم تو اُوٿا ري پرڻوري ٿي آپون ٻڌون نٿه ڪرپا ٿي ڪرپا
 زڙيه. ⑰ ڪم تو پڳوون را حڪم آپون نٿه موسي ٿي زڙيا پڻ ڪرپا ان هاس
 آپون نٿه روڳو ايسو ڪريست ٿي زڙيوه. ⑱ پڳوون نٿه ڪيٺه ٿي ڪيڏي نٿي
 ڏيڪيو، پڻ پڳوون رو هيڪڻه ڏيڪرو جيو پڳوون رٿه ڪوڙهه پينوه، اُوٿا رٿه
 هيلٺه پڳوون ساوو ٿيوه.

يُوحنا پويتر سنون ڏيڏا واڙو ان ايسو را پيرهيان شيلا

يُوحنا آپرا پارام هاڪ پرڻه

(مٿي 12-1:3، مرقس 8-1:1، لوقا 18-1:3، يُوحنا 19:1-28)

⑲ زئيون يهودي ڌرم ري آڳيووني يروشلم شهر ٿي پڳوون را گهر رون
 پوزاريون ان شيواڌاريون نٿه يُوحنا ڪن اي پونسوا ميليا، جي ”تم ڪوڻ سو؟“
 ٿيون يُوحنا اي هاڪ پرڻي. ⑳ يُوحنا وات نٿه هٿاڙي ٿي نئين، پڻ ساوڻي وات ڪرڻي



جي ”هُون پڳوونَ رو سُونڊل پڇايا واڙو
 ڪريست نٿي.“ ②1 تٿيون اُوئي پُونسيو:
 ”پسٽه تمِي ڪُون سو؟ ڪي تمِي ايلياه
 سو؟“ اُوته ڪيڏو: ”نا، هُون نٿي.“ اُوئي
 پُونسيو: ”تو ڪي تمِي پڳوونَ رو نياپو
 ڏيڏا واڙا سو، جيا را آيا را پارام شاستر
 ۾ لڪل سٺه؟“ تو اُوته ڪيڏو: ”نا.“
 ②2 تيام اُوئي يُوحنا نٿه پُونسيو: ”تو

تمِي سو ڪُون؟ امون نٿه ڪو زم امي امارون ميليا واڙون نٿه ڪي هڪون. تمِي
 آپرا پارام ڪي ڪوه؟“ ②3 تو اُوته ڪيڏو: ”هُون اُو منڪ سون جورڻ ۾ پوڪار
 پاڙه، جي پريو را آيا هارو آپ نٿه تيار ڪرو، زم پڳوونَ رو نياپو ڏيڏا واڙه
 يسعياه ڪيڏو تو.“




②4 هُوته ميلل منڪون موٽين ٿي ڪئينڪ فريسي پالٽي را منڪ هتا. ②5 اُوئي
 يُوحنا ٿي ام پُونسيو: ”جي تمِي نڪو پڳوونَ را سُونڊل پڇايا واڙا ڪريست سو،
 نڪو ايلياه، نڪو پڳوونَ رو نياپو ڏيڏا واڙا سو، تو پسٽه تمِي پويتر سنون ڪم

ڏيوه ريا؟“ ②6 يُوحنا اُٿون نٿه وڙندڙي ڏيڏي: ”هُون تو رُوڳو پوڻي ٿي پوٽر سنون ڏيونه، پڻ تمون وسا هيڪ ايو منڪ اُوپل سٺه جيا نٿه تمڻي نٿي اوڙڪتا. ②7 هائي اُو رو اُو سٺه جيو مُون ڪيڙ اُوٺه ريو. هُون تو اُوٺا هومو ڪئين نٿي، ايو پڻ نٿي جي اُوٺا رُون زوڙون را ڪشا ڪولون.“ ②8 اي ٻڌوئي ڪئين ڀردن ڌريا رٿه پرلٺه ڪپ بيت عنياه گوم ڪن ٿيو، جيئنه يُوحنا منڪون نٿه پوٽر سنون ڏيتو.

يُوحنا ايسو را پارام هاڪ پرڻه

②9 پيڙه ڏي يُوحنا ايسو نٿه آپ هومو اوتون پاڙيو، تو ڪيڏو: ”زوٺو، هائي پڳوون رو سُونڊل منڪ سٺه جيو پڳوون را نوم مانه ساڙل گهيتا را زم آپرو جيو پڳوون را نوم مانه ڏيشي، ان ڏنيا رُون منڪون را ڏوه مٽاڙشي. ③0 هائي اُو رو اُو سٺه جيا را پارام مٿين ڪيڏو تو: ”اُو مُون ڪيڙ آيا واڙو سٺه پڻ اُو مُون ٿي موٽو سٺه، ڪم تو اُو مُون مور هتو.“ ③1 توڻي پڻ مٿين آپ اُوٺا نٿه اڳي نٿو اوڙڪيو جي اُو پڳوون رو سُونڊل پڇايا واڙو سٺه، پڻ هُون ايشا هارو آيوه ان پوڻي ٿي پوٽر سنون ڏيونه جي اُو اسرائيلي قوم هومو ساوو ٿنه.“ ③2 تئيون يُوحنا ايسو را پارام هاڪ پرڻي جي ”زئيون هُون اُوٺا نٿه پوٽر سنون



ڏي ريو، تئيون مٿين پوٽر آتما نٿه پارياو را روپ ۾ اُوٺا مانه آڪاش ٿي اوترتون ڏيڪيو ان پوٽر آتما اُوٺا مانه ريو. ③3 تيا مور اُوٺا نٿه مٿين نٿو اوڙڪيو، پڻ پڳوون جيئنه مُون نٿه پوڻي ٿي پوٽر سنون ڏيو ميليوه، اُوٺه مُون نٿه ڪيڏو تو، تون جيا مانه پوٽر آتما نٿه اوترتون ان ريتون ڏيڪهه، هائي اُو رو اُو سٺه جيو پوٽر آتما ٿي پوٽر سنون ڏيشي. ③4 ان هُوٺه مٿين آپ اونڪيڻي ڏيڪيوه ان

هاڪ پرونه ريو جي اي پڳوون رو ڏيڪرو سته.

ايسو را پيرهيان شيلا

35 پيڙهه ڏي وڙي يُوحنا ان اوتا را هي شيلا اوتته اُپيا تا. 36 ان يُوحنا ايسو نته پاهنه تين متتون پاڙيو ان اوتا نته زوئين ڪيڏو: "زوئو، هائي پڳوون رو سونديل منڪ سته جيو پڳوون را نوم مانه ساڙل گهيتا را زم آپرو جيو پڳوون را نوم مانه ڏيشي." 37 يُوحنا را هي شيلا اوتا رهي هائي وات هومپڙين ايسو را شيلا تيا هارو ايسو وونهڙ ويوا مڏيا. 38 ايسو کوئو وارين اوتون نته آپ وونهڙ اوتا پاڙين ڪيڏو: "تمي مون وونهڙ ڪم آوه زيا؟" اوتني وڙندي ڏيڏئي: "رهي مطلب ڳرو جي،" "تمي ڪيئنه ريوه؟" 39 تيون ايسو اوتون نته ڪيڏو: "هالين زوئو." تيام او پيڙا ڳيا ان زيوو جي ايسو ڪيئنه رته ان اورات اوتا ڪن تڪي ريا، ڪم تو هونز رو چارونڪ رو توئو هتو.

40 او هي زئا جي يُوحنا رهي وات هومپڙين ايسو وونهڙ ڳيا تا، اوتون موئين هيڪ اندرياس هتو، جيو شمعون پطرس رو پائي هتو. 41 اوتنه پڪتم آپرا پائي شمعون نته ڳوتين هات ڪريو ان اوتا نته ڪيڏو: "امون نته مسيح زڙيوه." مطلب پڳوون رو سونديل پچايا وازو ڪريست زڙيوه. 42 ان او شمعون نته ايسو ڪن تيڙي آيو. ايسو اوتا نته زوئين ڪيڏو: "ئون يُوحنا رو ڏيڪرو شمعون سته. آڙ تي لين ٿارو نوم ڪيئا هوشي." جيا نته يوناني ٻولي م پطرس ڪنو، مطلب پتر.

ايسو فلپس ان متانينئل نته آپرا شيلا ٿيا رو ڪنو

43 پيڙهه ڏي ايسو گليل صُريا موئين زايا رو ائيلس ڪريو، ان اونه فلپس نته ڳوتين هات ڪريو ان اوتا نته ڪيڏو: "مارو شيلو تين مون وونهڙ او." 44 هونته فلپس گليل صُريا را بيت صيدا شهر رو هتو، جيا شهر تي اندرياس ان پطرس رو اولهه ڪنو. فلپس ڪنو گليل صُريا رو اوتا نته ڪيڏو: "امون

نٺه پڳوونَ رو سُونيل پڇايا واڙو زڙيوه، جيا را پارام مُوسي را شاستر موئين ان پڳوونَ رو نياپو ڏيڏا واڙون را شاستر موئين اڳي لڪل سٺه. اُو يوسف رو ڏيڪرو ايسو سٺه، جيو ناصرت شهر رو سٺه. "46 تئيون نتائينٺل ڪيڏو: "ناصرت شهر موئين ٿي پڻ ڪئين نائوڪو نيهري هڪڻه ڪي؟" تو فلپس اوتئا نٺه ڪيڏو: "تون آپ هالينَ زو." 47 تئيون ايسو نتائينٺل نٺه آپ ڪن اوتون پاڙيو تئيون اوتئا را پارام ڪيڏو: "زوئو، هائي هاسو اسرائيلي سٺه، جيا ۾ لڳرائي لڳي ٿي." 48 تئيون نتائينٺل ايسو نٺه ڪيڏو: "تمي مون نٺه ڪم ڪرين اوزڪوه؟" ايسو اوتئا نٺه وڙندڻي ڏيڏي: "هُون زوئونو جي فلپس رٺه تون نٺه تيرڙايا مور، تون انجير را وڻ هيٺ هتو." 49 تئيون نتائينٺل ايسو نٺه ڪيڏو: "ڳرو جي، تمي پڳوونَ را ڏيڪرا سو، تمي اسرائيلي قوم را پاڏشا سو." 50 تيا مانه ايسو اوتئا نٺه ڪيڏو: "مئين ڪيڏو جي مئين تون نٺه انجير را وڻ هيٺ ڏيڪيوه، تيام تون مون مانه وشواس اوئڻه، ڪي؟ تون ايئا ٿي پڻ موتي واتون پاڙيه." 51 ان ايسو اوتئا نٺه وڌارڻه ڪيڏو: "هُون تمون ٻڌون نٺه هاس ٿي هاس ڪونه، جي تمي آڪاش ڪل ڏيڪشو ان پڳوونَ رون آڪاشي ڏوتون نٺه مون منڪ ذات را ڏيڪرا ري ڪري پڳوونَ ان منڪون وسا اوڙا وڙو ڪرتون پاڙشو."

ايسو پڳوونَ رو ڏيڏل ڪوم ڪرڻه

قانا شهر موئين ويوا مانه ايسو پيرهيون پرسو ڏيڪارڻه

2 ① ترئمڻه ڏي گليل صوپا را قانا نومي شهر موئين هيڪ ويوا هتو، ان ايسو رٿي مان اوئڻه هٿي. ② ان ايسو نٺه ان اوتئا رون شيلون نٺه پڻ ويوا رٿي ڌاوت هٿي. ③ اوئڻه ڌراڪون رو رس ڪٿي گپيو تو. تئيون ايسو ري مان اوتئا نٺه ڪيڏو: "ايئون ڪن ڌراڪون رو رس ڪٿي گپيوه." ④ تيا مانه ايسو آپري مان نٺه ڪيڏو: "مان، هائي تون مون نٺه ڪم ڪنه؟ مارڻه ساو ٿيا رو ٿوڻو هزون

هُودِي نَه آيو. ⑤ تئيون اوتنا ري مان ويوا ۾ شيوا ڪريا وازون ننه ڪيڏو: ”جي ڪئين او تمون ننه ڪريا رو ڪنه او ڪرو.“

⑥ هونءِ اوتنه يهودي ڌرم ري ريت پرموتنه هات ڌويا هارو سو نادون پڙي تي، جي پوئون ري ناول هتي. هر هيڪ ناد موئين بيڪ من پوئي هماتو. ⑦ ايسو شيواڌاريون ننه ڪيڏو: ”نادون موئين پوئي پرو پرو.“ تو اوتني نادون ننه پوئي ٿي تهوتار پري پري. ⑧ تئيون ايسو شيواڌاريون ننه ڪيڏو: ”هونءِ ايتون موئين ٿي پرين ويوا رو انتظوم ڪريا وازا ننه ڏيو.“ ان اوتني امروم ڪريو. ⑨ زئيون انتظومي او پيڏو، تو پوئي ڌراڪون رو رس ٿيل هتو. انتظومي ننه ڪئين ڪهر نٿي جي اي ڌراڪون رو رس ڪيٿ ٿي آيوه، پن شيواڌاريون ننه، جيئي پوئي پريو تو، پورئي ڪهر هٿي. تئيون انتظومي لاڏا ننه تيڙاوين ⑩ اوتنا ننه ڪيڏو: ”ٻڌائي منڪ نائوڪو ڌراڪ رس مورمنه پيئارنه، ان زئيون ٻڌائي پين ڪش تته، تئيون روڳو جيوو تيوو ڌراڪ رس ڏنه. پن تمي اي ٻڌون ٿي نائوڪو ڌراڪ رس هزون هودِي راڪي ساڏيوه.“

⑪ ايسو اي پيرهيون پرسو گليل صوپا را قانا شهر موئين ڏيڪاڙيو، ان ايتا نيشون ٿي اوتنه وات ساوئي ڪرين ڏيڪاڙي جي او هاس ۾ پڳوون رو ڏيڪرو سته. ان اوتنا ري شيلي اوتنا مانه وشواس اوٿيو.

⑫ تيا ڪيڙ ايسو آپري مان، آپرون پايون ان آپرون شيلون پيڙو ڪفرنحوم شهر موئين ڳيو. ان اوتنه او ڪمينڪ ڏي ربا.

ايسو پڳوون را گهر موئين ٿي واپار ڪريا وازون نه بارا ڪايهه


(متي 12:21-13، مرقس 15:14-17، لوقا 19:45-46، يوحنا 2:13-22)

⑬ زئيون يهودي ڌرم رٿي پاشڪا نومي پرڀ ڏوڪڙي اوٿي، تئيون ايسو يروشلم شهر موئين پرڀ مانه ڳيو. ⑭ اوتنه پڳوون را گهر ۾ اوتنه واپاري پاڙيا جي ڳانو مال، رڍو مال ان پارياو پڳوون را نوم مانه سڙايا هارو ويستات ربا، ان

پٽيها متيا واڙا پڻ ٻينل پاڙيا، جيا ڏون ۾ ڏيڏا هارو کاس پٽيها متات ريا. 15 تيام ايسو رونڊوڙون رو هاپکو ناوين اوتون ٻڌون واپاريون ننه رڊا مال ان گائو مال هتيلا پگيون را گهر ٿي ٻارا کاڊيا، ان پٽيها متيا واڙون رو ريزو اوڏاڙيو پرو ان پائيا اوٿلایا پرا. 16 پاريا ويسيپا واڙون ننه اوٿه کيتو: "ايتون ننه ايت ٿي هيڪل لي زائو. مارا ٻاپ را گهر ننه پڙي مت ناوو!" 17 تٿيون ايسو رون شيلون ننه شاستر رو اي ليڪ همپريو:

ملا گهر رو پريم، او ايشور، مارا من ۾ اتو پڙه
جي نيٺ مون ننه بازي نوکشي."

18 تٿيون يهودي ڌرم ري آگيونني ايسو ٿي پونسيو: "تون امون ننه کيوو پرسو ڏيکاره جيا ٿي ٿايتي ٿه جي تون ننه هم گريا رو حق سٺه؟" 19 تو ايسو اوتون ننه وڙنڌي ڏيڏي: "تمي ايتا مندر ننه کتم گرو پرو، ان هون ترٿيون ڏيئون ۾ وڙي ايتا ننه اوپو گريه پرو." 20 تيام آگيونني کيتو: "ايتا مندر ننه ناوتون چيتاليه ورهه ٿيا، ان تون ترٿيون ڏيئون ۾ ايتا ننه وڙي اوپو گريه پرو ڪي؟"



21 پڻ ايسو پگيون را گهر را پلام نهن پڻ آيا شهر را پلام ڪيتوت ريو، جي اوتا رو شهر پگيون رو منلو سٺه. 22 تيام زنون تيا ڪو ايسو مرلون موٽن ٿي جدي اولهه جون ايتا مندر شاستر رو اي ليڪ همپريو:

أوليا را پارام هم ڪيڏو تو، ان اُوئي شاستر ري وات مانھ ان ايسو ري ھايا
ڪيڏل وات مانھ يقين را ڪيو.

ايسو منڪون را پارام ٻڌوئي ڪئين زوڻئھ

②3 زئيون ايسو پاشڪا پرڀ رڻھ ٿوڻھ ڀرُوشلم شهر ۾ زاتروئون وسا ھتو، تڏيون
گھڻي منڪي ايسو را ڪرل ڪوم ان ڏيڪاڙل پرسا زوڻين اُوئا مانھ يقين اوڻيو،
جي ايسو پڳوون رو سونڊل پڇايا واڙو ڪريست سڻھ. ②4 پڻ ايسو رو اوئون
منڪون مانھ ڀروسو نٿو. تيام ايسو اوئون نڻھ ساوڻھ ڍاڙڻھ نہ ڪيڏو جي آپ
ڪوڻ سڻھ، ڪم تو اوئا نڻھ ٻڌون منڪون را پارام ڪڀر ھڻي. ②5 ايسو نڻھ ايتا
رڻي ڪئين ضرورت نٿي جي ڪوڪ اوئا نڻھ ڪياڪ منڪ را پارام وٽاڙڻھ، ڪم
تو او آپ زوڻتو تو جي ھر هيڪ منڪ را من موئين ڪي سڻھ.



ايسو ان نيڪڊيمس

① ھوڻھ فرسي پالڻي رو هيڪ منڪ ھتو جيا رو نوم نيڪڊيمس ھتو. او
3 يھودي ڌرم رو هيڪ آڳيوون ھتو. ② او رات رو ايسو ڪن آيو ان ڪيڏو:
”ڳرو جي، امون نڻھ ڪڀر سڻھ جي تمي پڳوون را پاھا ٿي ميلل شيڪاڙيا واڙا


سو، ڪم تو جيوڙا پڙسا ٿي ڏيکارڙو ريا، ايوڙا پڙسا ڪوئي ڏيکارڙي نه هڪٿت جي پڳوون اوتار نه پيلته نه هوٿت.

③ ايسو اوتار رو آيا رو مطلب زوئين اوتار نه ڪيڏو: ”هون تمون نه هاس ئي هاس ڪونه، ڪوئي منڪ پڳوون را راز موئين تيون هوڏي آوي نٿي هڪتو، زيون هوڏي او پڳوون را پاها ٿي وڙي نه زلمه.“ ④ نيڪڊيمس اوتار نه ڪيڏو: ”هون تو ڏوڪرو سون. مارئي مان ڪم ڪرين هون نه وڙي زلمي هڪه؟ منڪ وڙي پڙي وارڪو مان را. پيت موئين ٿي زلمائي هڪه ڪي؟“

⑤ تيا مان ايسو اوتار نه ڪيڏو: ”هون تمون نه هاس ئي هاس ڪونه، ڪوئي منڪ پڳوون را راز موئين آوي نٿي هڪتو، زيون هوڏي پوئي ٿي پوٽر سنون لين ان پوٽر آتما ٿي نوو ٿين نه زلمه.“ ⑥ زيون ڪوڪ منڪون را پاها ٿي مان ٿي زلمه تو اوتار نه روڳي اي حياتي زڙهه، پڻ زيون پڳوون را پاها ٿي پوٽر آتما ٿي زلمه تو اوتار نه پڳوون ٿي واسطو راڪيا واڙو جيون زڙهه. ⑦ ٿي ماري ايٿا ڪيڏل وات ٿي حيرون مت ٿيو جي تمون ٻڌون نه پڳوون را پاها ٿي وڙي زلم ليوو ڪپهه. ⑧ واٽيرو، جبال وٿهه، اول واٿه. اوتار رو شوشات تو هومپڙيام اوٿه پڻ ڪهر نٿي پڙتني جي ڪيٿ ٿي اوٿه ريو ان ڪيال زانه ريو. پوٽر آتما پڻ همروم سهه. او آڀري مرضي پرموٿه منڪون نه نوو جيون ڏهه. پوٽر آتما وڳر نوو جيون نئين زڙهه.“ ⑨ تيون نيڪڊيمس پونسيو: ”هائي واتون ڪم ڪرين ٿي هڪه؟“

⑩ تو ايسو اوتار نه ڪيڏو: ”ٿي تو اسرائيلي قوم را شيڪاڙيا واڙا سو، ان تمون نه هايون واتون را پارام ڪهر ٿي نٿي؟ ⑪ هون تمون نه هاس ئي هاس ڪونه: امي او واتون ڪرونه جيون را پارام امون نه ڪهر سهه، ان اوٿون واتون رٿي هاڪ پرونه جيون نه امي اونڪيئي ڏيڪيه، پڻ ٿي منڪ امارئي پرل هاڪ نٿي مونتا. ⑫ مئين دنيا ري شينهنون را مثال ڏين تمون منڪون ٿي ايٿ ري واتون ڪري، پڻ ٿي ماري واتون نٿي مونتا، تو پسته ڪم ڪرين ٿي مونشو جي

هُون آكاش ان پڳوونَ ري واتون ڪرون؟ ⑬ ڪوئي منڪ آڪاش ۾ پڳوونَ ڪن ڪيڏي نٿي ڳيو. رُوڳڻي مُون نٿه اُوت رڻي ڪهر سٺه، ڪم تو هُون منڪ ذات



رو ڏيڪرو سون، ان آڪاش ٿي اول سون. ⑭ جيوئه نمونئه رڻ موئين مُوسي منڪون نٿه پڇايا هارُو پيٽر رو هاپ لاکڙي مانه ساڙين اونسو ڪريو تو، هيونئه نمونئه موٽهئهُ مُون منڪ ذات را ڏيڪرا نٿه پڻ ضرور اونسو ساڙشي، ⑮ زم هر هيڪ منڪ جيو مُون مانه وشواس راکئهُ، اُوتَا نٿه هميش رو جيون زڙئهُ.

⑯ وات اي سٺه: پڳوونَ ڏنيا رون منڪون ٿي ايوو پريم ڪريو جي اُوتُه آپرو ڏيڪرو ڏيڏو، جيو اُوتَا رو هيڪئهُ ڏيڪرو هتو، زم جي ڪوئي اُوتَا مانه وشواس راکئهُ اُو هميش ري سزا ٿي پڇي زائهُ، ان اُوتَا نٿه هميش رو جيون زڙئهُ. ⑰ ڪم تو پڳوونَ آپرا ڏيڪرا نٿه ايٺا ڏنيا ۾ ايٺا هارُو نه ميليو جي اُو ڏنيا رون منڪون نٿه سزا ڏيڏا رو ڦينصلو ڪرئهُ، پڻ ايٺا هارُو ميليوه جي اُوتَا ري ڪري ڏنيا را منڪ پڇي زائهُ.

⑱ جيو ايسُو مانه وشواس راکئهُ، اُوتَا مانه سزا رو ڦينصلو نٿي ٿيتو. پڻ جيو ايسُو مانه وشواس نٿي راکتو، اُوتَا مانه سزا رو ڦينصلو اڳي ٿيل سٺه، ڪم تو اُوتُه پڳوونَ را هيڪاه ڏيڪرا مانه وشواس نه اوٿيو. ⑲ ان اي سزا رو ڦينصلو تيام ٿئهُ، ڪم تو ايسُو سوجهرو ٿين ڏنيا ۾ آيو پڻ منڪون نٿه انڌارو سوجهرا ٿي گهٽو وٿيو، ڪم تو اوتون را ڪوم ڪراپ هتا. ⑳ جيو ڪوئي ڪراپ ڪوم ڪرئهُ اُوتَا نٿه سوجهرو هاو نٿي وٿتو، ان اُو سوجهرا ڪن نٿي اوتو متون اُوتَا را ڪراپ ڪوم ساوا نه ٿئهُ. ㉑ پڻ جيو منڪ هاسيون واتون مانه وئهُ، اُو سوجهرا ڪن اوتُه زم وات ساوئي ٿئهُ جي اُوتَا را ڪوم پڳوونَ ري مرضي پرموتئهُ ڪرل سٺه.

يُوحنا ايسُو را پارام وڙي هاڪ ڀرڻه

22) تيا ڪيڙ ايسُو ان اُوئا را شيلا يهوديه صُوپا را ٻاراڙي را علاقا ۾ ڳيا، ان اُوڻه ايسُو اُوئون پيڙو ريو مڏيو ان منڪون ننه پويتر سنون ڏيوراوا مڏيو.

23) اُوئا وڪتر ۾ يُوحنا پڻ منڪون ننه پويتر سنون ڏيتوت ريو. اُو پيڙا ماڳ شاليم شهر ٿي ڏوڪڙو عينون نومي ماڳ ۾ هتو، ڪم تو اُوڻه گهڻو پوڻي هتو، ان منڪ اُوئا ڪن آوين اُوئا ٿي پويتر سنون لياتا ريا. 24) اي ٻڌوئي ڪئين يُوحنا رنه جيل موئين پورايا مور ٿيو.

25) تيام يُوحنا رون شيلون ان ڪياڪ يهودي منڪ وسا آبت ۾ پحت ٿي، جي ڪيا ڪن پويتر سنون ليوو ڪپنه. 26) تيا مانه شيلي يُوحنا ڪن آوين ڪيڏو: ”گرو جي، اُو منڪ جي ڀردن ڌريا ٿي پرلير تمون پيڙو هتو جيا وا پارام تمي هاڪ ڀري ٿي، اُو هوننه منڪون ننه پويتر سنون ڏيوراوڻه ريو، ان ٻڌائي منڪ اُوئا ڪن زانه ريا.“

27) تنيون يُوحنا ڪيڏو: ”ٻڌوئي ڪئين پڳوون ري هاڻي سته. جي پڳوون رڻي مرضي نه هونت تو منڪ اُوئا هوما نه ٿنات. 28) تمون ننه ڪپر سته جي مئين ام ڪيڏو تو: ’هُون پڳوون رو سُونڊل پچايا واڙو ڪريست ٿي.‘ پڻ پڳوون مُون ننه اُوئا مور ميليوه، جي هُون منڪون ننه اُوئا هوما ميلون. 29) مثال، لاڏي تو لاڏا رڻي سته. وسويو لاڏا رڻي وات زوڻه، ان زئيون هومپڙه جي لاڏو آيوه رو، تنيون اُو ڪش ٿهه. هوننه هُون وسويا را زم گهڻو ڪش سون ڪم تو جيا رڻي وات هُون زوتوت ريو اُو آيوه رو، ان منڪ اُوئا ڪن زانه ريا. 30) اُوئا رو مون وڏو ڪپنه، ان مارو مون گهٽ ٿيو ڪپنه.“

ايسُو پڳوون را پاها ٿي اول سنه

31) ايسُو جو پڳوون را پاها ٿي آڪاش ٿي اول سنه اُو ٻڌون مانه سته. يُوحنا

جو دنيا ٿي اول سٺه او رُوڳو منڪ سٺه ان منڪ ٿين واتون ڪرڻه. پڻ ايسو جو آڪاش ٿي اول سٺه او ٻڌون مانه سٺه. (32) اوتنه جي ڪئين ڏيکيوه ان هومپڙيوه اوئون واتون را پارام هاڪ پرين منڪون نٺه همپڙاوڻه، پڻ منڪ اوئا ري واتون نٿي مونتا. (33) توڻي پڻ جيئنه ڪيئنه اوئا ري واتون موني، اوتنه ٿايتي ڏيڏي جي پڳوون هاسو سٺه. (34) ڪم تو ايسو، جيا نٺه پڳوون ميليوه، او پڳوون ري واتون ڪرڻه. پڳوون اوئا نٺه پويتر آتما ٿي پرپور ڪريوه، تيام او پڳوون ري واتون ڪرڻه. (35) پڳوون ٻاپ آٻرا ڏيڪرا ٿي پريم ڪرڻه ان اوتنه ٻڌوئي ڪئين اوئا را هات ۾ ڏيڏوه. (36) جو پڳوون را ڏيڪرا مانه وشواس راکڻه اوئا نٺه هميش رو جيون زڙل سٺه، پڻ جو پڳوون را ڏيڪرا رو ڪيڏو نٿي مونتو اوئا نٺه هميش رو جيون موزگوني نئين زڙڻه، پڻ پڳوون رڻي سزا اوئا مانه هوشي.

ايسو سامري قوم ري هيڪي اشپتري نٺه پوڻي رو مثال ڏين پويتر آتما را پارام هزماوڻه

4 ① فريسي پالتي ري منڪي هومپڙيو جي ايسو يوحنا ٿي وڌارڻه شيلا ڪرڻه ري، ان اوئا ٿي وڌارڻه منڪون نٺه پويتر سنون ڏڻه ري. ② هاس ۾ ايسو آٻ منڪون نٺه پويتر سنون نٺو ڏيتو پڻ آٻرون شيلون ٿي ڏيوراوتو تو. ③ زئون پريو ايسو نٺه ڪٻر پڙي جي فريسي پالتي ري منڪي اي هومپڙيوه، ٿيون او يهوديه صويو ساڏين وڙي گليل صويا هومو روونو ٿيو. ④ اوتنه زايا هارو اوئا رڻه سامريه علاقا ۾ ٿين متو تو.



⑤ تيام ويتون ويتون او سامريه را سوخار نومي شهر ڪن آوي پوگيو. هائي شهر اوئا زمي ٿي ڏوڪڙو سٺه جيي يعقوب آٻرا ڏيڪرا يوسف نٺه ڏيڏي ٿي. ⑥ اوتنه يعقوب رڻي نوراوڻ ويرڻي هٿي. تيام ايسو پنڌ ٿي ٿاڪين ويري مانه

پينو هئو. تئيون پپورون رو بارونڪ رو ٿوڻو هئو.

⑦ تڻه ٿوڻه سامري قوم رڻي هيڪ ڏوشي اونا ويري مانه پوڻي پروا آوئي، تو ايسو اونا ننه ڪيتو: ”ٻائي، مون ننه پوڻي پيئار.“ ⑧ ايسو را شيلا اوڻه ٿوڻه شيمون ليوا شهر موئين ڳيا تا. ⑨ سامري قوم ري ڏوشي ايسو ننه ڪيتو: ”تمي يهودي سو، تمي مون سامري قوم ري ڏوشي ٿي پوڻي ڪم مونگوه ريا؟“ هون يهودي قوم سامري قوم ٿي شپ راکڻه. ⑩ تيا مانه ايسو اونا ننه ورنڌي ڏيڏي: ”جي ٿون ننه ايشا وات رڻي ڪهر هوڻت جي پگهون منڪون ننه ڪي ڏيوا ڪرڻه، ان اي پڻ ڪهر هوڻت جي هون ٿون ٿي پوڻي مونگيا واڙو ڪون سون، تو ٿون مون ٿي مونگت ان هون ٿون ننه جيوڙيا واڙو پوڻي ڏت.“ ⑪ تو ڏوشي اونا ننه ڪيتو: ”ساب، تمون ڪن پوڻي ڪاڍيا هارو ڪوئي نونپرو نٿي ان ويرڻي اونڌي سڻه، تو پسڻه تمي ڪي ٿي آپرو جيوڙيا واڙو پوڻي پرشو؟ ⑫ تمي آپرا آپ ننه آپنا ڏاڏا يعقوب ٿي مون هزموه ڪي؟ اوڻه امون ننه اي ويرڻي ڏيڏي ٿي. او آپ ايشا موئين ٿي پيتو، ان اونا را ڏيڪرا ان اونا رو مال پڻ ايشا موئين ٿي پيتو.“ ⑬ تيا مانه ايسو اونا ننه ڪيتو: ”جو ڪوئي اي پوڻي پيڻه اونا ننه وڙي ترهڻه لاڳشي. ⑭ پڻ جو مارو ڏيڏل پوڻي پيڻه، تو اونا ننه هميش هوندي ترهڻه ڪيڏي نئين لاڳهه، پڻ مارو ڏيڏل پوڻي اونا موئين پتار را پوڻي را زم نيهرتو ريشي، جيا ٿي اونا ننه هميش رو جيون زڙشي.“

⑮ تئيون ڏوشي اونا ننه ڪيتو: ”ساب، هائي پوڻي تمي مون ننه ڏيو، زم مون ننه ترهڻه نه لاڳهه ان مارڻه ايتڻه پوڻي پروا وڙي نه آوو پڙه.“ ⑯ تو ايسو اونا ننه ڪيتو: ”زا ان آپرا آدمي ننه ايتڻه تيڙي آو.“ ⑰ تيا مانه ڏوشي اونا ننه ڪيتو: ”مارو آدمي سڻه ٿي نئين.“ تو ايسو اونا ننه ڪيتو: ”ٿون نيڪ ڪڻه رڻي جي ٿارو آدمي سڻه ٿي نئين، ⑱ ڪم تو تئين پونس آدمي ڪرياه ان همڻه جيا پيڙي ٿون رڻه رڻي او ٿارو آدمي نٿي. تئين هاس ڪيڏو.“



①٩ ڏوشي اوثا نئه ڪيڏو: ”سادو جي، هوءَ هون اوڙڪي گهيٺ جي تمڀي پڳوون رو نياپو ڏيڏا واڙا سو، نڪا تمون نئه هايا وات رئي ڪهر نه پڙتت. ②٠ هوءَ اماري سامري قوم را ڏاڏا هايا ڏونگر مانه پوزا ڪرتا پڻ تمڀي يهودي ڪوه ريا جي پوزا ڪريا رئي صحيح جگا يروشلم شهر موئين سئه. هوءَ تمڀي مون نئه ڪو، ڪيئن پوزا ڪروو ڪيئن؟“ ②١ تو ايسو اوثا نئه ڪيڏو: ”باڻي، دوم بوم رئي وات ساڏا، مارئي وات مون، او توو آونھ ريو زئيون تمڀي نڪو هايا ڏونگر مانه زائين نڪو يروشلم شهر موئين زائين پڳوون پاپ رئي پوزا ڪرشو. ②٢ تمڀي سامري قوم واڙا پڳوون رئي پوزا تو ڪروھ، پڻ اوثا را پارام زوتتا ئي نٿي. پڻ امي يهودي تو پڳوون را پارام زوتونھ جيا رئي امي پوزا ڪرونھ، ڪم تو پڳوون رو سونيل پچايا واڙو يهودي قوم موئين ٿي آيا واڙو سئه. ②٣ توڻي ايوو توو آونھ ريو پڻ هاو آوي پوگيوھ زئيون هاسا پوزاري پڳوون پاپ رئي پوزا پويتر آما ري ڪڙا ٿي ان هاسا من ٿي ڪرشي، ڪم تو پڳوون پاپ نئه ايوا پوزاري وئھ. ②٤ پڳوون واٿيرا را زم آما سئه. ان جيا منڪ اوثا رئي پوزا ڪرئھ، اوئون رئه پويتر آما ٿي ان هاسا من ٿي اوثا رئي پوزا ڪروو ڪيئن.“

②٥ تيون ڏوشي اوثا نئه ڪيڏو: ”مون نئه تو ڪهر سئه جي پڳوون رو سونيل

پڇايا وازو مسيح آوئو ريو، جيا نئه ڪريست ڪئو. زئيون او آوشي تئيون او
آپون نئه ٻڌوئي ڪئين هميڙاوشي. "26 پسنه ايسو اوئا نئه ڪيڏو: "هُون جي تون
ٿي ٻولونو ريو، هون او رو او سون."

27 اوئو ٿوئو ايسو را شيلا پاسا آيا را ان او حيرون هتا جي ايسو ڏوشي ٿي
واتون ڪرئو ريو. توئي پڻ ڪيئو ئي ايسو ٿي نه پونسيو جي تم اونا ٿي ڪم
واتون ڪرو ريا ان تمارو اونا ٿي ڪيو ڪوم سئو؟ 28 تئيون ڏوشي آهرو گهڙو
ساڏين پاسي شهر ۾ گهي پري ان اوئو زائين منڪون نئه ڪيڏو: 29 "هالو
هالين هڪا ايوا منڪ نئه زوئو، جيئو جي ڪئين مئين ڪريو او ٻڌوئي مون نئه



هميڙايو ٻرو. هائي منڪ ضرور پڳون
رو سونيل پڇايا وازو ڪريست هوشي،
نا؟" 30 تيام منڪ شهر ٿي نيهرين ايسو
ڪن آوا مڏيا.

ايسو پاڪل قصل رو مثال زين هزماوئو

جي همئو منڪ وشواس اوٿيا هارو تيار سئو ان شيڪازيا رو ٿوئو سئو

31 تئو ٿوئو ايسو را شيلا ايسو نئه منٽ ڪرتات ريا: "گرو جي، روئي ڪائي
ليو." 32 پڻ ايسو اوئون نئه ڪيڏو: "مون ڪن حياتي رو ايوو هيلو سئو، جيا
رئي تمون نئه ڪهر نئي." 33 تيام شيلا هڪا پيزا نئه ڪيو مڏيا: "گرو جي هارو
ڪوڪ کاڌا رو ڪئينڪ لايو تو، ڪي؟" 34 پڻ ايسو اوئون نئه ڪيڏو: "مارئي
حياتي کاڌا پيدا مانه نه. پڻ ماري حياتي رو هيلو اي سئو جي هون پڳون
ري مرضي مانه وون جيئو مون نئه ميليو، ان اوئا رو ڏيڏل ڪوم پورو ڪرون.
35 تمون موئين اي ڪيئي نئي ڪي: 'هزون آڏا پڙيا سئو مئينا چار لبارا نئه.
پڻ هون هون تمون نئه ڪونه ريو جي همئو اونڪيون اوگهاڙين ڪيترون نئه
زوئو، جي پوک پاڪي پري ان همئو لبارا رو ٿوئو سئو. 36 اي او ٿوئو سئو

زئيون لثيارا آپري مزورئي لئه، ان ڏون پيڙو ڪرئ، زم وايا واڙو ان لثيا واڙو
 ٻي ئي پيڙا ڪش ٿئ. مطلب، همٿه منڪون نئه شيڪاڙيا رو ان هميش رو جيون
 ليڏا هارو پيڙا ڪريا رو ٿوئو سئ. (37) اي ڪيٿئي هاسئي سئ جي 'هيك منڪ
 واوئ، پڻ پيڙو منڪ لئئ. (38) مئين تمون نئه او لئوا ميلياھ، جيام تمي اڳي
 ڪئين ڪوم نه ڪريو. پڙي منڪي ڪوم ڪريو، ان تمي اوئون را ڪرل ڪوم
 رو ڦائڻو ليوھ ريا.

(39) اوئا شهر ري گهٽي سامري قوم واڙي يقين ڪريو جي ايسو پڳوون رو
 سونيل پڇايا واڙو ڪريست سئ. ڪم تو اوئ ڏوشي اوئون نئه هاڪ پرين ايسو
 را پارام ڪيڏو تو: "مئين جي ڪئين ڪريو، اوئ منڪ ٻڌوئي مون نئه همپڙايوھ
 پرو." (40) تيام زئيون سامري قوم را منڪ ايسو ڪن آيا، تئيون اوئي ايسو نئه
 آپ ڪن ريا رئي منٿ ڪرئي، ان ايسو اوئون ڪن ٻي ڏي ريو. (41) ان پيڙي گهٽي
 منڪي ايسو ري واتون هومپڙين اوئا مانھ وشواس اوئيو. (42) او اوئا ڏوشي نئه
 ڪيو مڏيا: "هوءَ امي ٿاري ڪيڏل وات ري ڪري نئين پڻ ايٿا ري ڪري وشواس
 راکونھ، ڪم تو امي آپ اوئا ري واتون هومپڙيھ، ان امون نئه ڪپ سئ جي او
 هاس ۾ ڏنيا رون منڪون نئه تارڻ ڏيڏا واڙو سئ."

ايسو هڪا سرڪاري منڪ را ڏيڪرا نئ هارو هورو ڪرئ

(43) سامريه علاقا ۾ ٻي ڏي رين ايسو گليل صويا هومو روونو ٿيو. (44) هوءَ
 ايسو آپ اڳي ڪيڏو تو: "پڳوون رو نياپو ڏيڏا واڙا رو آپرا ڏيھ ۾ مون ٿئي
 ٿيتو." (45) تيام زئيون او آپرا گليل صويا موئين پاسو آيو، تو اوٿ را منڪ اوئا
 ٿي ڪشي ٿي مڙيا، پڻ روڳا اوپرليا من ٿي. ڪم تو او پڻ يروشلم شهر موئين
 پاشڪا پرڀ مانھ ڳيا تا، ان اوئي ٻڌوئي ڪئين پاڙيو تو جي ايسو اوئئ پرڀ
 مانھ ڪيو پرسا ڏيڪاڙيا تا.

(46) ايسو گليل صويا را قانا شهر موئين وڙي آيو جيئئئ اوئ پوئي ٿي ڌراڪون

رو رس نايو تو. هَوَئِه سرڪار رو هيڪ ساپ هتو جيا رو ڏيڪرو ڪفرنحوم شهر ۾ مونڌو هتو. (47) زئيون اُوئِه هومپڙيو جي ايسُو يهوديه صُوپو ساڏين ايتته گليل صُوپا موئين آيوه رو، تئيون ايسُو ڪن آوين اُوئا نئه منت ڪرئي: ”ميريونتي ڪرين هالو، ان مارا ڏيڪرا نئه هازو هورو ڪرو.“ اُوئِه ام ڪيڌو ڪم تو اُوئا رو ڏيڪرو مريا مانه هتو. (48) تيام ايسُو اُوئا نئه ڪيڌو: ”تمي منڪ پرسا ان نيشون زويا وگر مون مانه وشواس نئين راکو.“ (49) توئي پڻ حڪومت رئه ساپ ايسُو نئه ڪيڌو: ”ساڏو جي، هالو، نڪا مارو سوڪرو مري زاشي.“ (50) پسئه ايسُو اُوئا نئه ڪيڌو: ”تمي آپري گهري زائو. تمارو ڏيڪرو هَوَئِه نئين مرئه.“ ساپ ايسُو ري ايئا ڪيڏل وات مانه يقين راکيو ان آپرا گهر هومو روونو ٿيو.

(51) اُو ساپ پاسو آپري گهري زاتو تو، تئيون اُوئا را نوڪر رستا ۾ نياپو لين اوتون اُوئا نئه پيڙا ٿيا ان ڪيڌو: ”تمارو سوڪرو مريا ٿي پچي گيوه.“ (52) تيام ساپ نوڪرون ٿي پونسيو: ”سوڪرو ڪيئه ٿوئنه نيڪ ٿي گيو؟“ تو اُوئي ڪيڌو: ”ڪال پپورون رو هيڪ واگي، اُوئا رو تاو اوتري گيو تو.“ (53) تئيون پاپ هزمي گيو جي سوڪرو اُوئِه ئي هاگي ٿوئنه نيڪ ٿي گيو تو، جيئه ٿوئنه ايسُو اُوئا نئه ام ڪيڌو تو: ”تمارو ڏيڪرو هَوَئِه نئين مرئه.“ ان اُوئِه ساپ ايسُو مانه وشواس اوٿيو ان اُوئا ري گهر ري ٻڌي منڪي پڻ وشواس اوٿيو. (54) هيوئِه نمونئه ايسُو يهوديه صُوپو ساڏين گليل صُوپا موئين آوين وڙي پيڙي وار پرسو ڏيڪارڙيو، ان هم نيشون ڏيڌو جي اُو ڪون سئه.

پويتر ڏي رو ايسُو هيڪا رُونجڙا نئه هازو ڪرئه

5 ① تيا ڪيڙ يهوديون رئي هيڪ پرپ آئي، تيام ايسُو يروشلم شهر ۾ پرپ مانه گيو. ② هَوَئِه يروشلم ۾ رڊيون واڙا دروازا ڪن هيڪ تڙاو سئه، جيا نئه عبراني ٻولي ۾ بيت حسدا ڪئو. اُوئا تڙاو رئه پيوڙي پونس پڪا ڍاڙيا

سٺه. ③ ڏاڙيون هيٺ الاهي گهٽا اونڌا، پونگڙا، رُونگڙا ان هيو پيمار منڪ پڙيا تا. (اُو تڙاؤ ۾ پوڻي ڏگيا رڻي وات زوتا تا، ④ ڪم تو ڪيڏيڪ ڪيڏيڪ ايشور را پاها ٿي آڪاشي ڏوت اوتو ان پوڻي ننه ڏگاوو. جيو پوڻي ڏگيا رنه ٿوئنه ٻڌون مور موئين اوترتو، اوتنا ننه ڪيوڻي پڻ پيمارڻي هوئيتي اُو هازو هورو ٿي زاتو.)

⑤ اوتنه هيڪ منڪ هتو، جيو انٿيه سالون ٿي پيمار پڙيو تو. ⑥ ايسو اوتنه آوين هايا منڪ ننه پڙيو پاڙيو، ان اي زوئين جي اُو گهٽا وڪت ٿي ايوي حالت ۾ سٺه، اوتنا ننه پونسيو: ”ڪي تمي هازا هورا ٿيو ڪروه؟“ ⑦ تئين اوتنه ايسو ننه ڪيڏو: ”ساب، مون ڪن ڪوئي ايو منڪ نٿي، جيو مون ننه پوڻي ڏگيا رنه ٿوئنه هازو هورو ٿيا هارو تڙاؤ موئين اوتارنه. مارنه اوتنه پوگيا مور پيزو ڪوڪ نيسو اوتري زانه.“ ⑧ ايسو اوتنا ننه ڪيڏو: ”اونين اويو، آپرو پاڙو اُوپاڙو ان وو.“ ⑨ ان جهٽ ۾ اُو منڪ هازو هورو ٿيو، ان آپرو پاڙو اُوپاڙين ويو مڏيو.

جيڏي هائي وات ٿي، اُو ڏي پويتر ڏي هتو. ⑩ تيام يهودي ڌرم را آگيون هازا ٿيل منڪ ننه ڪيو مڏيا: ”آز پويتر ڏي سٺه، ان ڌرم پرموئنه ٿارنه پاڙو آڙ نه لي زاوو، ڪم تو پويتر ڏي رو ڪئين ڪوم نه ڪروو.“ ⑪ پڻ هازنه ٿيل منڪ اوتون ننه جواب ڏيڏو: ”اُو جيئنه مون ننه هازو هورو ڪريوه، اوتنه مون ننه ڪيڏوه جي آپرو پاڙو اُوپاڙو ان وو.“ ⑫ تو آگيون هازا ٿيل منڪ ٿي پونسيو: ”اُو منڪ ڪيو سٺه، جيئنه تون ننه پاڙو اُوپاڙيا رو ان وودا رو ڪيڏوه؟“ ⑬ پڻ هازا ٿيل منڪ ننه ايٿا رڻي ڪئين ڪهر نٿي جي اُو ڪيو سٺه، ڪم تو اوتنا ماڳ گهٽا منڪ هتا ان تيام ايسو اوت ٿي گيوت پرو.

⑭ تيا ڪيڙ ايسو هازا ٿيل منڪ ننه پگيون را گهر موئين پيزو ٿيو، ان اوتنا ننه ڪيڏو: ”زوئو، هوئه تمي هازا هورا ٿي گياھ. تمي هوئه وڙي ڪراپ ڪوم مت ڪريا، نڪا پگيون را پاها ٿي تمون ننه سزا زڙشي، ان تمارڻي حالت

موروكي حالت ٿي وڌارڻه ڪراپ ٿيڻي.

15) تيون هازو ٿيل منڪ گپو پرو ان زائين يهودي ڌرم رون اڳيونون نئه ڪيڏو: ”او منڪ ايسو سئه، جيئنه مون نئه هازو هورو ڪريوه.“

16) تيام يهودي ڌرم را اڳيون ايسو نئه تنگ ڪروا مڏيا ڪم تو او هيو ڪوم پويتر ڏي رو ڪرتوت ريو. 17) پڻ ايسو اوئون نئه اي جواب ڏيڏو: ”روز روز مارو ٻاپ پڳون هزون هودي ڪوم ڪرتو رئه، ان هون پڻ ڪوم ڪرتو ريونه.“

18) تيام يهودي ڌرم را اڳيون ايسو نئه نمو ماريا رئي وڌارڻه ڪوشش ڪروا مڏيا، ڪم تو او نه روڳو پويتر ڏي مانه ڪوم ڪرين اوئون ري نظر ۾ ڌرم نتو پاڙتو، پڻ پڳون نئه آپرو ٻاپ ڪين آپ نئه پڳون هرڪو پڻ ڪرتوت ريو.

پڳون ٻڌوئي ڪئين آپرا ڏيڪرا ايسو ري هاڻي ڏيڏوه

19) تيا مانه ايسو يهودي ڌرم رون اڳيونون نئه ڪيڏو: ”هون تمون نئه هاس ئي هاس ڪونه: ڏيڪرو آپرا پاها ٿي ڪئين نٿي ڪري هڪتو. او روڳو او ڪري هڪه جو آپرا ٻاپ نئه ڪرتو پاڙهه. ايوئه نمونئه زم مارو ٻاپ پڳون ڪرئه هون ڏيڪرو پڻ امروم ڪرونه. 20) ڪم تو پڳون ٻاپ مون ڏيڪرا ٿي پريم راکهه، ان جي ڪئين او آپ ڪرئه او ٻڌوئي مون نئه ڏيڪارئه. او هايا ٿي پڻ موٽا ڪوم مون نئه ڪريا هارو ڏيڪارئي، جيون نئه تمي منڪ زوئين حيون ٿي زاشو. 21) ڪم تو زم پڳون ٻاپ مرلون نئه جيوي اونارئه ان جيون ڏئه، تم هون ڏيڪرو جيون نئه ڏيوا ڪرونه اوئون نئه حياتي ان جيون ڏيونه. 22) پڳون ٻاپ ڪيا رو نيا نٿي ڪرتو، پڻ اوئه مون ڏيڪرا مانه نيا ڪريا رو ٻڌوئي ڪوم ساڏيوه، 23) زم ٻڌائي منڪ مون ڏيڪرا نئه ايو مون ڏئه جيو مون او پڳون ٻاپ نئه ڏئه. جيو مارو مون نٿي راکتو، او مارا ٻاپ رو مون نٿي راکتو جيئنه مون نئه ميليوه.“

24) هون تمون نئه هاس ئي هاس ڪونه: جيو منڪ مارو وچن مونئه ان پڳون

مانه وشواس راکٺه جيئنه مُون نئه ميليوه، اُوئا نئه هميش رو جيون زڙل سئه، ان اُوئا مانه هميش را موت ري سزا رو ڦينصلو نئين نئه. اُو تو هميش را موت ٿي پڇي گيوه، ان اُوئا نئه هميش رو جيون زڙيوه.

25) هُون تمون نئه هاس ٿي هاس ڪونه: اُو توتو آوئه ريو پڻ هاو آوي پوگيوه، زنيون مرل منڪ مون پڳوون را ڏيڪرا رو هاڏ هومپڙشي ان جيا ماري واتون مونته اُو جيوتا ٿيشي. 26) ڪم تو پڳوون ٻاپ مون ڏيڪرا نئه اي حق ڏيڏوه جي زم اُوئا ٿي جيون زڙهه تم مون ٿي پڻ جيون زڙهه. 27) ان اُوئه مون نئه نيا ڪريا رو حق ڏيڏوه ڪم تو هون اُو هاڳي منڪ ذات رو ڏيڪرو سون جيا نئه اُوئه راز ڪريا هارو سونديوه.

28) هايا وات مانه ٽي حيرون مت ٿيو، ڪم تو ايوو توتو آوشي زنيون مرل منڪ ٻڌائي مقومون موئين مارو هاڏ هومپڙشي، 29) ان ٻڌائي جيوتا ٿيشي ان مقومون موئين ٿي نيهري آوشي. جيئي نائوڪا ڪوم ڪريا هوشي، اُو هميش رو جيون ليڏا هارو جيوي اونشي. ان جيئي ڪراب ڪوم ڪريا هوشي، اُو نيا پرموئنه هميش ري سزا هارو جيوي اونشي.

پڳوون گهڻون نمونون ٿي ٺاينٿي ڏئه

جي ايسنو اُوئا رو ڏيڪرو سئ

30) ”هون آڀرا پاها ٿي ڪئين نٿي ڪري هڪتو. زم پڳوون مون نئه نيا ڪريا رو ڪنه، تم هون اُوئا را ڪيڏا پرموئنه نيا ڪرونه. ان هون انصاف ٿي ڦينصلا ڪرونه، ڪم تو هون ماري مرضي نئين پڻ پڳوون رٿي مرضي پورٿي ڪروا ڪرونه، جيئنه مون نئه ميليوه.

31) جي روڳو هون آڀرا پارام هاڪ پرونت، تو ڪئين ٿايتي نه ٿنت جي ماري هاڪ هاسي سئه ڪا نا. 32) پڻ پيزو ڪوڪ سئه جي مارا پارام هاڪ پرهه، ان مون نئه ڪهر سئه جي اُوئا رٿي پرل هاڪ مارا پارام ٿايتي سئه.

③③ ٽمي تو يُوحنا ڪن منڪون نئه پُونسوا ميليا ان اُوئه مارا پارام هاسئي هاڪ پريئي. ③④ مُون نئه منڪون ري پرل هاڪ رئي ڪئين ڪاڀي نئي، توئي پڻ هُون يُوحنا ري پرل هاڪ رئي وات ڪرونه، زم ٽمي اُوئا رئي پرل هاڪ مونين مُون مانه وِسواس اوئو ان پڳوون ري سزا ٿي پچي زائو. ③⑤ يُوحنا ٻڙتا ڏيوا را زم هتو ان منڪون نئه سوجهرو ڏيتو، ان ٽمي ٿوڙيڪ وار هُوڏي اُوئا را ڏيڏل سوجهرا ۾ ڪش هتا.

③⑥ پڻ مارا پارام هيڪ پيزئي هاڪ سئه جي يُوحنا ري هاڪ ٿي پڻ موئي سئه. اُو اي سئه: جيا ڪوم پڳوون ٻاپ مُون نئه پورا ڪريا هارو ڏيڏاه، اُو هاڳي ڪوم هُون ڪرونه ريو، ان اُو ڪوم آڀ مارا پارام هاڪ پره، ڪم تو ايئون ڪومون ٿي ٿايتي ٿئه جي پڳوون ٻاپ مُون نئه ميليوه.

③⑦ ان پڳوون ٻاپ پڻ جيئنه مُون نئه ميليوه، اُوئه آڀ مارا پارام هاڪ پريئه. ٽمي اُوئا رو آواز ڪيڏي نئي هومپڙيو، نڪو اُوئا رو رُوپ ڏيڪيوه، ③⑧ ان

نڪو ٽمي اُوئا رو وچن من موئين راکوه، ڪم تو ٽمي مارئي وات نئي مونتا جيا نئه اُوئه ميليوه.

③⑨ ٽمي شاستر ري نوئي نوني واتون ڏيون ڏين

پئوه، ڪم تو ٽمي هزموه جي شاستر ٿي تمون

نئه هميش رو جيون زڙشي. ان اُو هاڳي شاستر

مارا پارام هاڪ پره جي هميش رو جيون مُون

ڪن سئه، ④⑩ توئي پڻ ٽمي هميش رو جيون ليڏا


هارو مُون ڪن اوتا ٿي نئي.

④① هُون منڪون ٿي آڀرا وڪوڻ ڪراووا نئي ڪرتو، ④② پڻ هُون تمارا پارام

زوئونه جي ٽمي من موئين پڳوون ٿي پريم نئي راکتا. ④③ هُون مارا ٻاپ پڳوون

را پاها ٿي اُوئا رو مون وڌاريا هارو آيوه، توئي پڻ ٽمي مارئي وات نئي مونتا.

پڻ جي پيزو ڪوڪ آڀرا پاها ٿي آڀرو مون وڌاريا هارو اُوئه، تو اُوئا رئي وات



سٽرينَ آپرون شيلون پيڙو پينو هئو. ④ هونئ يهودي ڌرم رٿي پاشڪا پرپ آيا واڙئي هتئي.

⑤ پسنئ ايسو هومو زويو، تو الاهي گهئون منڪون نئ آپ ڪن آوتون پاڙيا. تيام اوتئ فلپس ٿي پونسيو: ”هايون منڪون نئ گورايا هارو آبي روئي ڪيٿ ٿي ويساتي ليشون؟“ ⑥ اوتئ فلپس رو آزمتو ليڏا هارو هم پونسيو جي او ڪي ڪئ، ڪم تو ايسو نئ اڳي ڪپر هتئي جي هون ڪي ڪريه. ⑦ تو فلپس اوتئا نئ وڙندئي ڏيڏئي: ”ڏه هزار روپيون ري روئي هوئت توئي پڻ هايون بتون نئ پوري نه ٿئت، جي هر هيڪ نئ پتڪو پتڪو اوتئ.“

⑧ تئيون ايسو رون شيلون موئين ٿي هيڪئ، شمعون پطرس رئ پائي



اندرياس، ايسو نئ ڪيڏو: ⑨ ايئئ هڪ سوڪرو سئ جيا ڪن پونس زوون ري روئي ان پي مشي سئ، پڻ اتون گهئون منڪون هارو هيا ٿي ڪي

ٿيشي؟“ ⑩ پسنئ ايسو ڪيڏو: ”منڪون نئ ڪاڏا هارو پيهارو.“ هونئ اوتئا ماڳ گهٽئي سهر هتئي، تيام او سهر مانه پينا هئا. اوتئ پونسڪ هزار روڳا آدمي هئا. ⑪ تئيون ايسو او روئي ليڏي، ان اوئون هارو پڳوون رو ٿورو مونين پينل منڪون نئ ورايا هارو شيلون نئ ڏيڏي. ان همروم ٿورو مونين مشي پڻ ڏيڏي. منڪون نئ زتو وٿيو، اتو ڏيڏو.

⑫ زئيون منڪ ڪائين ڌراپيا، تئيون ايسو آپرون شيلون نئ ڪيڏو: ”اوڳارل ٽڪرا پيڙا ڪرو، زم ڪئين ازايو نه زائئ.“ ⑬ تيام شيلي روئيون را ٽڪرا پيڙا ڪريا جي ڪاڏا واڙي اوڳاريا تا، ان اوئون پونسون زوون ري روئيون رون اوڳارل ٽڪرون ٿي شيلي بارئ چبا پريا.

⑭ تيام منڪ ايسو رو اي ڏيڪاڙل پرسو پاڙين ام ڪيو مڏيا: ”اي تو هاس م او رو او پڳوون رو نياپو ڏيڏا واڙو سئ جيو شاستر پرموئئ ڏنيا موئين آيا

واڙو سٺه. " ⑮ ايسُو اي وات زوتتو تو جي منڪ اونا نته زوري زهالين آپرو. يادشا ناوا ڪرئ رهيا، تيام ڏونگر مانه پيزيل ڪيٽڪ هيڪلو گيو پرو.

ايسُو پوڻي مانه وٺه

(متي 14:22-33، مرقس 6:45-52، يُوحنا 6:16-21)

⑯ زئيون هونز ٿي، تئيون ايسُو را شيلا ڏونگر ٿي نيسا اوترين ڍنڍ مانه گيا. ⑰ ان اوتنه پيڙي مانه سڙين پاسا ڍنڍ رته پيزنه پاهنه ڪفرنحوم شهر هوما زاوا مڏيا. هونه رات پڙي گهڻي ٿي ان ايسُو هزون هودي اوتون ڪن پاسو نٿو آيو. ⑱ تته توتنه گهڻو وائيو واتوت ريو ان ڍنڍ رو پوڻي گهڻو اوتل پاتل ٿيتوت ريو. ⑲ زئيون اوتني پيڙي ڏيون ٿي ڏوڍ ڪا هي گائو هاڪلي، تئيون اوتني ايسُو نته ڍنڍ را پوڻي مانه ويتون پيڙي ڏوڪڙو آپ وونهڙ اوتون پارو، ان او گهڻا پيشائي گيا. ⑳ پڻ ايسُو اوتون نته ڪيتو: "تمي پيشائو مت، اي هون سون." ㉑ تيام اوتني ايسُو نته ڪشي ٿي پيڙي ۾ پيهاريو. تئيون يڪدم پيڙي پيزنه ڪپ پوگي گهڻي جيئنه اوتون رته زاوو تو.

منڪ ايسُو نٺه ڳوتنه

㉒ پيزنه ڏي جيا گهڻا منڪ گليل ڍنڍ رته پرلته پاهنه ري گيا تا، او هزمي گيا جي ڪالي ايتنه روگهڻي هيڪ پيڙي هتي ان ايسُو آپرون شيلون پيڙو اونا پيڙي موئين نٿو سڙيو، پڻ شيلا روگا هيڪلا گيا تا. ㉓ تئيون ڪهنڪ پيڙي پيڙي بيرياس شهر ٿي اونا ماڳ ڏوڪڙي آوي، جيئنه پريو ايسُو روئين هارو ٿورو مونيو تو ان منڪي روئي ڪاڏي تي. ㉔ زئيون ٻڌي منڪي زويو جي ايتنه نڪو ايسُو سٺه نڪو اونا را شيلا، تئيون او هايون پيڙيون موئين سڙين ايسُو ري ڳوت ۾ ڪفرنحوم شهر هوما روونا ٿيا.

ايسو روتي رو مثال ڏين هزماوئھ جي رُوڳو او هميش رو جيون ڏيڏا وازو سئ

25) زئيون ڍنڍ پار ڪرين منڪي ايسو نئھ ڪفرنحوم شهر ۾ ڳوتي ليدو، تئيون اوئي ايسو نئھ پونسيو: ”ڳرو جي، تم ايتئھ ڪئيون آياھ؟“

26) تيا مانھ ايسو اوئون نئھ ڪيڏو: ”هون تمون نئھ هاس ئي هاس ڪونھ: تمي مون نئھ ايئا هارو نئي ڳوتتا جي تمي مارون ڏيڪارل پرسون رو مطلب هزمياھ، پڻ مون نئھ ايئا هارو ڳوتوھ ريا جي تمي روتي ڪائين ڌراپيات پرا. 27) آپرئي پورئي ڪوشش ايوا ڪاڏا هارو مت ڪرو جي پڳڙي زائھ، پڻ ايوا ڪاڏا هارو آپرئي پورئي ڪوشش ڪرو جي هميش ليڪ رئھ، ان جيا ئي هميش رو جيون زڙئھ. هائي ڪاڏو هون منڪ ذات رو ڏيڪرو تمون نئھ ڏيھ، ڪم تو پڳوون پاپ مون نئھ ايئا ڪوم هارو سوندييوھ.“

28) تئيون اوئي ايسو ئي پونسيو: ”هائي ڪاڏو ليدو هارو امارئھ پڳوون ري مرضي پرموئئھ ڪي ڪروو؟“

29) تو ايسو وڙنڌئي ڏيڏئي: ”پڳوون رئي مرضي اي سئھ، جي تمي مون اوئا را ميلل منڪ مانھ وشواس راکو.“

30) تيام اوئي ايسو ئي پونسيو: ”ثايتي هارو تمي ڪيو پرسو ڏيڪاروھ، جيا نئھ زوئين امي تمون مانھ وشواس اوئون؟ تمي ڪيو ڪوم ڪرئو؟ 31) موسي را وڪت ۾ آڀئي پاپ ڏاڏي رڻ ۾ پرسا ئي اول منا نومي روتئي ڪاڏئي تئي، زم شاستر ۾ لڪل سئھ:

’اوتھ ڪاڏا هارو اوئون نئھ آڪاش تي روتئي ڏيڏئي.

هوتھ موسي تو آڪاش تي روتئي ڏيڏئي تئي، تو پسئھ تمي ڪيو پرسو ڏيڪارئو؟“

32) تيام ايسو اوئون نئھ ڪيڏو: ”هون تمون نئھ هاس ئي هاس ڪونھ: موسي

تمون نئه آكاش ٿي هاسي روثي نئي ڏيڻي. پڻ مارو ٻاپ سئه جي تمون نئه آكاش ٿي هاسي روثي ڏئه، (33) ڪم تو پڳوون رئي ڏيڻل روثي او سئه جي آكاش ٿي اول سئه ان ڏنيا رن منڪون نئه جيوڙئو.

(34) تو اوثي ايسو نئه ڪيڏو: ”ساڏو جي، هائي روثي امون نئه هميش ڏيتا ريو.“

(35) تئيون ايسو اوثون نئه ڪيڏو: ”جيوڙيا واڙي روثي هون سون. اينا حياتي رئي روثي کاڌا ٿي منڪون نئه ڪيوو ڦائيدو؟ او وڙي پوکا ان ترها ٿئو. پڻ جيو مون ڪن اوئو ان مون مانه وشواس راکئو، هون اوئا نئه هميش رو جيون ڏيه. (36) پڻ زم مئين تمون نئه اڳي ڪيڏو، تمي مون نئه ڏيڪيوه توثي پڻ مون مانه وشواس نئي راکتا. (37) زتا منڪ مارو ٻاپ مون نئه ڏئه، او ٻڌائي مون ڪن آوشي. ان جيا مون ڪن اوئو، اوثون نئه هون ڪيڏي آپ ٿي ڌار نئين ڪرون. (38) ڪم تو هون آكاش ٿي اينا هارو آيوه جي مارئي مرضي نئين، پڻ پڳوون رئي مرضي پورئي ڪرون جيئن مون نئه ميليوه. (39) مون نئه ميليا واڙا رئي مرضي اي سئه، جي زتا منڪ اوئو مون نئه ڏيڏاه، اوثون موئين ٿي هيڪا نئه پڻ ڌار نه پڙوا ڏيون، پڻ پڇاڙي ڀر نيا رئه ڏي اوثون نئه وڙي جيوي اوئاڙون. (40) ڪم تو مارا ٻاپ رئي مرضي اي سئه، جي زتا منڪ مون ڏيڪرا نئه اوڙڪئو ان مون مانه وشواس اوئو، اوثون نئه هميش رو جيون زڙئو ان هون پڇاڙي ڀر نيا رئه ڏي اوثون نئه وڙي جيوي اوئاڙون.“

(41) تيام يهودي ڌرم را منڪ ايسو مانه ڀرڙوا لاڳيا ڪم تو اوئو ڪيڏو تو: ”آكاش ٿي اول روثي هون سون.“ (42) او ڪيو مڏيا: ”هائي منڪ يوسف رو ڏيڪرو ايسو نئي ڪي؟ آبي اوئا رن مائيترون نئه اوڙڪونھ ريا. تو پسئو او ڪم ڪرين ڪئو جي هون آكاش ٿي اول سون؟“

(43) تيا مانه ايسو اوثون نئه ڪيڏو: ”آپت ڀر مارئي ڳلامت ڪرو. (44) ڪوئي منڪ پڳوون ري مرضي وڳر مون ڪن آوي نئي هڪتو. مارو ٻاپ پڳوون جيئن

مُون نئه ميليوه، اُو منكون نئه مُون ڪن آيا رڻي مرضي ڏئه، ان هُون پڇاڙي
 ۾ نيا رئه ڏي اُوئون نئه وڙي جيوي اوناڙيه. (45) پڳوون رو نياپو ڏيڏا واڙون را
 لڪل شاستر موئين ام لڪل سئه:

’ٻڌائي منڪ پڳوون ٿي شيڪشي.

زتا منڪ پڳوون ٻاپ ري واتون هومپڙين اونا ٿي شيڪشه، اُو ٻڌائي مُون ڪن
 آوئه. (46) ام نٿي جي ڪئڪ پڳوون ٻاپ نئه ڏيڪيوه. پڻ روڳو هُون جي پڳوون
 ٻاپ را پاها ٿي اول سون، مئين پڳوون ٻاپ نئه ڏيڪيوه. (47) هُون تمون نئه
 هاس ٿي هاس ڪونه: جو مُون مانه وشواس راکشه، اونا نئه هميش رو جيون
 زڙل سئه. (48) جيوڙيا واڙي روٿي هُون سون. (49) اُو منا نومي روٿي جيا نئه
 تماري ٻاپ ڏاڏي رڻ ۾ کاڌي ٿي، اُو جيوڙيا واڙي نٿي. ڪم تو اُوئي
 منا کاڌي ٿي توئي پڻ اُو ٻڌائي مري گيا. (50) پڻ آڪاش ٿي اول روٿي اي
 سئه، جيا نئه کائين منڪون نئه هميش رو جيون زڙه. (51) آڪاش ٿي اول جيون
 ڏيڏا واڙي روٿي هُون آپ سون. جو ڪوئي اي روٿي کائو اُو هميش هُوڏي
 جيو تو ريشي. اي روٿي جيا ٿي هميش رو جيون زڙه، اي مارو آپرو ڏيل
 سئه، ڪم تو هُون آپرو جيو پڳوون را نوم مانه ڏيه زم ڏنيا رون منڪون نئه
 جيون زڙه.”

(52) تيا مانه يهودي ڌرم واڙا آيت ۾ ام تڪرار ڪروا مڏيا: ”اي منڪ آپون
 نئه ڪم ڪرين آپرو مونه ڪوراوي هڪه؟“

ايسو آپرو مونه کاڌا رو ان آپرو لوئي پيڏا رو مثال ڏين هزماوئه
 جي اونا رئه پڳوون را نوم مانه آپرو جيو ڏيڏا ٿي
 منڪون نئه هميش رو جيون زڙشي

(53) تيام ايسو اُوئون نئه ڪيتو: ”زئيون تم پڳوون را نوم مانه مال سڙاووه،
 تئيون تماره اونا رو مونه ضرور ڪاوو، پڻ اونا رو لوئي پيڏا رو نا پاڙل سئه،

ڪم تو لوئي ۾ جيون سٺه. هون هون آڀرو جيو پڳوون را نوم مانه ڏيه، ان ضروري سٺه جي تمې مون مانه وشواس راڪو زم مارا مونه ٿي ان مارا لوئي ٿي تمون نٺه جيون زڙه. هون تمون نٺه هاس ٿي هاس ڪونه: زئون هون ٿي تمې مون منڪ ذات را ڏيڪرا مانه وشواس راڪين مارو مونه ٿي کاتا ان مارو لوئي ٿي پيتا، جيو هون پڳوون را نوم مانه ڏيه، تئون هون ٿي تمون نٺه هميش رو جيون نئين زڙه. (54) جو ڪوئي مون مانه وشواس راڪين مارو مونه ڪانه ان مارو لوئي پيتا، اوتا نٺه هميش رو جيون زڙل سٺه، ان پچاڙي ۾ نيا رٺه ڏي هون اوتا نٺه جيوي اوتاڙيه. (55) ڪم تو کاڌا پيدا ٿي منڪ روڳا حياتي رٺه، پڻ مارٺه آڀرو جيو پڳوون را نوم مانه ڏيڌا ري ڪري مارا مونه ان لوئي ٿي منڪون نٺه هميش رو جيون زڙه. (56) جو ڪوئي مون مانه وشواس راڪين مارو مونه ڪانه ان مارو لوئي پيتا، اُو مون پيڙو رٺه ان هون اوتا پيڙو ريونه. (57) جيون نمونته جيون ڏيڌا واڙهه ٻاپ مون نٺه ميليوه ان هون ٻاپ ري ڪري جيوتو سون، هيونته نمونته جيو مون مانه وشواس راڪنه اُو پڻ ماري ڪري جيوتو ريشي. (58) هائي سٺه آڪاش ٿي اول روئي. اُو ايوي روئي ٿي جيا نٺه ٻاپ ڏاڏي ڪاڏي ٿي ان توئي پڻ مري ڳيا تا. جيو مون مانه وشواس راڪين هائي روئي ڪانه، اوتا نٺه هميش رو جيون زڙشي.

(59) ايسو هائي ٻڌي واتون ڪيڏي زئون اُو ڪفرنحوم شهر موئين پڳوون را

منڌر موئين شيڪاڙتوت ريو.

شيلون مانه آزمتو اوتھ جي ڪون پڪو وشواس راڪنه

(60) ايسو ري اي واتون هومپڙين ايسو رون شيلون موئين ٿي گهڻي زئي ڪيتو: "اي واتون مونيام هاو ڏوري سٺه. ايئون نٺه ڪون مونشي؟"

(61) پڻ ايسو آڀرا من ۾ اي زونين جي اوتا را شيلو اوتا را پارام ٻرڙه ريا،

اوتون نٺه ڪيتو: "ايئون واتون ٿي تمارو وشواس ڏڳي ڳيوه ڪي؟" (62) پڻ جي

تَمِي مُونَ مَنْكَ ذَاتَ رَا ذِيڪَرا نَنه اَڪاشَ مانَه سَڙتونَ پاڙو جِيئَنه هُونَ مَورَمَنه هَتو، تُو پَسَنه ڪَمَ زوڻوَه! (63) جِيواڙيا واڙو پَوِيترَ اَتما سَنه. پَوِيترَ اَتما وِڳرَ جِيوَنَ لِيڏا هَارُوَ مَنْكَ ڪَئينَ نَٿِي ڪَري هَڪتا. جِي واٽونَ مَئينَ تَمونَ ٿِي ڪَريه، اُوئونَ نَنه مَونِيا ٿِي تَمونَ نَنه پَوِيترَ اَتما زڙشي اَن جِيوَنَ زڙشي. (64) پڻَ تَمونَ مَوئينَ ٿِي ڪَينڪَ سَنه جِي ماريَ واٽونَ مانَه يَقيَنَ نَٿِي رَاڪتا.

ايسُو هَمَ ڪِيڏو ڪَمَ تُو شَرُوعَ ٿِي لِينِ اُوڻا نَنه ڪَبرَ هَٿِي جِي ڪُونُ ڪُونُ مُونَ مانَه وِشَواسَ نَٿِي رَاڪتا، اَن اُو ڪُونُ سَنه جِيوَ مُونَ نَنه زَهلاوِشي.

(65) پَسَنه ايسُو وڙي ڪِيڏو: ”تِيامَ مَئينَ تَمونَ نَنه اِڳي ڪِيڏو تُو جِي ڪوئيَ مَنْكَ مُونَ ڪَنَ آوي نَٿِي هَڪتو، زَئِيونَ هُوڏِي پَڳوونَ پاپَ اُوڻا نَنه هَمَ ڪَريا رَئي مَٿِي نَه ڏَنه.“

(66) تِيا تُوڻا ٿِي لِينِ هَايا واٽَ ري ڪَري ايسُو رُونَ شِيلونَ مَوئينَ ٿِي گَهَٽِي زَئي ايسُو رَئي ڪِيڙَ ساڏِي. (67) تِيامَ ايسُو اَپرونَ پارونَ سُونِڊلَ شِيلونَ ٿِي پُونَسِيو: ”تَمِي پڻَ ماريَ ڪِيڙَ ساڏوا ڪَرو هَڪي؟“

(68) شَمَعُونَ پَطرسَ اُوڻا نَنه وڙنڏِي ڏِيڏِي: ”پَرِيو، اَمِي پِيڙا ڪَيا ڪَنَ زائون؟ رُوڳا تَمِي سو جِيا ري واٽونَ مَونِينَ هَمِيشَ رُو جِيوَنَ زڙهه. (69) اَن اَمِي تَمونَ مانَه وِشَواسَ اوڻِيوه اَن اَمونَ نَنه ڪاٽَرِي ٿِيه جِي تَمِي پَڳوونَ رَا پَوِيترَ شِيواڏاري سو.“

(70) تِيا مانَه ايسُو اُوئونَ نَنه ڪِيڏو: ”مَئينَ آپَ تَمونَ پارونَ زَئونَ نَنه مارا شِيلا ٿِيا هَارُوَ سُونِڊِياه، نا؟ تُوڻِي پڻَ تَمونَ مَوئينَ ٿِي هِيڪَ سَنه جِيوَ شِيطونَ رَا پاها رُو سَنه.“

(71) ايسُو اِي واٽَ شَمَعُونَ اِسڪَريوتِي رَا ذِيڪَرا يَهُوداهَ رَا پارامَ ڪِيٽوتَ رِيو، جِيوَ پارونَ سُونِڊلَ شِيلونَ مَوئينَ ٿِي هِيڪَ هَتو، تُوڻِي پڻَ تِيا ڪِيڙَ اُوڻه ايسُو نَنه زَهلايو.

ايسو پڳوون ري مرضي وڳر آپ نٺ منكون هومو ساوو نٺي ڪرتو

7 ① تيا ڪيڙ ايسو گليل صوڀا موئين پند ڪرتو ريو. او يهوديه صوڀا موئين زايا ٿي پاهو ڪرتوت ريو، ڪم تو اوت را يهودي ڌرم را آڳيوون اوتان نٺ نمو ماروا ڪرتات ريا.

② هونئ يهودي ڌرم رٿي پرڀ ڏوڪڙي آوئي جيا نٺ ڍاڙيون رٿي پرڀ ڪن. ③ تيام ايسو ري پايي اوتان نٺ ڪيڏو: "ايتن تون نٺ ڪئين نئين وٺن. اي تر ساڌين تون يهوديه صوڀا موئين پرڀ مانه زا، زم اوتن او ٻڌائي منڪ جيا تارا شيلا سٺ، تارا ڪوم ان پرسا زوئي هڪن. ④ منڪ جي مشور ٿيوا ڪرڻ، او آڀرا ڪوم هٽاڙين نئين ڪرڻ. تون هيو ڪوم ڪرڻ ريو، تو آڀرا آپ نٺ ٻڌي دنيا هومو ساوو ڪر." ⑤ ايسو ري پايي هم ڪيڏو ڪم تو او پن هزون اوتان مانه وشواس نتا را ڪتا.

⑥ تيام ايسو اوتون نٺ ڪيڏو: "مارو ساوو تيا رو توڻو هزون نٺي آيو. تمي پلن زانو. تمون هارو توڻا رٿي ڪئين وات نٺي، ⑦ ڪم تو دنيا را منڪ تمون ٿي وير را ڪي نٺي هڪتا. پن مون ٿي او وير را ڪن ڪم تو هون اوتون را پارام هاڪ پرين همپڙاوتو ريونه جي اوتون را ڪوم پونڌا سٺ. ⑧ تمي آپ پلن پرڀ مانه يروشلم شهر موئين زانو، هون همٺن ايتا پرڀ مانه اوتن نئين هالون، ڪم تو مارو ساوو تيا رو توڻو هزون نه آيو."

⑨ هائي وات ڪين ايسو گليل صوڀا موئين ريو.

ايسو ڍاڙيون ري پرڀ مانه منڪون نٺ شيڪاڙيا هارو يروشلم زانو

⑩ زيون ايسو رهاڻي پرڀ مانه يروشلم شهر موئين ڳيا، تيا ڪيڙ ايسو آپ پن



اوتنه گيو. پڻ اُو ساوئه ڍاڙه نه گيو،
زم منڪون نئه ڪهر نه پڙه.

⑪ تيام يهودي ڌرم را آڳيون
ايسو نئه پرپ مانه گوتتات ريا ان
آپت ۾ ڪيتات ريا: ”اُو ڪيه سئه؟“
⑫ زاتروئون موئين پڻ گهڻا منڪ ايسو
را پارام سوني واتون ڪرتات ريا.
ڪئينڪ ڪيتات ريا: ”اُو نائوڪو منڪ
سئه.“ پڻ پيڙا ڪيتات ريا: ”نا نا، ام
نٿي. اُو منڪون نئه شيترين اوڙهه پاهنه
ڦيروئه.“ ⑬ پڻ ڪوئي منڪ ايسو را
پارام ٻٽون رئه روپرو نٿو ٻولتو، ڪم تو

اُو ٻڌائي آپرون يهودي ڌرم رون آڳيونون ٿي پيڻاتات ريا.

⑭ زئيون پرپ را هڻتا را ترڪ ڏي وڃي گيا تڻيون ايسو پڳوون را گهر
موئين گيو ان شيڪاڙوا مڏيو. ⑮ تيام يهودي ڌرم را آڳيون حيرون هتا ان ڪيو
مڏيا: ”اي منڪ گرو ڪن شيڪيا وگر ڪم ڪرين شاستر ري واتون زوئشه؟“
⑯ تيا مانه ايسو اوتون نئه ڪيتو: ”جي واتون هون شيڪاڙونه ريو، اُو ماري
آپري واتون نٿي، پڻ اوتن ري سئه جيئشه مون نئه ميليوه. ⑰ جي ڪوئي منڪ
پڳوون ري مرضي مانه ويوا ڪرئه، تو اوتن نئه ماري شيڪاڙل واتون را پارام
ڪهر پڙشي، جي اُو پڳوون را پاها ٿي سئه، ڪا هون روڳو آپرا پاها ٿي ڪونه
ريو. ⑱ جو منڪ آپرا پاها ٿي ٻولشه، اُو آپرو مون وڌاروا ڪرئه. پڻ جيو منڪ
آپ نئه ميليا واڙا رو مون وڌاروا ڪرئه، اُو منڪ هاسو سئه ان اوتن موئين ڪئين
ڪوڙ نٿي هوئيتو. ⑲ موسي تمون نئه پڳوون را حڪم ڏيڏا، نا؟ توئي پڻ تمون
موئين ٿي ڪوئي پڳوون رون حڪمون مانه نٿي وڃتو. تو پسته تمي مون مانه

ايتون حُڪمون نئه توڙيا رو ڏوه ڏين ڪم مون نئه نمو ماروا ڪروھ؟“
 ②0 ٿيا مانھ ٻڌي منڪي ڪيڏو: ”تمي ڳونڌا ٿياھ. تمون نئه ڪون نمو ماروا
 ڪرئھ؟ ڪم ام ڪوھ؟ تمون نئه پوت سونتيوھ ڪي؟“
 ②1 پڻ ايسو اوتون نئه ڪيڏو: ”مئين هڪا منڪ نئه ھازو ھورو ڪرين پويتر
 ڏي رو ڪوم ڪريو، ان تمي ٻڌائي حيرون سو جي مئين ڪيو اوڙو ڪوم ڪريوھ.
 ②2 پڻ ايتا ھارو موسيٰ تمون نئه توھر ڪرايا رو حُڪم ڏيڏو زم وات ساوئي نئه
 جي ڪئينڪ ڪوم ايوا سئھ جيا پويتر ڏي را ڪروو ضروري سئھ. ھائي توھر
 ڪرايا رئي وات موسيٰ ٿي نئين پڻ تمارون ٻاپ ڏاڏون ٿي شروع ٿيھ. ان تمي
 پويتر ڏي را پڻ سوڪرون رئي توھر ڪراوھ. ②3 زئيون تمي موسيٰ رون لڪل
 حُڪمون نئه نه توڙيا ھارو پويتر ڏي رئي سوڪرون رئي توھر ڪرتا ريوھ، تو
 پسئھ تمي مون مانھ ايتا ھارو ڪم ريشي پڙوھ جي مئين پويتر ڏي رو هڪا
 منڪ رو پورو ڏيل ھازو ھورو ڪريوھ؟ ②4 تمي سوچيا وڳر مارا پارام ڦينصلو
 مت ڪرو، پڻ ھاس پرموتئھ ڦينصلو ڪرو.“

گھڻون منڪون نئه ڪبر پڙئھ

جي ايسو پڳوون رو سونڊل پڇايا وڙو ڪريست سئھ

②5 پسئھ يروشلم شھر رون ريوآشيون موئين ٿي ڪئينڪ زئا ڪيو مڏيا: ”اي
 منڪ او رو او نئي ڪي، جيا نئه ايتا آڳيوون نمو ماروا ڪرئھ ريا؟ ②6 زوئو،
 اي ٻڌون رئه روپرو ٻولئھ ريو، پڻ او ايتا رو نوم ئي نئي ليتا. آڀئي ڌرم ري
 آڳيووني آڀت ۾ اي ڦينصلو ڪريو هوشي ڪي، جي اي منڪ ھاس ۾ پڳوون
 رو سونڊل پڇايا وڙو ڪريست سئھ! ②7 پڻ ھم ڪم ڪرين ٿيشي؟ ڪم تو آڀون
 نئه ڪبر سئھ جي اي منڪ ڪيٽ رو سئھ. پڻ زئيون پڳوون رو سونڊل پڇايا وڙو
 ڪريست آوشي، تئيون ڪيا نئه ئي ڪبر نئين ھوئھ جي او ڪيٽ ٿي آيوھ.“
 ②8 ٿيا مانھ ايسو پڳوون را گھر موئين شيڪاڙتون اوتومئو ڪيڏو: ”تمون

نٺه ڪُهر تو سٺه جي مارو نوم ڪي سٺه ان مارو شهر ڪيو سٺه. پڻ هُون آڀرا پاها ٿي نٿي آيو، پڻ جيئنه مُون نٺه ميليوه اُو هاسو پڳوون سٺه. تمي اُوئا نٺه نٿي اوزکتا، ②9 پڻ هُون اُوئا نٺه اوزکونه ريو، ڪم تو هُون اُوئا را پاها ٿي اول سون ان اُوئه مُون نٺه ميليوه.

③0 تيام منڪ اُوئا نٺه زهاليا رٿي ڪوشش ڪروا مڏيا، پڻ ڪوئي اُوئا نٺه هاٿ ٿي نه سڀاڙي هڪيو، ڪم تو اُوئا رو زهاليا رو ٿوڻو هزون نٿو آيو. ③1 پڻ اُوئون ٻڌون منڪون موئين ٿي گهڻي منڪي ايسو مانه وشواس اوڻيو ان اُوام ڪيتات ريا: ”زئيون ڪريست اوشي اُو اينا منڪ ٿي وڌارنه پرسا ڏيڪاڙشي ڪي؟ ايشه منڪ انا گهڻا پرسا ڏيڪاڙيا، اي ضرور پڳوون رو سونديل پڇايا واڙو ڪريست سٺه.“

يهودي ڌرم را اڳيون ايسو نٺه زهاليا هارو آڀرا سڀاڻي ميلهه

③2 زئيون فريسي پالتي ري منڪي هومپڙيو جي منڪون ۾ سونڀي اي وات وٺه رٿي جي ايسو پڳوون رو سونديل پڇايا واڙو ڪريست سٺه، تئيون اوڻي ان موڻي پوزارئي آڀرون سڀايون نٺه ميليا جي اُو ايسو نٺه زهالي اُوئه. ③3 تيا ري ڪري ايسو ڪيڏو: ”هزون ٿوڙيڪ وار هودي هون تمون پيڙو سون، ان تيا ڪيڙ هون اُوئا ڪن زائيه جيئنه مُون نٺه ميليوه. ③4 تمي مُون نٺه گوتشو پڻ هون تمون نٺه نئين زڙون. جيئنه هون هوڻيه اُوئه تمي اُوئي نٿي هڪتا.“ ③5 تيام يهودي ڌرم ري اڳيون هڪا پيڙا نٺه ڪيڏو: ”اي منڪ ڪيال پاڳي زاشي جي امي اينا نٺه گوتي نئين هڪون؟ ڪي اي اُوئون يهوديون ڪن زاشي جي ڌاري قومون موئين پيڻاه؟ ان اُوئه زائين ڌاري قوم رن منڪون نٺه شيڪاڙشي؟ ③6 اي ڪي ڪن ريو: ’تمي مُون نٺه گوتشو پڻ هون تمون نٺه نئين زڙون ان جيئنه هون هوڻيه اُوئه تمي اُوئي نٿي هڪتا. اينا رو ڪيڏا رو مطلب ڪي سٺه؟“

ايسُو پوڻي رو مثال ڏين پويتر آتما را پارام شيڪاڙڻه

37) ڏاڙيون ري پرڀ را پڇاڙي واڙا ان ٻڌون ٿي موٽا ڏي مانھ ايسُو اُوئين اُوپو ان زور ٿي ڪيڏو:

”جي ڪيا نئھ ترھڻھ لاڳئي ھوڻھ

تو اُو مون ڪن اُوين پيشھ.

38) ان جيو مون مانھ وشواس را ڪڻھ،

زم شاستر موئين لڪل سئھ،

جيون ڏيڏا واڙا پوڻي ري نڌي

اُوڻا را من موئين ٿي ڦوڻي پڙشي.”

39) اي پوڻي واڙي وات ايسُو پويتر آتما را پارام ڪيڏئي، جيو ايسُو مانھ

وشواس اوڻيا واڙون نئھ تيا ڪيڙ زڙيا واڙو ھتو. ھزون پويتر آتما ميلل نٿو، ڪم

تو پڳوون ايسُو نئھ ھزون آڪاش ۾ آبرا مون ۾ نٿو لپڏو.

40) زئيون ٻڌي منڪي ايسُو ري اي واتون ھومپڙي، تو اُوئون موئين ٿي ڪئينڪ

ڪيوا مڏيا: ”اي منڪ ھاس ۾ اُو پڳوون رو نياپو ڏيڏا واڙو سئھ جيا را آيا

را پارام شاستر موئين لڪل سئھ.” 41) ان پيزا ڪيتات ريا: ”اي پڳوون رو

سُونڍل پڇايا واڙو ڪريست سئھ.” پڻ پيزي ناڪارين ڪيڏو: ”پڳوون رو سُونڍل

پڇايا واڙو ڪريست گليل صوپا ٿي ڪم ڪرين اوشي؟ 42) ڪم تو شاستر ۾

ام لڪل سئھ نا، جي پڳوون رو سُونڍل پڇايا واڙو ڪريست داڻوڊ پاڏشا ري

پيڊي رو ھوشي ان بيت لحم شهر موئين زلمشي جيڻئھ داڻوڊ پاڏشا نونو موڻو

ٿيو تو.” 43) تيام ايسُو ري ڪري ٻڌون منڪون موئين آپت موئين ڦوڻ پڙشي،

ڪئينڪ ايسُو رڻھ پاھڻھ ٿيا ان ڪئينڪ ايسُو رڻھ ڪلاڦ ٿيا. 44) اُوئون موئين

ٿي ڪئينڪ ايسُو نئھ زھالوا ڪرتات ريا، توڻي ڪيڻئھ پڻ اُوڻا نئھ ھات ٿي

نھ سٻاڙيو.

سپاڻي ايسٽو نٿو زهاليا وڳر يهودي ڌرم رن آڳيونون ڪن پاسا اوڻه

45) تيام پڳوونَ را گهر را سپاڻي موٽون پوزاريون ان فريسي پالتي رن منڪون ڪن پاسا آيا. اوتِي سپايون ٿي پونسيو: "تمي اوڻا نٿه ڪم زهالي نه آيا؟"

46) تو سپاڻي جواب ڏيڻو: "ڪوئي منڪ ام ڪيڏي نه بوليو زم هائي منڪ بولڻه." 47) تيا مانه فريسي پالتي ري منڪي ريشي ٻڙين ڪيڏو: "اوڻه ڪوڙي واتون ڪرينَ تمون نٿه پڻ شيترياه ڪي؟" 48) ڌرم رن آڳيونون موٽين ٿي ڪا امون فريسي پالتي واڙون موٽين ٿي ڪيڻڪ اوڻا مانه وشواس اوڻيوه، ڪي؟ ڪيڻڪ ٿي نئين. 49) روڳا هائي ابوجه شينشاري منڪ اوڻا ري واتون موٽه. هايون نٿه شاستر رٿي ڪيوني ڪهر؟ هائي تو پڳوونَ را پتل سٺه. 50) تيا مانه نيڪڊيمس جيو مور ۾ ايسو ڪن آيو تو، ان جيو آپ فريسي پالتي رو هيڪ آڳيون هتو، اوڻه آپرون پالتي واڙون نٿه ڪيڏو: 51) "آپنا شاستر موٽين لڪل حڪمون پرموڻه آبي امرام ڪياڪ مانه سزا ڏيڏا رو ڦينصلو ڪري هڪونه ڪي؟ زئيون هوڏي آبي اوڻا رٿي وات نه هومپزون ان ڪهر نه پاڙون جي اوڻه ڏوه ڪريوه ڪا نا، تئيون هوڏي آپون نٿه ڦينصلو ڪريا رو ڪئين حق نٿي." 52) تيا مانه اوڻي نيڪڊيمس نٿه ڪيڏو: "تون اوڻا رو پاھو ڪم لٺه؟ تون پڻ اوڻا را زم گليل صوپا رو سٺه ڪي؟ هاوڙ شاستر موٽين زو، تو تون نٿه ڪهر پڙشي جي گليل صوپا موٽين ٿي پڳوونَ رو نياپو ڏيڏا واڙو ڪوئي نٿي آيو نڪو اوشي."

53) تيا ڪيڙ ٻڌائي منڪ آپري آپري گهري ڪيا پرا. ① پڻ ايسو زيتون 8 تومي ڏونگر مانه گيو ان اوڻه ٽڪي ريو.

پونڌو ڪوم ڪريا واڙي ٿوشي نٿو ايسو ماڦتي نٿه

② پيڙه ڏي، ڏي اوڳيا رٿه ٿوڻه ايسو وڙي پڳوونَ را گهر موٽين پاسو آيو.

اوتته اسرائيلي قوم را بدائي منک اوتا کن آوا مڊيا، ان ايسو پيهين اوتون نته شيڪاڙوا مڊيو.



③ تئيون شاستر زوٿيا واڙا ان فريسي پالتي را منک هيڪي ڏوشي نته ايسو کن تيڙي آيا، جيا نته پوندو ڪوم ڪرتون زهالتي تئي. اوتئي ڏوشي نته ٻڌون را وس ۾ اويڙي ④ ان ايسو نته ڪيڏو: ”گرو جي، اي ڏوشي پوندو ڪوم ڪرتون زهلوتيه. ⑤ هوته موسي رن لڪل حڪمون موئين موسي آپون نته ايويون ڏوشيون نته پوئا هين نمو ماريا رو ڪيڏوه. تيام تمي همپڙاوو جي تمي آپ ڪي ڪوه؟“

⑥ اوتئي هم ڪيڏو زم او ايسو نته ڌرم رته ڪلاڦ ڪا رومي قانون رته ڪلاڦ بولائين ڦٽراوتنه، ان ام اوتون نته ڪوڪ وات زڙنه جيا مانه او ايسو رو ڏوه ڪاڍي هڪه.

پن ايسو نيسو نمين آپري اونگڙي ٿي زمي مانه لڪوا مڊيو. ⑦ پن او ايسو ٿي پونستا ريا، تو ايسو اونين اوپو ان اوتون نته ڪيڏو: ”تخون موئين ٿي جيئنه ڪوئي ڏوه نه ڪريو هوته، او ٻڌون مور ايئا ڏوشي نته پوئو هئنه.“ ⑧ ان ايسو وڙي نيسو نمين زمي مانه لڪوا مڊيو.

⑨ اي وات هومپڙين بدائي منک ڏوڪرون ٿي لين هيڪا پيزا وونهڙ هيڪوڪو هيڪوڪو تين اوت ٿي ڪهڪي ڳيا. نيٺ روڳو ايسو اوتته هيڪلو ريو ان ڏوشي اوتا هومئي اوپي تئي. ⑩ تئيون ايسو اونين اوپو ان ڏوشي نته ڪيڏو: ”ٻائي، اي بدائي ڪيال ڳيا؟ ڪي تون مانه سزا ڏيڏا رو ڦينصلو ڪيئنه ٿي نه ڏيڏو؟“ ⑪ تئيون ڏوشي ڪيڏو: ”جي، ڪيئنه ٿي نئين.“

پسئه ايسو اوتا نته ڪيڏو: ”ان مارو ڦينصلو پن ام سئه. هون پن تارا ڪرل ڏوه رٿي سزا تون نته نتي ڏيتو پن ماڻي ڏيونه. هوته زا، ان آڙ ٿي لين وڙي ڪيڏي ڏوه مت ڪري.“

ايسُو دنيا هارو سوجهرو ٿين منكون ننه هاس رو مارڳ ٺيڪارڻه

⑫ زئيون ايسُو وڙي منكون ننه شيڪاروا مڏيو، تسيون اوئه ڪيڏو: ”هُون دنيا رون منكون هارو سوجهرو سون. جيو ماري واتون مانه وٺو او ڪيڏي اندارا ڀرنئين وٺه، پڻ اوئا ننه او سوجهرو زڙشي جيا ٿي هميش رو جيون زڙنه.“ ⑬ تيام فريسي پالتي ري منڪي اوئا ننه ڪيڏو: ”ئون پلنه ام ڪنه، پڻ زئيون پيزا ٿارئي هاڪ پريا واڙا نٿي، تو ٿارا ڪيڏا ٿي ڪئين ٿاپتي نٿي جي ٿارئي وات هاسي سنه.“

⑭ پڻ ايسُو اوئون ننه اي جواب ڏيڏو: ”هُون پلنه هيڪلو آپرا پارام هاڪ پرونه، تويي پڻ مون ڪن ٿاپتي سنه جي مارئي پرل هاڪ هاسي سنه، ڪم تو مون ننه ڪهر سنه جي هون ڪيت ٿي آيوه، ان ڪيال زائونه ريو. تمون ننه هايا رئي ڪهر هوٺ، تو تمون ننه پڻ ٿاپتي ٿت. پڻ تمون ننه تو ڪهر ئي نٿي جي هون ڪيت ٿي آيوه، ان ڪيال زائونه ريو. ⑮ تمي روڳا منڪون ري سوچ پرموٺه ٿينصلا ڪروه، پڻ هون آپ آپرا پاها ٿي ڪيا رو ٿينصلو نٿي ڪرتو.“

⑯ پڻ زئيون هون نيا ڪرونه، تسيون مارا ٿينصلا هاسا سنه، ڪم تو هون هيڪلو نيا نٿي ڪرتو. پڻ هون ان او جيئنه مون ننه ميليوه، امي هي ٿي پيڙا ٿين نيا ڪرونه. ⑰ تمارا آپرا شاستر موئين پڻ موسي رون لڪل حڪمون موئين اي لڪل سنه جي پيئون منڪون ري پرل هاڪ ٿي هاس رئي ٿاپتي ٿنه. ⑱ هون هيڪ هون سون، جيو آپرا پارام هاڪ پرونه، ان پيزو مارئي هاڪ پريا واڙو مارو پاپ سنه، جيئنه مون ننه ميليوه.“

⑲ تيام او ايسُو ٿي پونسوا مڏيا: ”ٿارو پاپ ڪيه؟“ تو ايسُو اوئون ننه وڙنڏي ڏيڏي: ”تمي نڪو مون ننه اوڙڪوه، نڪو مارا پاپ ننه اوڙڪوه. جي تمي مون ننه اوڙڪوت، تو مارا پاپ ننه پڻ اوڙڪوت.“

⑳ ايسُو هائي واتون پڳوون را گهر موئين شيڪاروتون اوئا ماڳ ڪيڏي،

جيئن ته ڏون ھارو پيئي راکل هتي. توهي پڻ اوتائو نه ڪيئن ئي نه زھاليو، ڪم تو ھزون اوتائو رو زھلايا رو توڻو نتو آيو.

ايسو آپرا ھوڙي مانھ مريا را پارام ان آڪاش موئين پڳون ڪن زايا را پارام ڪئھ

21 ايسو وڙي يھودي ڌرم رون آڳيوونون نه ڪيڏو: ”ھون زائونھ پرو، ان تمي مون نه ڳوتشو. پڻ تمون نه ڏوهون رئي ماڻھي نئين زڙنه، ان تمي امرام مري زاشو. جيئن ته ھون زائونھ، اوتنه تمي آوي نئي هڪتا.“

22 تيام آڳيوون آبت ۾ هڪا پيزا نه ڪيو مڏيا: ”اي آڳهات ڪرشي، ڪي؟ اي ڪم ام ڪئھ؟ جيئن ته ھون زائونھ، اوتنه تمي آوي نئي هڪتا. اي وات ڪيڏا رو ڪي مطلب سئھ؟“

23 پڻ ايسو اوتون نه ڪيتو ريو: ”تمي ايئا ڏنيا را سو، پڻ ھون آڪاش رو سون. تمي ڏنيا ري سوچ پرموئنه ووھ، پڻ ھون ڏنيا ري سوچ پرموئنه نئي ويتو.“ 24 مئين تمون نه همئنه ڪيڏو تو جي تمون نه ماڻھي نئين زڙنه ان تمي همرام مري زاشو. جي تمي ماري پرل ھاڪ پرموئنه يقين نئين ڪرو جي ھاس ۾ ھون ڪون سون، تو پڪئي وات سئھ جي تمي ماڻھي ليڏا وڳر مري زاشو.“ 25 تيام او ايسو ٿي پونسوا مڏيا: ”ئون ڪون سئھ؟“ تو ايسو اوتون نه ڪيڏو: ”شروع ٿي لين ھون تمون نه همپراوونھ ريو جي ھون ڪون سون، ان توهي تمي پونسوھ ريا؟“ 26 مون ڪن گھڻي ايوي واتون سئھ جيون را پارام ھون تمون ٿي بولي هڪونھ، ان جيون ري ڪري ھون تمارو نيا ڪرين تمون نه ڏوهاري ڪري هڪونھ. پڻ ھون روڳي اوتائو ري واتون ڪرونھ جيئن ته مون نه ميليوھ. او ھاسو سئھ، ان جي واتون مئين اوتائو ٿي ھومپريھ، روڳي ھائي واتون ھون ڏنيا رون منڪون نه ڪونھ.“

27 ھونھ او منڪ تھزمتا جي ايسو پڳون رو ڏيڪرو سئھ ان او آپرا ھاڀ

پڳوونَ را پارام ٻولڻه ريو. ②8 تيام ايسو ڪيڏو: ”زڻيون تمي مون منڪ ذات را ڏيڪرا نڻه اونسو ساڙشو، تڻيون تمون نڻه ڪٻر پڙشي جي هاس ۾ هون ڪوڻ سون. ان تمون نڻه ايڻا رڻي پڻ ڪٻر پڙشي جي هون آپرا پاها ٿي ڪڻين نڻي ڪرتو، پڻ جي واتون مارڻه ٻاپ پڳوونَ مون نڻه شيڪاڙيه، اُو هون ڪرونه. ②9 مارو ٻاپ جيڻڻه مون نڻه ميليوه، اُو مون پيڙو سڻه. اُوڻه مون نڻه هيڪلو نه ساڏيو، ڪم تو هون اُو ڪوم هميش ڪرتو ريونه جيا اُوڻا نڻه وڻڻه.“

③0 زڻيون ايسو هائي واتون ڪرتوت ريو، تڻيون گهڻي يهودي منڪي يقين ڪريو جي اُو پڳوونَ رو ڏيڪرو سڻه.

جيا هاسا من ٿي ايسو مانه وشواس راکڻه اُو ڏوهون را قوضا ٿي سوتڻي زانڻه

③1 تيام ايسو اوتون يهوديون نڻه ام ڪيڏو، جيڻي اُوڻا ري واتون مانه يقين ڪريو تو: ”جي تمي ماري واتون مانه ويتا ريو، تو تمي هاس ۾ مارا شيلا سو. ③2 ان هيون نمونڻه تمون نڻه هاس رڻي ڪٻر پڙشي، ان هاس مانه وودا ٿي تمي ڳلومي ٿي آزاد ٿيشو.“

③3 تيا مانه اوتڻي ايسو نڻه ڪيڏو: ”امي تو ابراهيم را اولاد سون، ان امي ڪيڏي ڳلوم نڻي ٿيا. تو پسڻه تمي ڪم ڪوه ريا جي تمي آزاد ٿيشو؟“

③4 تيا مانه ايسو اوتون نڻه ڪيڏو: ”هون تمون نڻه هاس ٿي هاس ڪونڻه: جي ڪوڻي ڏوه ڪرڻه، اُو زوڻڻه ڏوهون رو ڳلوم ٿين ڏوهون را قوضام سڻه.“

③5 هون ڳلوم ڏيڻي را گهر رو پاتي نڻي، تيام اُوڻا رو ڏيڻي را گهر مانه ڪڻين حق نڻي. پڻ ڏيڻي را ڏيڪرا رو آپرا ٻاپ را گهر مانه پورو حق سڻه ان اُو هميش هودڻي آپرا ٻاپ ري گهري رڻه. ③6 تيام، جي هون پڳوونَ رو ڏيڪرو ٿين تمون نڻه ڏوهون ري ڳلومي ٿي آزاد ڪرين پڳوونَ را گهر موڻين ريا رو حق ڏيونڻه، تو پسڻه تمي هاس ۾ آزاد ٿيشو. ③7 مون نڻه تو ڪٻر سڻه جي تمي ابراهيم را

اولاد سو. توهي پڻ ٽمي مون نئه نمو ماريا هارو ڪروه، ڪم تو ٽمي ماري وائون نٿي مونتا. (38) جي ڪئين مئين آڀرا ٻاپ ڪن ڏيکيوه، اوتارا پارام هون تمون نئه همپڙاونه. پڻ اوتارا ايوزا ۾ ٽمي ابراهيم جيوو ڪوم نئين، پڻ جيا را ٽمي اولاد سو، اوتارا رو ڪيڏل ڪوم ڪروه.

(39) پڻ اوتارا ايسو نئه اي جواب ڏيڏو: ”امي تو ابراهيم را اولاد سون.“ تو ايسو اوتون نئه ڪيڏو: ”جي ٽمي ابراهيم را هاسا اولاد هونوت، تو ٽمي ابراهيم جيوو ڪوم ڪروت. (40) مئين تمون نئه او هاسي وائون همپڙاويه جي مئين پڳوون ٿي هومپڙي، پڻ ٽمي مون نئه نمو ماريا رٿي ڪوشش ڪروه ريا. ابراهيم تو هيوو ڪوم نتو ڪريو. (41) ٽمي ابراهيم جيوو نئين، پڻ جيا را ٽمي اولاد سو، اوتارا جيوو ڪوم ٽمي ڪروه.“

تو اوتارا ايسو نئه ڪيڏو: ”امي تو حروم را اولاد نٿي، ان امي پڙا ڪيا رو ڪيڏو نٿي مونتا، روڳو امارا ٻاپ پڳوون رو ڪيڏو مونونه.“ (42) تو ايسو اوتون نئه ڪيڏو: ”جي پڳوون تمارو ٻاپ هونت تو ٽمي مون ٿي پريم راکوت، ڪم تو هون پڳوون ٿي تيوه، ان پڳوون ڪن ٿي آيوه. هون آڀري مرضي ٿي نٿي آيو پڻ پڳوون مون نئه ميليوه. (43) ٽمي ماري وائون ڪم نٿي هزمتا؟ ٽمي تيام نٿي هزمتا ڪم تو ٽمي آپ ماري وائون هزمتا جيوو نٿي. (44) تمارو ٻاپ پڳوون رو دشمن شيطون سئه. ٽمي اوتارا اولاد سو، ان ٽمي آڀرا ٻاپ شيطون رٿي مرضي ڪشي ٿي پورئي ڪروه. او شروع ٿي لين ڪون ڪرايا وڙو سئه ان هاس را پاها رو نٿي، ڪم تو اوتارا موئين هاس سئه ٿي نئين. زئيون او ڪوڙ ٻولئه، تئيون او پورا شونق ٿي ڪوڙ ٻولئه، ڪم تو او آپ ڪوڙو سئه ان ڪوڙ رٿي مان تين روڳو ڪوڙ ٿي ڪوڙ ٻولئه. (45) پڻ هون هاس ٻولونه، تيام ٽمي مارئي وات نٿي مونتا. (46) تمون موئين ٿي ڪون مارو ڏوه ڪاڏهه؟ زئيون هون هاس ٻولونه ريو، تو پسته ٽمي مارئي وات ڪم نٿي مونتا؟ (47) جيو پڳوون را پاها رو سئه او پڳوون ري وائون مونئه. ٽمي تيام نٿي مونتا ڪم تو ٽمي پڳوون را پاها را نٿي.“

ايسو آب ننه ابراهيم تي موتو ڪين شيڪارڙهه جي او پڳوون را زم هميش تي سنه

48) تيا مانه يهودي منڪي ايسو ننه ڪيتو: "امي نيڪ نتي ڪيتا ڪي؟ تون نيچ سامري قوم رو سنه ان تون ننه پوت سونتل سنه."

49) تو ايسو جواب ڏيتو: "مون ننه پوت سونتل نتي، هون تو مارا باب رو مون راکونه. پڻ تمي مارو مون نئين پڻ ماري پي عزتي ڪروه. 50) هون تو آپرا وڪون ڪراوا نتي ڪرتو، پڻ پيزو هيڪ سنه جي مارا وڪون ڪراوا ڪرند، ان او منڪون رو نيا ڪريا واڙو سنه. 51) هون تمون ننه هاس ئي هاس ڪونه: جي ڪوئي ماري واتون مانه وند، تو او هميش هودي نئين مرند."

52) تيا مانه يهودي اوتا ننه ڪيتو: "هونه امون ننه پڪي ڪاتري تيه جي تون ننه پوت سونتل سنه. ابراهيم تو مري گيو ان پڳوون رو نياپو ڏيدا واڙا پڻ مري گيا. پڻ تون ڪنه ريو: 'جي ڪوئي ماري واتون مانه وند، تو او هميش هودي نئين مرند.' 53) تون آب ننه امارا ڏاڏا ابراهيم تي موتو هزمند ڪي؟ او تو مري گيو ان پڳوون رو نياپو ڏيدا واڙا پڻ مري گيا. تون آپرا آب ننه ڪي هزمند؟"

54) ايسو اوئون ننه وڙندي ڏيئي: "جي هون آب آپرا وڪون ڪراوت، تو مارا وڪون ڪين نه تبت، پڻ جيو مارا وڪون ڪراوت او مارو باب پڳوون سنه. تمي تو پلنه ام ڪوه ريا جي 'امي پڳوون رو ڪيتو مونونه،' 55) پڻ تمي تو اوتا ننه اوڙڪتا ئي نتي. پڻ هون اوتا ننه اوڙڪونه. جي هون ام ڪونت: 'هون پڳوون ننه نتي اوڙڪتو،' تو هون تمون جيو ڪوڙو تبت. پڻ هون اوتا ننه اوڙڪونه ان اوتا رو ڪيتو مونونه. 56) تمارو ڏاڏو ابراهيم ايڻا وات مانه ڪش ٿيو جي او مارا دنيا ۾ آيا رو ڏي پاڙشي. ان اوئه پاڙيو ان ڪش ٿيو."

57) تيام يهودي ايسو ننه ڪيتو: "تون هرون پنجاه سالون رو ئي نتي، ان

تئين ابراهيم ننه ڏيکيوه ڪي؟" (58) تو ايسو اوتون ننه ڪيتو: "هُون تمون ننه هاس ئي هاس ڪونه: ابراهيم را پيدا ٿيا ٿي مور شروع ٿي لين هون سون." (59) تيام اي وات هومپزين جي ايسو آپ ننه پڳوون هرڪو ڪرڻ، اوتني ايسو ننه نمو ماريا هارو پوڻا اوپاڙيا، پڻ ايسو هتائين پڳوون را گهر ٿي نيهري ڳيو.

ايسو هڪا زايا زلميا اونڌا ننه هازو هورو ڪرڻ



9 ① ايسو زاتوت ريو تو اوتنا ننه هڪ منڪ ڏيڪيام آيو جي زايو زلميو اونڌو هتو. ② تئين شيلي ايسو

ٿي پونسيو: "گرو جي، اي منڪ ڪيا را ڏوه ري ڪري اونڌو زلميو؟ اوتنا را آهرا ڏوه ري ڪري ڪا اوتنا را مان پاپ را ڏوه ري ڪري؟" ③ تو ايسو وڙنڌي ڏيڏي: "نڪو آهرا ڏوه ري ڪري، نڪو مان پاپ را ڏوه ري ڪري اي اونڌو زلميو. پڻ اي منڪ تيام اونڌو زلميو زم

ايتا رنه هازو هورو ٿيا ٿي پڳوون را ڪوم ساوا ڏيڪانه. ④ زئين هودِي ڏي سته تئين هودِي آهشه اوتنا را ڪوم ڪروو ڪپنه جيئنه مون ننه ميليوه. پڻ رات پڙيا واڙي سته زئين ڪوئي منڪ ڪوم نئين ڪري هڪنه. ⑤ زئين هودِي هون ڏنيا ۾ سون تئين هودِي هون ڏنيا هارو سوجهرو سون.

⑥ هم ڪين ايسو زمي مانه ٿوڪيو ان ٿوڪ ۾ ماڻهي پلاڙين اونڌا ري اونڪيون مانه سوپڙي. ⑦ پسته ايسو اونڌا ننه ڪيتو: "ئون زا، ان زائين سلوٿام نومي تڙاو موئين اونڪيون ڏو." هونه سلوٿام رو مطلب سته ميلل.

تيام اونڌو ڳيو ان زائين اونڪيون ڏوئي، ان هازو هورو تين ڏيڪتو ڏيڪتو پاسو آيو رو. ⑧ هونه هائي هازو ٿيل منڪ اڳي پنتو. تيام اوتنا را پاڙوشي ان او منڪ جيئي اوتنا ننه پنتون پاڙيو تو، او ڪيو ماڏيا: "اي او هاڳي منڪ نٿي ڪي؟ جيرو اڳي پيهين پنتو." ⑨ ڪوڪ ڪيتات ريا جي "هونه، اي او رو او

سٺه " ان ڪوڪ ڪيتات ريا " نانا، اوثا جيوو پيزو ڪوڪ سٺه. " پڻ اُو منڪ آپ ڪيتو ريو جي " هون اورو اُو سون. " ⑩ تيام منڪي اوثا ٿي پونسيو: " تو پسته ٿاري اونڪيون ڪم ڪرين هازي ٿي ڪيه؟ " ⑪ تو اوثه وڙنڌي ڏيڏي: " اُو منڪ جيا نئه ايسو ڪنه، اوثه ماڻهي پلاڙين ماري اونڪيون مانه سوپڙي ان مون نئه ڪيڏو جي سلوٿام نومي تراو مانه زائين اونڪيون ڏو. تيام هون ڪيو، اونڪيون ڏوئي ان هون زووا مڏيو. " ⑫ ٿيون اوثي هازا ٿيل منڪ نئه پونسيو: " اُو منڪ ڪيه؟ " تو اوثه ڪيڏو: " ڪو، ڪه نئين. "

فريسي پالتي را منڪ اونڌا را هازا ٿيا را پارام ڪه پازڙه

⑬ ٿيون جيو اڳي اونڌو هتو، منڪ اوثا نئه فريسي پالتي واڙون ڪن ٿيڙي ڪيا. ⑭ هون اُو ڏي جيا مانه ايسو ماڻهي پلاڙي ٿي ان اونڌا ري اونڪيون هازي ڪري ٿي اُو پويتر ڏي هتو، جيا مانه يهودي ڌرم پرموٽه ڪوئي پڻ ڪوم نٿو ڪروو. ⑮ تيام فريسي پالتي ري منڪي پڻ اوثا منڪ ٿي پونسيو: " تون ڪم ڪرين زووا مڏيو؟ " تو اوثه اوثون نئه ڪيڏو: " اوثه منڪ ماريون اونڪيون مانه ماڻهي سوپڙي، ان مئين زائين اونڪيون ڏوئي ان همئنه ڏيڪي هڪونه، بش. " ⑯ تيام فريسي پالتي را ڪئينڪ منڪ ايسو را پارام ڪيو مڏيا: " اُو منڪ پڳوون را پاها ٿي نٿي آيو، ڪم تو پويتر ڏي رو ڪوم ڪرين پڳوون رو حڪم ٿوڙهه. " پڻ اوثون موئين ٿي ڪئينڪ پيزي ڪيڏو: " جي اُو منڪ ڏوهاري هوت تو هيو پرسا ڪم ڪرين ڏيڪاڙي هڪت؟ " هم اوثون موئين ڦوٽ پڙي. ⑰ تيام اوثي وڙي پيزي وار هازا ٿيل منڪ ٿي پونسيو: " اوثه ٿاري اونڪيون اُوگهاڙي. هون تون آپ اوثا را پارام ڪي ڪنه؟ " اوثه ڪيڏو: " اُو پڳوون رو نياپو ڏيڏا واڙو سٺه. "

⑱ پڻ يهودي ڌرم ري اڳيون هنجي نٿو مونيو جي هاڻي منڪ اڳي اونڌو هتو ان وڙي ڏيڪو مڏيوه، تيام اوثي هازا ٿيل منڪ را مان پاپ نئه آپ ڪن

١٩) اوتيا منڪ را مان ٻاپ ٿي پونسو: ”ڪي اي تمارو ڏيڪرو سٺ، جيا را پارام تمي ڪوه ريا، جي زاو زلميو اونڌو هتو؟ تو پسته همئنه ڪم ڪرين ڏيڪي هڪه؟“

٢٠) تيام اوتيا رنه مان ٻاپ وڙندي ڏيڏي: ”امي تو اوڙڪونه ريا جي اي امارو ڏيڪرو سٺ، ان اي اونڌو زلميو تو. ٢١) پڻ همئنه ڪم ڪرين ڏيڪي هڪه ان ڪيئنه ايئا ري اونڪيون اوگهاڙيه، امون ننه هايا را پارام ڪئين ڪهر ٿي. تمي آپ ايئا ٿي پونسو. اي موتو سٺ ان اي آپ را پارام همپڙاوي هڪه.“

٢٢) اوتيا رنه مان ٻاپ هم ڪيڏو ڪم تو او يهودي ڌرم رون آڳيونون ٿي پيئاتا تا، ڪم تو آڳيونون آپت موئين اڳي اي ڦينصلو ڪريو تو، ”جي ڪوئي منڪ ايسو ننه پڳوون رو سونڊل پچايا واڙو ڪريست ڪيشي، تو اوتيا ننه نات ٻارو ڪرشون.“ ٢٣) هايا وات ري ڪري اوتيا رنه مان ٻاپ ڪيڏو تو جي ”اي موتو سٺ. ايئا ٿي پونسو.“

٢٤) تيام فريسي پالتي واڙي وڙي پيزي وار اوتيا منڪ ننه آپ ڪن آيا رو ڪيڏو، جيو اڳي اونڌو هتو، ان اوتيا ننه ڪيڏو: ”پڳوون رو هون ڪائين هون هون هاس ٻول، امون ننه تو ڪهر سٺ جي او منڪ ڏوهاري سٺ.“ ٢٥) تيام هارنه ٿيل منڪ جواب ڏيڏو: ”مون ننه ايئا رئي ڪئين ڪهر ٿي ٿي جي او ڏوهاري سٺ ڪا نا. مون ننه روڳيئي ايئا وات رئي ڪهر سٺ جي هون هتو اونڌو، ان همئنه هون زوئي هڪونه.“ ٢٦) تيام فريسيئي اوتيا ٿي پونسو: ”اوتيا تون ننه ڪي ڪريو؟ اوتيا ڪم ڪرين ٿاري اونڪيون اوگهاڙي؟“ ٢٧) تو اوتيا وڙندي ڏيڏي: ”مئين تمون ننه اڳي ڪيڏو تو، پڻ تمي ماري وات ننه ڪون ٿي نه ڏيڏو. تمي ڪم وڙي هومپڙوا ڪروه ريا؟ تمي پڻ اوتيا را شيلا ٿيو ڪروه ڪي؟“ ٢٨) تيا مانه فريسيئي ايئا ننه پڙاتا ڏين ڪيڏو: ”تون تو اوتيا رو شيلو سٺ، امي تو موسي ري لڪل واتون مانه وونه.“ ٢٩) امون ننه ڪهر سٺ جي پڳوون موسي ٿي واتون ڪري تي، پڻ اوتيا منڪ را پارام امون ننه ڪهر ٿي ٿي جي او ڪيٽ ٿي آيوه.“

③0 تو هازنه ٿيل منڪ اوتون ننه جهاپ ڏيندو: ”وا، اي تو جيروني رٿي وات سٺه. اوتنه ماري اونڪيون اڳهاڙي ان توئي تمون ننه ڪهر ئي نٿي جي او ڪيٽ ٿي آيوه! ③1 امون شينشاريون ننه تو ڪهر سٺه جي پڳوون ڏوهاري منڪ رو هاڏ نٿي هومپڙتو. پڻ پڳوون اوتنا رو هاڏ هومپڙتو جي پڳوون رو مون راکڻه ان اوتنا ري مرضي مانه وٺه. ③2 ڏنيا را شروع ٿي لين اي وات ڪيڏي هومپڙيام نٿي اوتني جي ڪٽڪ ڪياڪ زايا زلميا اونڌا ري اونڪيون اڳهاڙي هونته. ③3 هونته جي او منڪ پڳوون را پاها ٿي اول نه هونته، تو او ڪئين نه ڪري هڪٿت.“

③4 تيا مانه فريسيئي اوتنا ننه ڪيتو: ”ئون تو زايو زلميو ڏوهاري سٺه، ان ئون امون ننه شيڪاڙوا ڪرڻو ڪي؟“ پسته فريسيئي اوتنا منڪ ننه ڌرم ٿي ڪاڍين نات ٻارو ڪريو پرو.

ايسو فريسيون رو اي ٺوه ڪاڍه جي او هاس ٿي اونڪيون مپشين وٺه

③5 زئيون ايسو ننه ڪهر پڙئي جي اوتنا منڪ ننه نات ٿي ٻارو ڪاڍيوه پرو، تو ايسو اوتنا ننه ڳوتين هات ڪريو ان اوتنا ٿي پونسيو: ”ڪي ئون منڪ ذات را ڏيڪرا مانه وشواس راکڻه؟“ ③6 تو اوتنه وڙنڏي ڏيڏي: ”ساڏو جي، مون ننه ڪو او ڪون سٺه، زم هون اوتنا مانه وشواس اوئي هڪون.“ ③7 تو ايسو اوتنا ننه ڪيتو: ”تئين اوتنا ننه ڏيڪيوه، او هون سون جي ئون ٿي ٻولونه ريو.“ ③8 تو اوتنه ڪيتو: ”پريو، هون تمون مانه وشواس راکونه.“ ان اوتنه ايسو ري پڳي پڙين اوتنا رٿي پوزا ڪرئي. ③9 تو ايسو ڪيتو: ”هون نيا ڪريا هارو ايتا ڏنيا ۾ آيوه، زم اونڌا منڪ ڏيڪي هڪه، پڻ جيا ڏيڪي پاڙين هاس ننه نٿي مونتا، او اونڌون را زم رته.“

④0 فريسي پالتي را ڪئينڪ منڪ ايسو ڪن اويپا تا. ايسو رٿي اي وات هومپڙين اوتني ڪيتو: ”امي پڻ اونڌا سون ڪي؟“ ④1 تو ايسو اوتون ننه ڪيتو:

”جي ٽمي هاس ۾ اونڌا هونٽ ان ڏيکي نه هڪوت، تو اي تمارو ڏوه نه ٿت
 جي ٽمي هاس نه نٿي مونتا. پڻ ٽمي تو ڪوه ريا جي امي اونڌا نٿي، توئي
 هاس ٿي ٽمي اونڪيون ميشين ووه ريا. تيام ٽمي ڏوهاري سو.“



ايسٽو ناٿوڪا تراڙ رو مثال ٿين شيڪاڙهه

جي او وشواسي منڌري رو پچايا واڙو ان همپاڙ ڪريا واڙو سٺ

10 ① ”هون تمون نه هاس ئي هاس ڪونه: جيو ڪوئي ريون را واڙا
 موئين زهونپا ٿي نٿي پيهتو، پڻ پيزا ڪياڪ پاها ٿي مانه سڙين موئين
 پيهته، تو او منڪ سور ان ڌاڙيل سٺه. ② جيو زهونپا ٿي موئين زانه، او ريون
 رو ڌراڙ سٺه. ③ اوئا هارو سوڪيڏار زهونپو اوگهاڙهه، ان ريون اوئا رو هاڏ
 هومپڙهه، او آپري ريون نه نوم لين هاڏ ڏهه ان اوئون نه باري لي زانه.“

④ زئيون أو آپري ٻڌي ريديون ٻاري ڪاڍڻ تئين أو آپ ريديون مور مور وئھ ان ريديون اوتا لار لار وئھ، ڪم تو ريديون اوتا رو هاڏ اوڙڪڻھ. ⑤ پڻ ريديون ائيندا منڪ وونھڙ موڙگي نئين وئھ پڻ اوتا ٿي پڙڪشي ان پاڳي زاشي، ڪم تو أو ائيندا رو هاڏ نٿي اوڙڪتي.

⑥ ايسو هائي مثال اوئون نئھ همپڙايو پڻ اوئي هزميو ئي نئين جي ايسو را ڪيڏا رو مطلب ڪي سئھ.

⑦ تيام ايسو وڙي ڪيڏو: ”هون تمون نئھ هاس ئي هاس ڪونھ: ريديون هارو زهونپو هون سون. ⑧ زتا ڪوڙا منڪ مون مور اڳيون تين آياھ، او ٻڌائي سورون ان ڌاڙيالون جيوا سئھ، پڻ زم ريديون سور رو هاڏ نٿي هومپڙتي، تم ماري منڪي اوئون اڳيونون ري ڪوڙي واتون نه موني. ⑨ هون آپ زهونپو سون. زم ريديون زهونپا ٿي واڙا موئين زائھ ان ڪترا ٿي پچي زائھ، ان موئين ٻارو او زاو ڪرئھ ان اوئون نئھ سارو زڙئھ، تم جيو منڪ مون مانھ وشواس راکئھ، او پڳوون ري سزا ٿي پچي زاشي ان اوتا نئھ تارن زڙشي. ⑩ سور روڳو ايئا هارو اوئھ زم سورئي ڪرئھ، مارئھ ان ڪتم ڪرئھ. پڻ هون تو ايئا هارو آيوھ، زم منڪون نئھ ايئا حياتي ۾ هڪ زڙئھ ان تيا ڪيڙ هميش رو جيون پڻ زڙئھ.

⑪ هون نائوڪا ڌراڙ جيوو سون. نائوڪو ڌراڙ ريديون نئھ پچايا هارو آپرو جيو ڏئھ. ⑫ جيو منڪ سرومٿي لين ريديون سارئھ ان آپ ريديون رو ڏئي نٿي، او زئيون نار نئھ اوتو ڏيڪئھ تئين أو ريديون نئھ ساڏين پاڳي زائھ. ان پسنھ نار ڪئينڪ ريديون نئھ ڦٽئھ ان پيزيون ٻڌيون نئھ وينڪي نوڪئھ. ⑬ سرومٿي واڙو منڪ تيام پاڳئھ ڪم تو او روڳو آپرو ڦائيندو سوچئھ، ان ريديون رئي ڪئين پروا نٿي ڪرتو.

⑭ هون نائوڪا ڌراڙ جيوو سون. ڌراڙ آپريون ريديون نئھ اوڙڪئھ ان ريديون اوتا نئھ اوڙڪئھ. هيوئھ نمونئھ هون مارون آپرون منڪون نئھ اوڙڪونھ، ان مارا منڪ مون نئھ اوڙڪئھ، ⑮ زم پڳوون مارو ٻاپ مون نئھ اوڙڪئھ ان هون مارا

ٻاڀ پڳوون نٿه اوزڪونھ. ان زم ڌراڙ آڀريون ريون ھارو آڀرو جيو ڏٺھ، تم ھون مارو جيو منڪون نٿه پڇايا ھارو ڏيونھ. (16) ان ماري پيڙي ريون پڻ سٺھ جي ايٺا واڙا ري نٿي. مارٺھ اوئون نٿه پڻ ضرور تيڙاووھ. او پڻ مارو ھاڏ ھومپڙشي ان پستھ ھيڪ ولھر ان ھيڪ ڌراڙ ٿيشي.

(17) ايٺا وات ري ڪري پڳوون مارو ٻاڀ مون ٿي پريم ڪرڻھ جي ھون مارو جيو ڏيونھ، ان ھيوئھ نمونئھ ھون وڙي جيوتو ٿيھ. (18) ڪوئي مارو جيو مون ٿي نٿي ڪوھتو، پڻ ھون آڀري مرضي ٿي مارو جيو ڏيونھ. مون نٿه آڀرو جيو ڏيڏا رٿي اڪتيارٿي سٺھ، ان مون نٿه وڙي جيوتو ٿيا رٿي اڪتيارٿي پڻ سٺھ. ھم ڪريا رو حڪم مارٺھ ٻاڀ مون نٿه ڏيڏوھ.

(19) ھايون واتون ري ڪري يھوديون موئين وڙي ڦوٽ پڙئي. (20) اوئون موئين ٿي گھڻا منڪ ڪيتات ريا: ”ايٺا نٿه پوت سونتيوھ ان اي گونڏو ٿين وائيڙي واتون ڪرڻھ ريو. تمي ايٺا ري واتون ڪم ھومپڙوھ ريا؟“ (21) پڻ پيڙا منڪ ڪيتات ريا: ”ايٺا نٿه تو پوت سونتل نٿي. پوت سونتل منڪ ھيوي واتون ڪم ڪرين ڪري ھڪئھ؟ ان ايئھ تو اونڌا ري اونڪيون اوگھاڙي. پوت ري ڪڙا ٿي ڪوئي ھم ڪري ھڪئھ ڪي؟“

يھودي ڌرم را اڳيون وڙي ايسو نٿه نمو ماروا ڪرڻھ

(22) ٿيون ڏيون رٿي پرڀ اوئي، جيا نٿه يروشلم شھر ۾ پڳوون را گھر نٿه وڙي پويتر ڪريا ري ياد ۾ مناوتا. او شيئاڙا را ڏي ھتا. (23) ان ايسو پڳوون را گھر موئين سليمان نومي ڍاڙيا ھيٺ ويتوت ريو. (24) تيام يھودي ڌرم را اڳيون اوئا ري چوڌاري ڦري آوين ڪيا مڏيا: ”ئون ڪتي وار امارو ھاڏ را ڪيھ؟ جي ئون پڳوون رو سونڊل پڇايا واڙو ڪريست سٺھ، تو امون نٿه چتو چتو ڪئھ پرو.“ (25) ايسو اوئون نٿه وڙندي ڏيڏي: ”مئين تمون نٿه اڳي ڪيڏو تو، پڻ تمي مارئي وات نٿي مونتا. جيا ڪوم ھون مارا ٻاڀ را ڪيڏا ٿي ڪرونھ، او آپ

٢٦) پڻ ٽي هاڻي وات نٿي مونتا ڪم تو ٽي مارون منڪون موٽيليا نٿي. ٢٧) زم ريون آڀرا ڌراڙ رو هاڙ اوڙڪڻه ان اوٽا رو مونته، تم مارا منڪ ماري واتون مونته. ان هون اوٽون نته اوڙڪونه، ان اوٽون وونهڙ وٺه. ٢٨) هون اوٽون نته هميش رو جيون ڏيونه، اوٽون رو هميش رو موت ڪيڏي نٿين ته. او ماري همپاڙ ۾ ريشي، ان ڪوئي اوٽون نته مون ٿي ڪوهشي نٿين. ٢٩) مارو باپ جيئته اوٽون نته ماري همپاڙ ۾ ڏيڏاه، او ٻڌون ٿي موتو سهه، ان باپ ري همپاڙ ٿي ڪوئي اوٽون نته ڪوهي نٿي هڪتو. ٣٠) هون ان مارو باپ پڳوون هيڪ را هيڪ سون.

٣١) تئيون يهودي ڌرم ري آڳيون ايسو نته نمو ماريا هاڙو وڙي پوٽا اوپاڙيا. ٣٢) تيا مانه ايسو اوٽون نته ڪيتو: ”مٿين تمون نته باپ را پاها ٿي گهڻا نائوڪا ڪوم ڪرين ڏيڪاڙيا. هايون موٽين ٿي ڪيا ڪوم ري ڪري ٽي مون نته پوٽا هٿين ماروا ڪروه؟“ ٣٣) آڳيون اوٽا نته وڙنڏي ڏيڏي: ”ڪياڪ نائوڪا ڪوم ري ڪري نٿين، پڻ ايٿا وات ري ڪري امي ٿون نته پوٽا هٿين ماروا ڪرونه جي تئين پڳوون رٿي پيعزتي ڪرئيه ڪم تو ٿون منڪ تين آپ نته پڳوون هرڪو ڪرئيه.“

٣٤) ايسو اوٽون نته جواب ڏيڏو: ”تمارا شاستر موٽين پڳوون رٿي ڪيڏل اي وات لڪل نٿي ڪي؟“

’مٿين ڪيڏو جي ٽي آڳيون مون پڳوون را زم سو.

٣٥) ايئته شاستر ۾ پڳوون آپ اوٽون منڪون نته ام ڪنه، جيون نته اوٽه نياپو ڏين آڀرا ڪوم مانه راڪيا تا، جي او پڳوون جيوا سهه. ان شاستر تو هميش هاسو سهه. ٣٦) هون مون نته پڳوون باپ آڀري شيوا هاڙو سونديوه ان دنيا ۾ ميليوه. تو پسته زيون مٿين ڪيڏوه جي هون پڳوون رو ڏيڪرو سون، تو ٽي ڪم ڪوه ريا جي هون پڳوون رٿي پيعزتي ڪرونه؟ ٣٧) جي هون مارا باپ را ڪيڏل ڪوم نه ڪرتو هوٿون، تو پلته مارئي وات مت مونو. ٣٨) ان پلته مارا

ڪيڏا ري ڪري ماري وات مت مونو. پڻ زئيون هون پڳوون را ڪيڏل ڪوم
ڪرونه ريو، تو گهٽ ۾ گهٽ مارون ڪومون نئه زوئين ماري وات مونو، زم
تمون نئه ڪهر پڙئه ان هميش ڪهر هونه جي مارو همد پڳوون پاپ ٿي سئه ان
پڳوون پاپ رو همد مون ٿي سئه.

39 تيام اوني وڙي ايسو نئه زهالوا ڪريو، پڻ او اوتون رون هاتون ٿي

نپهري گيو.

40 تيون ايسو ڀردن ذريا پار ڪرين اونا ماڳ گيو جيئنه شروع ۾ يوحنا
پويتر سنون ڏيتو. ان ايسو اوتنه زائين ريو. 41 ان اونا ڪن گهٽا منڪ آيا، ان
او آهت ۾ ڪيو مڏيا: ”يوحنا تو ڪوئي پرسو نتو ڏيڪاڙيو، پڻ جي واتون يوحنا
ايئا منڪ را پارام ڪيڏي تي، او ٻڌي هاسي سئه.“ 42 ان اوتنه گهٽي منڪي
ايسو مانه وشواس اوٿيو.

ايسو را دوست لعزر رو موت

11 ① هونه هڪ لعزر نومي منڪ هتو، جيو موندو هتو. او يهوديه صويا
را بيت عنياه گوم رو هتو، جيئنه ٻائي مريم ان اونا رٿي بين مارتا ريتي.
② هائي مريم او رٿي او سئه جيئنه تيا ڪيڙ پريو ايسو رون پڳون مانه عطر
نوميو ان آرون مٿونازون ٿي اوتون نئه پونها، ان هائي لعزر نومي منڪ جيو
موندو هتو مريم رو پائي هتو.

③ تيام بيئي پيني ايسو نئه اي نياپو ڏي ميليو: ”پريو، تمارو دوست موندو
سئه.“ ④ زئيون ايسو نئه هائي نياپو زڙيو، تو اوتنه ڪيڏو: ”ايئا پيماري رو
نتيجو موت نئين ٿه، پڻ اي پيماري تيام آويه جي پڳوون را وڪون ٿه، ان
ايئا پيماري ري ڪري مون پڳوون را ڏيڪرا رو مون ساوو ٿه.“

⑤ هونه ايسو مارتا ان اونا ري بين ٿي ان لعزر ٿي گهٽو پريم ڪرتو.

⑥ توڻي پڻ زئيون اونا نئه ڪهر پڙئي جي لعزر موندو سئه، تيون او پيا بي ڏي



بيت عنياہ

اوت رو اوت ريو. ⑦ ان پسنه تيا ڪيتر اوتھ آپرون شيلون ننه ڪيڏو: ”هالو، هوئھ آبي يهوديه صوپا موئين وڙي پاسا هالون.“ ⑧ شيلي اوتنا ننه ڪيڏو: ”گرو جي، ڪال رنه ڏي اوت را منڪ تمون ننه پوئون ٿي ماروا ڪرتات ريا، تو پسنه تمي اوتنه همئنه ڪم زائوه ريا؟“

⑨ ايسو وڙندي ڏيڏي: ”ڏي ڀر سوجهرا را ٻارنه ڪلاڪ سهه نا؟ جي ڪوئي ڏي رو وئھ او نئين آڪڙنه، ڪم تو او سوجهرا ڀر پاڙشي. ⑩ پڻ جي ڪوئي رات رو اندارا ڀر وئھ او آڪڙين پڙشي، ڪم تو اوتنا ڪن سوجهرو سهه ٿي نئين. هيونھ نمونھ مارو موت رو ٿوئو هزون نه آيو، ان زئيون هوڏي هون دنيا ڀر سون، تئيون هوڏي مارنه پڳوون رو ڪوم ڪرووه.“ ⑪ تيا ڪيتر ايسو شيلون ننه وڌارنه ڪيڏو: ”آپنو دوست لعزر اونگهائي گيوھ، پڻ هون اوتنا ننه زگاڙيا هارو زائونه ريو.“ ⑫ تيام شيلي اوتنا ننه ڪيڏو: ”پريو، جي او اونگهائي گيوھ، تو پسنه او نيڪ ٿي زاشي.“

⑬ هوئھ ايسو زئيون ڪيڏو جي لعزر اونگهائي گيوھ، تو اوتنا رو مطلب هتو

جي او مري گيوه. پڻ شيلي هزميو جي او روڳو اونگه را پارام هولته ريو. ⑭ تيام ايسو اوئون نته چتو ڪيڏو: "لعزر تو مري گيوه. ⑮ ان تمون هارو ڪرين هون ڪش سون جي هون اوڻته نتو، ڪم تو هوڻه تمارو يقين وڌارته پڪو ٿيشي. پڻ هوڻه هالو، اوڻا ڪن هالون." ⑯ تيام توما جيا نته پيلازيو پڻ ڪيتا، اوڻه پيزون شيلون نته ڪيڏو: "هالو، آبي پڻ هالون زم ايسو پيڙا مراثون."

ايسو جيوي اوناڙيا وازو ان هميش رو جيون ڏيڏا وازو سڻه

⑰ زئون ايسو بيت عنياه گوم ڏوڪڙو پوگيو، تيون اوڻا نته ڪهر پڙئي جي لعزر رو لاش مقوم موئين پوريا نته چار ڏي ٿي گياه. ⑱ هوڻه بيت عنياه گوم يروشلم شهر ٿي ڏوڪڙو هتو، لڳ پڳ هڪا گائو رو پنڌ هتو. ⑲ ان يهودي قوم را گهڻا منڪ يروشلم ٿي مارتا ان مريم ڪن اوئون را پاڻي ري لوڪاسار هارو آيا تا.

⑳ زئون مارتا هومپڙيو جي ايسو اوڻه ريو، تو او گوم ٿي پارئي نيهرين اوڻا نته مڙوا گهڻي، پڻ مريم گهري پيڻي رئي. ㉑ تيون مارتا ايسو نته ڪيڏو: "پريو جي، جي تم ايتنه هوڻوت، تو مارو پاڻي نه مرثت. ㉒ توڻي پڻ هنجي مون نته ڪاترئي سڻه جي جنين ڪئين تم پڳوون ٿي مونگوه، او پڳوون تمون هارو ڪرشي." ㉓ ايسو اوڻا نته ڪيڏو: "تارو پاڻي وڙي جيو تو ٿيشي." ㉔ تو مارتا اوڻا نته ڪيڏو: "مون نته ايتا رئي ڪهر سڻه جي او وڙي جيو تو ٿيشي زئون دنيا ري پچاڙي را ڏي مانه پڳوون ٻڌون منڪون نته جيوي اوناڙشي." ㉕ تيون ايسو ڪيڏو: "جيوي اوناڙيا وازو ان جيون ڏيڏا وازو هون سون. جيو مون مانه وشواس راکهه، او پلته مري زانه، توڻي پڻ او جيو تو ريشي. ㉖ هر هڪ منڪ جيو جيو تو سڻه ان مون مانه وشواس راکهه او هميش هارو ڪيڏي ٿين مرثه، پڻ اوڻا نته هميش رو جيون زڙشي. ڪي ٿون ايتا وات مانه يقين ڪرڻه؟" ㉗ تيون مارتا ڪيڏو: "هوڻه پريو، هون وشواس راکونه جي تم

پڳوونَ را سُونِڊل پڇايا واڙا ڪريست سو، ان پڳوونَ را ڏيڪرا سو، جيا را ڏنيا ۾ آيا را پارام شاستر ۾ اڳي لڪل سته.

ايسو منڪون نٺ ٿيل ڏڪون ري ڪري روئو

28 هم ڪينَ مارتا ايسو ڪن ٿي گهڻي پرڻي ان آڀري گهري زائينَ آڀري بينَ مريمَ نٺه سونڀي ماڻ اي وات ڪرينَ تيزاوي جي: ”گرو جي ايئشه آيا، ان ٿون نٺه هاڙ ڪرڻه ريا.“ 29 مريمَ اي هومپڙينَ هٽمارڻي اُونينَ ايسو ڪن گهڻي. 30 ايسو هزون گوم موئين نٺو آيو، پڻ اوت رو اوت اوڀو تو جيئشه مارتا اونا ٿي مڙي ٿي. 31 تيام او يهودي منڪ جي مريمَ ري گهري لوڪاسار هارو آيا تا، زئيون اوني زويو جي مريمَ هٽمارڻي اُونينَ گهڻي پرڻي، ٿيون او پڻ اونا لار لار گيا، ڪم تو او سوچتا تا جي مريمَ لعزر را مقوم مانه پار لينَ روبا هارو زائو رڻي. 32 زئيون مريمَ ايسو ڪن اوني، ٿيون ايسو نٺه زوئينَ اونا ري پڳي پڙي هئي ان اونا نٺه ڪيڏو: ”پريو جي، تمي ايئشه هوٺو، تو مارو پاڻي نه مرٺ.“ 33 زئيون ايسو اونا نٺه روتڻي ڏيڪي ان اونا پيڙا اول يهوديون نٺه روتون ڏيڪيا، تو ايسو نٺه من ۾ گهڻو ڏڪ ٿيو. 34 ان اونه پونسيو: ”او مقوم ڪيه سته جيئشه تمي اونا نٺه را ڪيوه؟“ تو اوني ايسو نٺه ڪيڏو: ”سادو جي، تمي آپ هالينَ زوئو.“ 35 ٿيون ايسو رويو پرو. 36 تيام يهودي ڪيڏو: ”زوئو، اي اونا ٿي ڪتو گهڻو پريمَ را ڪتو!“ 37 پڻ اوتون موئين ٿي ڪئينڪ منڪي ڪيڏو: ”ايئشه اونا اونڌا ري اونڪيون اُوگهاڙي تي، تو پسته ايئا نٺه مريا ٿي ڪم نه پڇايو؟“

ايسو لعزر نٺه جيوتو ڪرڻه

38 تيام ايسو من ۾ وڙي گهڻو ڏڪي ٿيو ان اونا مقوم مانه آيو. هوئو مقوم يونٿيرا جيوتو هتو، ان اونا را مونيا مانه موٽي شيبير آڏي ڏيڏل هتي. 39 تيام ايسو ڪيڏو: ”شيبير نٺه هيڪنه پاهنه ڪرو.“ تو مرل منڪ ري بينَ مارتا، جي

اوتنه اول هتئي، ايسو ننه ڪيٽو: ”پرڻو، هونءِ اوتنا رو لاش تو گهندائي وڙيو هوشي، ڪم تو آڙ چارمو ڏي سٺه.“ (40) پڻ ايسو اوتنا ننه ڪيٽو: ”مئين تون ننه ام نتو ڪيٽو ڪي؟ جي تون وشواس راکيه، تو تون پڳوون رڻي ڪڙا پارڻه.“ (41) پسته منڪي اوتنا شپير ننه پاهنه ڪرڻي پرڻي. تتيون ايسو آڪاش هومو زوئين پڳوون ٿي ام پراٿنا ڪرڻي: ”او ٻا، هون تمارو ٿورو مونونءِ جي تمي مارو هاڏ هومپڙيوه.“ (42) مون ننه تو ڪبر سٺه جي تمي هميش مارڻي هومپڙيوه. پڻ هون آهنه پاهنه اوپل ايئون گهئون منڪون هارو هم ڪونه ريو، زم او يقين ڪرڻه جي تمي مون ننه ميليوه.“

(43) هم ڪين ايسو اوتومئو ڪيٽو: ”او لعزر، ٻارو نيهرې آوا!“ (44) تيا مانءِ او منڪ جيو مڙي گپو تو، او جيوتو تين مقوم ٿي ٻارو نيهرې آيو. اوتنا رون هاتون پڳون مانءِ هوڙ ننه قابو راکيا هارو پاتا ٻونڌل هتا، ان اوتنا را ماتا مانءِ لوگهڙو وينتوڙل هتو. تيام ايسو منڪون ننه ڪيٽو: ”ايئا ننه سوڙو پرو.“

يهوديون رڻي ڌرمي پنچائيت

ايسو ننه نغو ماريا رو ڦينصلو ڪرڻه

(متي 5:1-26، مرقس 1:14-2، لوقا 1:22-2، يُوحنا 11:45-53)

(45) تيام جيا يهودي منڪ مريم ڪن لوڪاسار هارو اول هتا، ان جيئي زويو جي ايسو ڪي ڪريوه، اوئون موئين ٿي گهڻي منڪي هايا وات ري ڪري ايسو مانءِ وشواس اوڻيو. (46) پڻ اوئون موئين ٿي ڪئينڪ منڪ فريسي پالڻي رون منڪون ڪن گيا، ان اوئون ننه ٻڌڻي وات ڪرڻي جي ايسو ڪي ڪي ڪريوه.

(47) تيام يهودي قوم ري موئي پوزارڻي ان فريسي پالڻي ري منڪي آپرڻي ڌرمي پنچائيت پيڙڻي ڪرڻي ان ڪيٽو: ”هونءِ آبي ڪي ڪرئون؟ ڪم تو هائي منڪ گهڻا پرسا ڏيڪاڙڻه ريو.“ (48) جي آبي اوتنا ننه همروم ويوا ڏيون، تو ٻڌائي منڪ اوتنا مانءِ وشواس اوڻشي. ان پسته آپون مانءِ جيئي رومي حڪومت سٺه، او

آپريئي قوز ميلين نه رُوگو پڳوون رو گهر کتم ڪرشي پڻ آپني قوم نه پڻ کتم ڪرشي پرئي." (49) تهيون ڌرمي پنچائيت موئين ٿي هيڪم ڪائيفا نومي منڪ جيو اونا وڪت ۾ مُڪ پوزاري هتو، اونه اوتون نه ڪيڏو: "تمي هاو ڪئين نٿي هزمتا. (50) تمون نه اتڪئي ڪهر ٿي نٿي پڙتئي ڪي؟ آپنو قائيدو تو ايئا ۾ سته جي آپني يهودي قوم هارو هيڪ منڪ مري زانه زم پورئي قوم پچي زانه."

(51) هونه زهيون اونه هائي وات ڪيڏي تهي، تهيون اونا رو ڪيال اي هتو جي او آپرا پاها ٿي هائي صلاح ڏنو ريو. پڻ هاس ۾ اونا وڪت رو مُڪ پوزاري هوتون اونه پڳوون را پاها ٿي نياپو ڏيڏو تو، جي ايسو يهودي قوم نه پچايا هارو آپرو جيو ڏيشي. (52) ان ايسو نه رُوگو يهودي قوم هارو پڻ ٻڌيون قومون رون منڪون هارو آپرو جيو ڏيڏو، زم جيا ڌار ڌار منڪ پڳوون آپرا ٻار ٿيا هارو سونديا تا، اوتون ٻڌون نه ايسو هيڪا توڙام پيڙا ڪرته.

(53) تيام مُڪ پوزاري را ڪيڏا پرموتته اونا توڙا ٿي لين يهوديون ري ڌرمي پنچائيت ايسو نه نمو ماريا هارو نا نايا. (54) هايا وات ري ڪري ايسو تيا ڪيڙ آپرون يهودي منڪون وسا ساونه ڍاڙهه نتو ويتو. پڻ اوت ٿي نيهرين اونا علاقا ۾ گيو جيو رڻ ڏوڪڙو سته، ان افرائيم نومي شهر ۾ زائين آپرون شيلون پيڙو ريو مڏيو.

(55) تهيون يهودي ڌرم رئي پاشڪا نومي پرڀ ڏوڪڙي آهي. ان پاراڙي را گهڻا منڪ پرڀ مور يروشلم شهر موئين گيا، زم پرڀ منايا هارو پويتر تيا رئي سونت لسه. (56) او منڪ ايسو رئي وات زوئين ايل اول لوڻا واڙتا تا، ان پڳوون را گهر ۾ اوسين هيڪا پيڙا نه ڪيتات ريا: "تمارو ڪي ڪيال سته؟ هونه او پرڀ مانه اوشي ڪا نئين اونه؟"

(57) هونه موتي پوزاريني ان فريسي پالتي ري منڪي اي حڪم ڪاڍيو تو، جي ڪياڪ منڪ نه ايئا وات رئي ڪهر هونه جي ايسو ڪيه سته، تو اونا رهه اوتون نه ڪهر ڏيوو، زم او ايسو نه زهالي هڪم.

مريم ايسو را مون ۾ اوتا رون پگون مانه عطر هته

(متي 26:13-6، مرقس 14:3-9، يُوحنا 1:12-8)

12 ① پسته ايسو، پاشڪا نومي پرپ مانه زايا هارو، پرپ ٿي سوئون ڏيئون مور بيت عنياه گوم موئين آيو، جيئنه لعزر نومي منڪ ريتو جيا ننه ايسو جيو تو ڪريو تو. ② تيام اوتنه اوتا گوم ري منڪي ايسو را مون ۾ ڏاوت ڏيڏئي. ڏاوت ۾ مارٽا شيوا ساڪري ڪرتييت رئي، ان لعزر پيزون ڏاوتون پيزو هتو، جيا ايسو پيزا روئي ڪاڏا هارو رواز پرموتنه ڪوئي وروئا آڏا هوتل هتا. ③ تيون مريم آڏ شير جتاماسي نومي وڻ رو هاسو ان مونگهو عطر لين ايسو ننه مون ڏيڏا هارو اوتا ري پگوئيي زائين اوتا رون پگون مانه نوميو پرو، ان آپرون مٿونازون ٿي اوتا رون پگون ننه پونهيا. عطر رئي ڪشيو ٻڌا گهر ۾ پڪري گئي.



④ پڻ يهوداه اسڪريوتي جيو ايسو رون شيلون موئين ٿي هيڪ هتو ان جيئنه تيا ڪيڙ ايسو ننه زهلايو، اوتنه ڪيڏو: ⑤ ”هائي عطر ڪم نه ويسيو ان اوتا را پيها گريهون ننه ڪم وراوي نه ڏيڏا؟ هائي عطر ويسٽ تو پرنه هزار روييا زڙت.“ ⑥ اوتنه هم تيام نتو ڪيڏو جي او گريهون رو ڪيال راکتو، پڻ تيام ڪيڏو تو ڪم تو او آپ سور هتو، ان جيا پيها منڪ ايسو ان شيلون ننه ڏون ۾ ڏيتا، او پيها اوتا رنه حواله پئوئا ۾ هوئتا، ان او هايون پيهاون موئين ٿي آپ هارو سورئي ڪرتو.

⑦ تيون ايسو يهوداه ننه ڪيڏو: ”ايئا ٻائي رئي گلا مت ڪر! ايئا رنه اي عطر هنگريام پگون رئي مرضي هتي، زم مارنه مريا مور اي مون ننه مقوم موئين پوريا ري تياري ۾ مون مانه نومنه. ⑧ گريپ تو هميش تمون ڪن هوشي، پڻ هون هميش تمون ڪن نئين هوئون.“

موتنا پُوزاري لعزر نٺُ مراووا ڪرڻه

⑨ اللهِي گهڻون يهوديون نٺه ڪهر پڙئي جي ايسُو بيت عنيا ه گوم ۾ سٺه، ان اُو اوتنه آيا. اُو نه زُوگو ايسُو ري ڪري آيا، پڻ لعزر نٺه پڻ زووا آيا، جيا نٺه ايسُو جيو تو ڪريو تو. ⑩ تيام موتي پُوزاري ايت ۾ ڦينصلو ڪريو جي اُو لعزر نٺه پڻ مراوتنه، ⑪ ڪم تو اوتنا ري ڪري گهڻا يهودي اوتون نٺه ساڏين ايسُو وونهز ويتات ريا ان يقين ڪرتات ريا جي اُو پڳوون رو سُونڍل پچايا واڙو ڪريست سٺه.

ايسُو يزوشلم شهر موئين اوتنه

ان گهڻا منڪ اوتنا نٺه پڳوون رو سُونڍل پچايا واڙو ڪريست موئين اوتنا را وڪون ڪرڻه

(مٿي 11-1:21، مرقس 11-1:11، لوقا 40-28:19، يُوحنا 19-12:12)

⑫ پيزنه ڏي اُو گهڻا منڪ جيا زاترو ٿين پرپ منايا هارُو يزوشلم شهر موئين آيا تا، زئيون اوتني هومپڙيو جي ايسُو ايتنه اوتنه ريو، ⑬ ٿيون اوتني ايسُو را مون ۾ ڪزيون ري ڏاڙڪي ليڏي ان اوتنا رو آوڪار ڪريا هارُو شهر ٿي پارا نيهريا. اُو ايسُو رئي جئي ام پولوتات ريا:

”جئي جئي! ايسُو رئي جئي!

ايشور رو اشيرواڏ ايتا مانه هون


جيو ايشور را پاها ٿي اوتنه!

اسرائيلي قوم را پادشا رئي جئي هون!

⑭ ايسُو هيڪ گڏيڙي رو وشيرو هات ڪريو تو، ان اوتنا مانه سڙين اوتوت

ريو، زم شاستر موئين لڪل سٺه:

⑮ ”پيشائو مت، يزوشلم رون منڪون!



زوتو، تمارو پاڌشا آوئو ريو.

گڏيڙي را وشيرا مانه سڙين آوئو ريو.

16 آوئو توتنه ايسو را شيلا اي واتون نه

هزميا، جي ايسو هم ڪريا ٿي آپ نه پڳوون

رو سونيل پچايا واڙو ڪريست ڏيڪاڙئو ريو. پڻ

پسئه تيا ڪيڙ، زئيون پڳوون ايسو نه آڪاش

۾ آڀرا مون ۾ ليڏو، تئيون اوئون نه همپريو جي هائي واتون پڳوون را سونيل

پچايا واڙا را پارام اڳي شاستر ۾ لڪل هتي، ان هائي ٻڌي امريم ايسو مانه

پوري ٿي گهي.

17 هونءَ جيا گهڻا منڪ ايسو پيڙا هتا زئيون آوئو لعزر نه مقوم ٿي نيهريا

هارو هاڏ ڪريو تو ان اوئا نه جيوتو ڪريو تو، او ٻڌائي منڪ هايا وات رٿي

هاڪ پرين همپڙاوتا ريا. 18 ان تيا ري ڪري هائي زاتروئون رو موتو ٿوڙو ايسو

رو آوڪار ڪريا هارو نيهريو، ڪم تو اوئي هومپڙيو تو جي ايسو هائي پرسو

ڏيڪاڙيوه. 19 تيام فريسي پالتي ري منڪي آبت ۾ ڪيڏو: ”وات ساوئي سئه

جي آپون نه ڪئين نٿي وٽو. زوتو، ٻڌائي منڪ اوئا وونهڙ وونهڙ ويوا مڏياها!“

ايسو ڪڻڪ را ٿوئا رو مثال ٿين ڌاري قوم واڙون نه شيڪاڙئو

جي او ٻڌون منڪون نه پچايا هارو آڀرو جيوتو ٿيشي

20 جيا زاترو يروشلم شهر موئين پڳوون رٿي پوزا ڪروا پرڀ مانه اول هتا، او

رُوڳا يهودي نٿا پڻ اوئون موئين ٿي ڪئينڪ ڌاري قوم واڙا پڻ هتا. 21 تيام او

ڌاري قوم واڙا منڪ فلپس ڪن آيا، جيو گليل صوپا را بيت صيدا شهر رو هتو،

ان اوئا رٿي منت ڪرين ڪيڏو: ”ساب، امي ايسو ٿي مڙوا ڪرونه. ميرپونئي

ڪرين امون نه ايسو ٿي مڙاوو.“ 22 تيام فلپس اندرياس ڪن زائين ڪيڏو، ان

پسئه فلپس ان اندرياس پيئي زئي ايسو ڪن زائين وات ڪرئي.

②3 تٿيون ايسُو اُئون نٿه ڪيڏو: ”اُو تُوڻو هُوڻه آيوه رو، زٿيون مُون منڪ ذات را ڏيڪرا رو مون ساوو ٿيشي. ②4 هُون تمون نٿه هاس ٿي هاس ڪونه: زٿيون هُوڏي ڪڪ رو ڏوڻو زمي موئين پڙين زوڻه مري نٿي زاتو، تٿيون هُوڏي اُو رُوڳو هيڪ هيڪلو ڏوڻو رٿه. پڻ جي مري زائو، تو اُوڻا ٿي گهڻا پيڙا ڏوڻا ٿهه. هيوڻه نموننه مارڻه پڻ مرووه زم گهڻون منڪون نٿه هميش رو جيون زڙهه. ②5 جيو آپرا جيو ٿي پريم ڪرڻه، تو نيٺ اُوڻا رو جيو گمائي زاشي. پڻ جيو ايٺا ڏنيا ۾ آپرا جيو ري ڪراپ ممتائون نٿه مارڻه، تو اُوڻا رو جيو پچي زاشي ان اُوڻا نٿه هميش رو جيون زڙشي. ②6 جي ڪوئي مارئي شيوا ڪرڻه، تو اُوڻا رڻه مارا مارگ مانه وين مُون وونهڙ آوو. ان جيئنه هُون هُوڻه، اُوڻه مارو شيواڏاري پڻ هوشي. جي ڪوئي مارئي شيوا ڪرڻه، تو مارو باپ پڳوون اُوڻا رو مون راکشي.“

ايسُو آپرا هُوڏي مانه مريا را پارام همپڙاوڻه

②7 ”هُوڻه مارو من آيا وازون ڏڪون ٿي پيٽاهه، پڻ هُون ڪي ڪون؟ هُون پڳوون ٿي اي منٽ ڪرون ڪي؟ اُو ٻا، مُون نٿه آيا وازا ڏڪون را ٿوڻا ٿي پچاوو. نا، هم تو نئين ڪرون، ڪم تو ايٺا ٿوڻا هارو تو هُون آيوه. ②8 او ٻا، تمي مارا موت ٿي آپرا وڪوڻ ڪراوو!“

تٿيون آڪاش ٿي پڳوون رو آواز آيو: ”تاري حياتي ٿي مارا وڪوڻ ٿيا، ان وڙي تارا موت ٿي پڻ مارا وڪوڻ ٿيشي.“

②9 جيا گهڻا منڪ اُوڻه اُوپل هتا اُوڻي هائي آواز هومپڙين ڪيڏو: ”گڙ ٿيوه.“ پڻ پيڙي منڪي ڪيڏو: ”هيڪنه آڪاشي ڏوت هايا ٿي وات ڪريه.“

③0 تيا مانه ايسُو ڪيڏو: ”هائي آواز مُون هارو نئين، پڻ تمون هارو ٿيوه.“

③1 همٿه اُو تُوڻو سٺه زٿيون پڳوون ڏنيا رون منڪون رو ڦينصلو ڪرين ڏوهون رٿي سزا ڏيشي، همٿه ايٺا ڏنيا رو مڪ شيطون آپرا راز ٿي ڪيڏي. ③2 ان

زئيون هُون اونسو سڙائين اينا دنيا تي زائيه پرو، تسيون هُون بتون منكون ننه آپ هوما توڻي ليه.

33) ايسو هائي وات آپرا موت را نمونا را پارام ڪيڏي تي. اوتا رو مطلب هتو جي او هوزي مانه سڙائين مري زاشي.

34) تيا مانه ٻڌي منڪي اوتا ننه ڪيڏو: ”امي شاستر موئين تي هومپڙيوه جي پڳوون رو سونڊل پچايا واڙو ڪريست هميش هُوڏي جيو تو ريشي. ان امي تو ام هزمونه ريا جي منڪ ذات رو هيكرو ان پچايا واڙو ڪريست هيك رو هيك سٺه. تو پسته تمي ڪم ڪرين ڪوه ريا، جي هُون منڪ ذات رو ڏيڪرو اونسو سڙائين اينا دنيا تي زائيه پرو؟ جي منڪ ذات را ڏيڪرا رو مطلب ڪريست نتي، تو هايا رو ڪي مطلب سٺه؟“

35) تيام ايسو اوتون ننه ڪيڏو: ”هزون توڙيڪ وار هُوڏي هُون سوجهرو تين تمون ڪن سون. زئيون هُوڏي هُون تمون ڪن سون، تسيون هُوڏي مارا سوجهرام آڳڙ ويتا ريو، متون اندارو تمون مانه آوي پڙهه. جيو اندارا ۾ وئو اوتا ننه ڪهر نتي هوڻي تي جي ڪيال زانه ريو. 36) همشه هُون تمون ڪن سوجهرو سون، تو تمي مون سوجهرا مانه يقين راکو، زم تمي سوجهرا ۾ وُڍا واڙا ٿيو.“

گهڻا يهودي هاس تي اونڪيون ميسنه

ان ايسو مانه وشواس نتي اوڻنا

ايسو اي ٻڌي واتون ڪين اوت تي گيو پرو، ان اوتون تي هتائي گيو. 37) ايسو اوتون رنه روپرو اتا گهڻا پرسا ڏيڪارين ٿا پتي ڏيڏي جي او ڪون سٺه، توڻي پڻ اوڻي ايسو مانه وشواس نه اوڻيو. 38) هم تيام ٿيو زم پڳوون رو نياپو ڏيڏا واڙا يسعياه رئي وات اوتون مانه هاسي ٿه:

”او ايشور، امارا ڏيڏل نياپا مانه ڪيڻه يقين ڪريوه؟“

ان پريو رئي ڏيڪارل ڪرا ڪيڻه اوڙڪيھ؟“

39) اُو منڪ پڳوون رڻه ڪِلافِ ضِدِي هويا ري ڪري ايسُو مانه وِشواس اوڻي نه هڪيا، ڪم تو يسعياه اي پڻ ڪيڏو:

40) ”پڳوون اُوڻون نڻه اُوڻون ري آپري مرضي مانه ساڏين

اُوڻون نڻه اُوڻون را زم ٿيوا ڏيڏاه

ان اُوڻون نڻه ضِدِي ٿيوا ڏيڏاه

نڪا اُو آپريون اونڪيون ٿي ڏيڪتت

ان آپرا من ٿي هزمثت

ان وڙين پڳوون ري وات مانه وڻت

ان پڳوون اُوڻون نڻه پچاوڻت.

41) پڳوون يسعياه هومئي اڳي وات ساوڻي ڪرڻي ٿي جي پڙو ايسُو ڪتو

مون ان وڪوڻ رڻه لائق سڻه. تيام يسعياه هائي واتون ڪيڏي زم وات ساوڻي ٿه

جي يهودي ايسُو مانه وِشواس ڪم نئين اوڻه.

42) توڻي پڻ يهوديون ري ڌرمي پنچائيت ري گهڻي منڪي ايسُو مانه يقين

ڪريو جي اُو پڳوون رو سونڊل پچايا واڙو ڪريست سڻه. پڻ اُو فريسي پالڻي

رون منڪون ٿي پيڻاتا تا. تيام اُوڻي آپرو وِشواس نه پاسيو، متون فريسي پالڻي

واڙا اُوڻون نڻه ڌرم ٿي ڪاڏين نات ٻارا ڪرڻه. 43) اُوڻي پڳوون ٿي زڙل مون نڻه

گهت هزميو ان منڪون ٿي زڙل مون نڻه وڌارڻه هزميو.

ايسُو ري واتون نه موفيا واڙا آپ مانه سزا لڻه

44) تيون ايسُو اوتومئا هاڏ ٿي ڪيڏو: ”جيو مون مانه وِشواس راکڻه، اُو نه

رُوڳو مون مانه وِشواس راکڻه، پڻ پڳوون مانه پڻ وِشواس راکڻه جيئڻه مون

نڻه ميليوه. 45) ان جيو مون نڻه ڏيڪڻه، اُو پڳوون نڻه ڏيڪڻه، جيئڻه مون نڻه


ميليوه. 46) هون سوجهرو ٿين ڏنيا ۾ آيوه، زم جيو ڪوڻي مون مانه وِشواس

راڪڻه، اُو اندارا ۾ نئين رڻه. 47) جي ڪوڻي ماري واتون هومپڙڻه، پڻ اُوڻون مانه

ويتو نٿي، تو هُون آپ اُوڻا نٿه سزا ڏيڻا رو ڦينصلو نٿي ڪرتو. ڪم تو هُون ڏنيا رُون منڪون نٿه سزا ڏيڻا رو ڦينصلو ڪريا هارُو نٿين، پڻ ڏنيا رُون منڪون نٿه پڇايا هارُو آيوه. (48) تونئي پڻ جيو مُون نٿه نٿي هونڪارتو ان ماري واتون نٿي مونتو، اُوڻا مانه سزا رو ڦينصلو ضرور ٿيشي. ڪم تو جيو وچن مٿين همپڙايوه، اُوڻا وچن نٿه نه مونيا ري ڪري، ڏنيا ري پڇاڙي ڀر نيا رٿه ڏي اُوڻا مانه سزا رو ڦينصلو ٿيشي. (49) ڪم تو هُون آپرا پاها ٿي نٿي ٻوليو، پڻ مارٿه ٻاپ پڳوون جيتنه مُون نٿه ميليوه، اُوڻه مُون نٿه حُڪم ڏيتوه جي مارٿه ڪي ڪيو ان ڪي همپڙاوو. (50) ان مُون نٿه ڪهر سٺه جي مارٿه پڳوون رو اي حُڪم مونيا ٿي منڪون نٿه هميش رو جيون زڙهه. تيام جي ڪئين هُون ڪونه، هُون همروم ڪونه، زم مارٿه ٻاپ مُون نٿه ڪيتوه.

ايسو اڪري وار شيلون پيزو روٽي ڪانه، زهلاڻه هُوڙي مانه مرٿه ان مقوم موئين پوراڻه

ايسو آپرون شيلون را پڳ تويا ٿي شيڪاڙه
جي پورا پريم ٿي هڪا پيزا رٿي شيوا ڪرو



13 ① ايسو نٿه پاشڪا پرڀ مور ڪهر هٿي جي هُوڻه اُو تُوڻو آيوه رو، زئيون هُون اي ڏنيا ساڏين آپرا ٻاپ پڳوون ڪن زائيه.

ايسو هميش آپرون منڪون ٿي پريم ڪرتو آيو جيا ايڻا ڏنيا ڀر هتا، ان هُوڻه اُوڻه آپرون منڪون ٿي اتو گهڻو پريم ڪريو جيا ٿي وڌارٿه پريم سٺه ٿي نٿين.

② ايسو ان اُوڻا را شيللا پيزا ٿين هونز رو پرڀ رو پوزن زمات ريا. شيطون اڳي شمعون اسڪريوتي را ڏيڪرا يهوداه را من ڀر اي ڪيال نوڪيو تو جي اُو ايسو نٿه زهلاوڻه. ③ ايسو نٿه ڪهر هٿي جي اُوڻا رٿه ٻاپ پڳوون ٻڌوئي ڪئين

اوثا را ڪيڏا ۾ راڪيو، ان او پڳوون ڪن ٿي آيوه ان پڳوون ڪن زايا واڙو سٺه. ④ تيام اوئه ڪاڏا ٿي اونين آڀرو ماٿليو پيرل گهنگهو اوتاريو، ان پسته توڻال لين ڪڙيون مانه پونديو. ⑤ ان تيا ڪيڙ پوڻي نونڙا ۾ نومين او آڀرون شيلون را پڳ ڏووا مڏيو، ان ڪڙي پونڌل توڻال ٿي اوئون را پڳ پونهوا مڏيو. ⑥ زئيون نمپروار ايسو شمعون پطرس ڪن آيو، تئيون پطرس اوڻا نئه ڪيڏو: ”پريو، تمي مارا پڳ ڏوشو ڪي؟“ ⑦ تيا مانه ايسو اوڻا نئه ڪيڏو: ”اي جي هون ڪرونه ريو او ٿارا هزميا ۾ همئنه نئي آوتو، پڻ تيا ڪيڙ ٿون نئه هزميام آوشي.“ ⑧ پڻ پطرس اوڻا نئه ڪيڏو: ”تمون نئه هڏن مارا پڳ ڪيڏي نئين ڏووا ڏيون.“ تيا مانه ايسو اوڻا نئه ڪيڏو: ”جي هون ٿارا پڳ نه ڏوئون، تو ٿارو مون ٿي ڪئين واسطو نئين هوئه.“ ⑨ تئيون شمعون پطرس اوڻا. نئه ڪيڏو: ”پريو، نه روڳا مارا پڳ ڏوئو، پڻ مارا هات ان مارو موندو پڻ ڏوئو!“ ⑩ پڻ ايسو اوڻا نئه ڪيڏو: ”جيو اڳي جهيلل سئه اوڻا رئه روڳو پڳون نئه ڏويا رئي ضرورت سئه، پيزو ٻڌوئي صاف سئه. ان تمي تو صاف من را سو، پڻ ٻڌائي نئين.“ ⑪ ايسو نئه ڪڀر هتئي جي اوڻا نئه زهلليا واڙو ڪون سئه، تيام اوئه ڪيڏو جي تمي ٻڌائي صاف من را نئي.

⑫ پسته زئيون ايسو ٻڌون شيلون را پڳ ڏوئي ريو ان وڙي آڀرو گهنگهو پيرين ڪاڏا هارو بينو هئو، تئيون شيلون نئه ڪيڏو: ”ڪي تمي هزموه ريا جي مئين تمون ٿي ڪي ڪريوه؟“ ⑬ تمي مون نئه گرو ان پريو ڪوه، ان تمي نيك ڪوه ڪم تو او هون سون. ⑭ تيام زئيون مئين تمارو پريو ان گرو ٿين تمارا پڳ ڏوياه، تو هيوئه نمونئه تمارئه پڻ هڪا پيزا رئي شيوا ساڪرئي ڪروو ڪپنه. ⑮ ڪم تو مئين تمون نئه هڪ نمونو ڏيڏوه، زم جيوئه نمونئه مئين تمارئي شيوا ڪريه هيوئه نمونئه تمارئه پڻ ڪروو. ⑯ هون تمون نئه هاس ئي هاس ڪونه: ڳلوم آڀرا ڏئي ٿي موتو نئي، نڪو ميلل منڪ آڀرا ميليا واڙا ٿي موتو سئه. ⑰ تمي جي هائي واتون هزموه ان هايون مانه وينا ريوه، تو تمي

يا ڳوازا سو.

⑱ هُونِ تَمونِ ٻڌونِ را پارامِ نٿي ڪيتو. مُونِ نٿه ڪٻرِ سٺه جي مٿين ڪيون
منڪون نٿه سُوندياه، تُوئي پڻ مٿين تَمونِ ٻڌونِ نٿه سُوندياه زمِ اي شاسترِ رٿي
وات پُورِئي تٿه:

'جيو مُونِ پيڙِئي روٿي ڪاٺه اُو مارو ويڙي ٿيوه.

⑲ هُونِ تَمونِ نٿه مورِ ٿي هائي وات همپڙاوونِه ريو، زمِ زئيون هم تٿه تٿيون
تمي يقين ڪرو، جي هُونِ هاسِ ۾ ڪوڻ سون. ⑳ هُونِ تَمونِ نٿه هاسِ ٿي هاسِ
ڪونه: جيو مارونِ ميللِ منڪون نٿه هونڪارِنه، اُو مُونِ نٿه هونڪارِنه، ان جيو
مُونِ نٿه هونڪارِنه، اُو پڳوونِ نٿه هونڪارِنه جيئنه مُونِ نٿه ميليوه."

ايسُو مورِ ٿي همپڙاوڻه جي اُوئا رو هيڪ شيلو اُوئا نٿه زهلاوشي

(مٿي 25-20:26، مرقس 17:14-21، لوقا 23-21:22، يُوحنا 30-21:13)

㉑ هائي واتون ڪيڏا ڪيڙ ايسُو من ۾ گهڻو ڏکي ٿيو، ان آڀرا من رٿي وات
ساوئي ڪرين ڪيڏو: "هُونِ تَمونِ نٿه هاسِ ٿي هاسِ ڪونه، تَمونِ موئين ٿي هيڪ
زڻو مُونِ نٿه زهلاوشي." ㉒ تيا مانِه شيلو ٻڌائي هيڪا پيڙا هوما زووا مڏيا، ڪم
تو اُوئون نٿه ڪئين ٿي ڪٻرِ نٿي جي ايسُو ڪيا شيلو را پارامِ ٻولئو ريو.

㉓ هُوئه شيلونِ موئين ٿي هيڪ زڻو، جيو ايسُو رو پريمي شيلو هتو، اُو ايسُو
رٿه پاهنه پيڻو تو. ㉔ تيامِ شمعونِ پطرسِ هايا شيلو نٿه اشارو ڏيڏو جي اُو ايسُو
ٿي پونسئو جي اُو ڪيا شيلو را پارامِ ڪئو ريو. ㉕ تيامِ هاينه شيلو ايسُو را
ڪون ۾ ڪينِ همرومِ ايسُو ٿي پونسيو: "پرپو، اُو شيلو ڪيو سٺه؟" ㉖ تٿيون
ايسُو اُوئا نٿه وڙندڙي ڏيڏي: "هُونِ جيا نٿه ٻٽڪو ٻوڙين ڏيه، هائي اُو شيلو
سٺه." تيامِ ايسُو روٿي رو ٻٽڪو ٻوڙينِ شمعونِ اسڪريوتي را ڏيڪرا يهوداه نٿه
ڏيڏو پرو. ㉗ يهوداه اُو ٻٽڪو ليڏو رو، ان تٿيون شيطونِ اُوئا را من ۾ گهر ڪري
گيو. تيامِ ايسُو اُوئا نٿه ڪيڏو: "جي ٿارنه ڪروو هونِه، اُو تونِ جلدي ڪر."

②8 پڻ پيڙا ٻڌائي جيا ڪاڏا مانھ پيڙا هئا، اُوئون موئين ٿي ڪيا نٿه پڻ ڪهر نٿي جي ايسُو اُوئا نٿه ڪيو ڪوم ڪريا را پارام ڪنھ ريو. ②9 ڪوڪ سوچتات ريا جي ايسُو اُوئا نٿه ام ڪنھ ريو جي ”اُو شيمون ويساتو لئه جي آپون نٿه پرڀ هارُو ڪپڻھ“ ڪا ”ڪئينڪ پڻيھا پڳوون را نوم مانھ ڳريپون نٿه وراوي ڏنھ،“ ڪم تو پڻيھون رو ٻٽوئو يھوداه ڪن هتو. ③0 تڻيون يھوداه روئي رو پٽڪو لين جھت ۾ اوت ٿي ٻارو نيھري ڳيو، تڻه ٿوئڻھ رات هتئي.

ايسُو آپرون شيلون نٿه نوو حڪم ڏنھ

③1 تيام، زڻيون يھوداه ڳيو پرو، تڻيون ايسُو ڪيتو: ”هونھ مون منڪ ذات را ڏيڪرا رو مون ساوو ٿيوھ، ان ماري ڪري پڳوون رو مون پڻ ساوو ٿيوھ. ③2 پڳوون رو مون ماري ڪري ساوو ٿيوھ، تيام هونھ پڳوون آپرا پاھا ٿي مارو مون ساوو ڪرشي ان او مارو مون جلدي ۾ ساوو ڪرشي. ③3 مارون پريمي ڏيڪرون، هزون هون ٿوڙيڪ وار تمون پيڙو سون. تيا ڪيڙ تمي مون نٿه ڳوتشو، ان زم مئين اڳي يھودي ڌرم رون اڳيوونون نٿه ڪيتو تو، تم هون همئڻھ همروم تمون نٿه ڪونھ جي جيئڻھ هون زائونھ ريو اوتڻھ تمي آوي نٿي هڪتا. ③4 هون تمون نٿه هيڪ نوو حڪم ڏيونھ جي تمي هيڪا پيڙا ٿي پريم ڪرو، زم مئين تمون ٿي پريم ڪريوھ، تم تمي پڻ هيڪا پيڙا ٿي پريم ڪرو. ③5 جي تمي آپت ۾ پريم راکوھ، تو ايٺا ٿي ٻڌون منڪون نٿه ڪهر پڙشي جي تمي مارا شيلا سو.“

ايسُو مور ٿي همپڙاوڻھ جي پطرس اُوئا نٿه ناڪارشي

(متي 35-31:26، مرقس 14-27:31، لوقا 22:31-34، يُوحنا 13:36-38)

③6 تڻيون شمعون پطرس ايسُو نٿه ڪيتو: ”پريُو، تمي ڪيئڻھ زائوھ ريا؟“ ايسُو اُوئا نٿه وڙندڻي ڏيڏي: ”جيئڻھ هون زائونھ ريو، اوتڻھ تون همئڻھ مون وونھڙ

آوي نٿي هڪتو. پڻ تيا ڪيڙ تون مون وونهڙ آويه. ” (37) تو پطرس اوتائنه ڪيڏو: ” ڀرپو، همٿه هون تمون وونهڙ ڪم آوي نٿي هڪتو؟ هون تمون هارو آڀرو جيو ڏيڏا هارو تيار سون. ” (38) ايسو اوتائنه ڪيڏو: ” تو تون آڀرو جيو مون هارو ڏيڏا هارو تيار سته، ڀلا؟ پڻ هون تون نته هاس ئي هاس ڪونه: از رات ڪوڪڙا رته ڀونگ ڏيڏا مور تون ترڻ وار مون نته ناڪاريه. ”

ڀڳوون ري گهري زايا را مارڳ رو مثال


ڀڳوون ڪن آڪاش ۾ زايا هارو ايسو مانه وشواس راڪو

14 ① ” تمي آڀرا من ۾ ڏکي مت ٿيو. ڀڳوون مانه يقين راڪو ان مون مانه پڻ يقين راڪو. ” ② مارا ڀاپ ڀڳوون ري گهري ريا هارو گهڻو ماڳ سته. جي هم نه هون تو هون تمون نته ضرور ڪنت، ڪم تو هون تمارنه اوتنه آيا هارو تيار ٿي ڪروا زائونه ريو. ③ ان زائون اوتنه زائين هون تمون هارو تيار ٿي ڪري ريه، تئيون هون وڙي پاسو آويه ان تمون نته آڀ پيڙا تيڙي زائيه، زم جيئنه هون هونيه اوتنه تمي پڻ هونو. ④ ان جيئنه هون زائونه ريو، اوت را مارڳ رٿي تمون نته ڪهر سته. ”

⑤ ” توما اوتائنه ڪيڏو: ” ڀرپو، امون نته ڪهر ئي نٿي جي تمي ڪيئنه زائوه ريا. تو پسته امون نته ڪم ڪرين اوتنه زايا را مارڳ رٿي ڪهر هوشي؟ ” ⑥ ايسو اوتائنه ڪيڏو: ” مارڳ هون سون، هاس هون سون، ان جيون ڏيڏا وازو هون سون. مارا مارڳ مانه وڏا شوا ڪوئي ڀڳوون ڀاپ ڪن نٿي آوي هڪتو. ” ⑦ زون تمي مون نته اوڙڪوت جي هاس ۾ هون ڪون سون، تون تمي مارا ڀاپ نته پڻ اوڙڪوت. پڻ هون تمي اوڙڪي زاشو جي هون ڪون سون، ان اوتائنه ٿي لين تمي مارا ڀاپ نته پڻ اوڙڪشو، ان او تمون ڪن ساوو هوشي. ” ⑧ فلپس اوتائنه ڪيڏو: ” ڀرپو، امون نته ڀڳوون ڀاپ رو ڏرشن ڪراوو، تو هائي امون هارو گهڻو ئي سته. ” ⑨ ايسو اوتائنه ڪيڏو: ” هون تمون پيڙو اتا گهڻا ڏي ريوه، توئي پڻ

فيلس، تون مون نئه هاوژ نئي اوزکتو ڪي؟ جيئنه مون نئه ڏيکيوه اونه مارا پاپ پڳوون نئه پڻ ڏيکيوه ان پڳوون پاپ اونا ڪن ساوو سئه. تو پسئه تون ڪم ڪنه ريو جي امون نئه پڳوون پاپ رو ڌرشن ڪراوو؟ ⑩ تون اي وات نئي مونتهو ڪي، جي هون ان مارو پاپ پڳوون هيڪ را هيڪ سون؟ جي واتون هون تمون نئي ڪرونه، او واتون هون آپرا پاها نئي نئي ڪرتو. پڻ مارو پاپ پڳوون جيو مون موئين رنه، او مون نئي آپرا ڪوم ڪراوئه. ⑪ ماري وات مانه يقين ڪرو جي هون ان پاپ هيڪ را هيڪ سون. جي تمي مارا ڪيڏا نئي هائي وات نئي مونتهو تو گهٽ ۾ گهٽ مارون ڪرل ڪومون نئه زوئين ماري وات رو يقين ڪرو. ⑫ هون تمون نئه هاس ئي هاس ڪونه: جيو مون مانه وشواس راکنه، جيو ڪوم هون ڪرونه، تيو ڪوم او پڻ ڪرشي. ان او هيا نئي مونتهو ڪوم پڻ ڪرشي، ڪم تو هون آپرا پاپ ڪن زائونه ريو، ⑬ ان جيا هارو تمي ماري مرضي اوزڪين ان مارو نوم لين پراٿا ڪرشو او هون ڪريه، زم پڳوون پاپ رو مون مون ڏيڪرا ري ڪري ساوو ٿه. ⑭ جيا ڪيا هارو تمي ماري مرضي اوزڪين ان مارو نوم لين پراٿا ڪرشو، او هون ضرور ڪريه.

ايسو پويتر آتما ميليا را پارام همپزاوئه



⑮ ”جي تمي مون نئي پريم راکوه، تو تمي مارون حڪمون مانه ویشو. ⑯ ان هون مارا پاپ پڳوون ڪن تماري پارت ڪريه، ان او تمون ڪن ماري جگا مانه پيزو هيڪ مدت ڪريا واڙو ميلشي، جيو هميش هوڏي تمون پيزو ريشي. ⑰ او مدت ڪريا

واڙو پويتر آتما سئه، جيو هاس رئي ڪهر ڏهه. ڪراپ دنيا را منڪ هيا نئه هونڪاري نئي هڪتا، ڪم تو او نڪو هيا نئه پاڙه نڪو هيا نئه اوزڪنه. پڻ تمي هيا نئه اوزڪوه ڪم تو او تماره پيله سئه ان تمارون منون ۾ گهر

ڪرين ريشي. ⑱ هُون تمون نئه سوريون پاڙون را زم هيڪلا نئين ساڏون، هُون تمون ڪن پاسو آويه. ⑲ ٿوڙيڪ وار ڪيڙ ڏنيا را منڪ مُون نئه وڙي نئين پاڙئه، پڻ تمي مُون نئه پاڙشو. ان ڪم تو هُون جيو تو سون، تيام تمون نئه پڻ جيون زڙشي. ⑳ اُوئه ٿوئشه تمون نئه ڪهر پڙشي جي هُون ان مارو ٻاپ پڳيون هيڪ را هيڪ سون ان ڌار نٿي، ان تمي مُون ٿي ڌار نٿي، ان هُون تمون ٿي ڌار نٿي.

㉑ مُون ٿي پريم ڪريا رئي ٿاڀيئي اي سئه جي منڪ مارا حُڪم مونئه ان اوئون مانه وئو. ان جيو مُون ٿي پريم ڪرئو اوئا ٿي مارو ٻاپ پريم ڪرشي ان هُون پڻ اوئا ٿي پريم ڪريه، ان هُون اوئا ڪن ساو ٿيه.

㉒ يهوداه اسڪريوتي نئين پڻ پيڙئه يهوداه نومي شيلئه ايسو نئه ڪيتو: ”پريو، هائي ڪم ڪرين ٿيشي جي تمي امون ڪن آپ نئه ساوا ڪرشو پڻ ڏنيا رون منڪون ڪن آپ نئه ساوا نئين ڪرو؟“

㉓ ايسو اوئا نئه وڙندي ڏيڏي: ”جي ڪوئي مُون ٿي پريم راکهه، او ماري ڪيڏل واتون مانه ويشي، ان مارو ٻاپ اوئا ٿي پريم راکشي ان امي اوئا ڪن آوشون ان اوئا را من ۾ گهر ڪرشون. ㉔ پڻ جيو مُون ٿي پريم نٿي ڪرتو، او ماري واتون مانه نٿي ويتو. ان جي واتون تمي مُون ٿي هومپريه، او واتون مارا پاها ٿي نئين، پڻ مارا ٻاپ را پاها ٿي سئه جيئشه مُون نئه ميليوه.

㉕ هوءَ هُون تمون ڪن ٿي زائونه ريو، ان مئين آپرا زايا مور هائي واتون تمون ٿي ڪريه. ㉖ پڻ پويتر آتما، جيو تمارئي مدت ڪريا واڙو سئه جيا نئه پڳيون ٻاپ ماري ڪري ميلشي، او تمون نئه ٻڌي واتون شيڪاڙشي، ان جي ٻڌي واتون مئين تمون نئه همپراويه، او ٻڌي واتون تمون نئه ياڌ ڪراوشي.

㉗ هوءَ هُون زائونه ريو ان تمي هڪي ريو. هُون تمون نئه من ۾ مارو هڪ ڏيونه. زم ڏنيا را منڪ امهي هڪي ريا رو ڪئو، هم هُون نٿي ڪيتو، پڻ هُون هاس ۾ تمون نئه هڪ ڏيونه. تمي من ۾ ڏکي مت ٿيو نڪو پيئائو! ㉘ تمي ماري

ڪيڏل واتون همٿڻه هومپڙيه جي هُون زائونھ ريو ان وڙي پاسو تمون ڪن آويھ. جي تمي مُون ٿي پریم ڪروت، تو تمي ڪُش ٿيوت جي هُون مارا ٻاپ ڪن زائونھ ريو، ڪم تو مارو ٻاپ مُون ٿي موتو سٺھ ان اُونئا ڪن زاوو مُون هَارُو ڪُشي ان مُون رُئي وات سٺھ. ②9 مٿين تمون نٺھ هائي وات همٿڻه مور ٿي همپڙاويھ زم زئيون وات ٿيشي، تئيون تمي يقين ڪرو، جي هُون هاس ۾ ڪوڻ سون.

③0 هُون هُون تمون ٿي وڌارڻه گهڻي واتون نئين ڪرون، ڪم تو ايٺا ڏنيا رو مُڪ شيطون آوڻه ريو. اُونئا رو مُون مانھ ڪئين زور نٿي. ③1 پڻ جي ڪئين هُون ڪرونھ، اُو هُون تيام ڪرونھ زم ڏنيا رون منڪون نٺھ ڪهر پڙڻه جي هُون مارا ٻاپ ٿي پریم ڪرونھ ان زم مارڻه ٻاپ مُون نٺھ ڪريا رو ڪيڏوھ همروم هُون ڪرونھ. هُونه اُونو، ايت ٿي هالون.“

ايسٽو ڌراڪون ري ويل رو مثال ڏين شيڪاڙڻه

جي رُوڳو اُونئا ٿي واسطو راڪيا ري ڪري هميش رو جيون زوڻه

15 ① ”هُون ڌراڪون رُئي هاسي ويل سون، ان مارو ٻاپ پڳوون ماڙي سٺھ. ② مارئي هر هيڪ تازڪئي جيا موئين ميوا نٿي ٿيٺا، پڳوون اُونئا نٺھ وائڻه پري. ان هر هيڪ تازڪئي جيا موئين ميوا ٿڻه، پڳوون اُونئا نٺھ سونڳاڙين صاف ڪرڻه، زم اُونئا موئين وڌارڻه ميوا ٿڻه. ③ تمي اڳي صاف من را سو، ڪم تو تمي ماري ڪيڏل واتون مونيه. ④ هُونه، زم مازو واسطو تمون ٿي سٺھ



ان هُون تمون ٿي ڌار نٿي، تم تمي مُون ٿي واسطو راڪتا ريو ان مُون ٿي ڌار مت ٿيا. ڪوئي تازڪئي ويل ٿي ڌار ٿين آڻوڪئي آڻ ميوا ڏي نٿي هڪٿي، پڻ رُوڳي زئيون ويل ۾ لاڳل سٺھ تئيون اُونئا موئين ميوا

ٿڻ. هيونہ نمونہ جي تمارو واسطو مون ٿي نئين هونہ، تو تمون ٿي ڪئين
نائوڪا ڪوم نئين ٿڻ.

⑤ هون ويل سون ان تمي ٿاڙڪي سو. زم ويل ري ڪري ٿاڙڪي موئين گهڻا
ميو ٿڻ، تم جيو منڪ مون ٿي واسطو راڪڻ ان هون اوڻا ٿي واسطو راڪونہ،
اوڻا منڪ ٿي گهڻا نائوڪا ڪوم ٿڻ. ڪم تو مون وڳر تمي ڪئين نٿي ڪري
هڪتا. ⑥ جي ڪوئي مون ٿي واسطو نٿي راڪتو، او ايوي ٿاڙڪي را زم سنہ جيا
نہ وادين ڳوڙڻه پرڻي ان او هوڪائي زائڻ. هيوي ٿاڙڪي ٻڌي پيڙي ڪرائين
ڏيوتا موئين ڳوڙڻه ان او ٻڙي زائڻ.

⑦ جي تمي مون ٿي واسطو راڪتا ريو ان ماري واتون مونتا ريو، تو تمي
جي وڻه او مونڳو ان او تمون هارو ٿيشي. ⑧ مارا ٻاپ رو مون ايڻا وات ۾
ساوو ٿڻ جي تمون ٿي نائوڪا ڪوم ٿڻ، ان هيونہ نمونہ تمي ڏيڪاڙوہ جي
تمي مارا شيلا سو. ⑨ زم مارنہ ٻاپ مون ٿي پريم ڪريوہ، تم مئين تمون ٿي
پريم ڪريوہ. هونہ تمي مارا پريم ۾ ٻنڌال ريو. ⑩ جي تمي مارون حڪمون
مانہ ووہ، تو تمي مارا پريم موئين ٻنڌال ريشو، زم هون مارا ٻاپ رون حڪمون
مانہ ووڊوہ ان اوڻا را پريم موئين ٻنڌال ريونہ. ⑪ مئين تمون نٿه هائي واتون
همپڙاويہ زم تمي مون ٿي واسطو راڪياري ڪري ڪش هوشو، ان تماري ڪشي
رو ڪوئي ڌنگ نئين هونہ.

⑫ مارو ڏيڏل حڪم اي سنہ، زم مئين تمون ٿي پريم ڪريوہ، تم تمي
هڪا پيڙا ٿي پريم ڪرو. ⑬ ايڻا ٿي گهڻو پريم سنہ ئي نئين جي ڪوڪ آپرون
پريميون هارو آپرو جيو ڏنہ. ⑭ جي تمي مارا ڪيڏا مانہ ووہ، تو تمي مارا
پريمي سو. ⑮ اڳي مئين تمون مانہ ڳلومون رو مثال ڏيتو، پڻ هونہ هون تمون
نٿه ڳلوم نٿي ڪيتو، ڪم تو ڳلوم نٿه آپرا ڏئي را ڪوم را پارام ڪئين ڪپڻ
نٿي هوڻيئي. پڻ ههڻه مئين تمون نٿه آپرا پريمي ڪيڏا، ڪم تو جي واتون
مئين مارا ٻاپ ٿي هومپڙيہ اوڻون ٻڌيون واتون رڻي ڪپڻ مئين تمون نٿه ڏيڏيہ.

①6 امر نٿي جي تمڻي مُون نٿه سُونڊيوه. نا نا، مٿين تمون نٿه سُونڊياھ، ان تمون نٿه ايتا ھارو راکياھ جي زم ويل ري تازکيون موٽين نائوڪا ميوا ٿھ، تم تمڻي زائين ايوا نائوڪا ڪوم ڪرو، جيون رو اثر رٿه. ان جي ڪٿين تمڻي مارڻي مرضي اوزکين ان مارو نوم لين پڳوون ٻاپ ٿي مونگشو، او تمون نٿه ڏيشي. ①7 هون تمون نٿه اي حڪم ڏيونه جي تمڻي هيڪا پيڙا ٿي پريم ڪرو.

دُنيا را منڪ ايسو ان اوٽا رون شيلون ٿي وير راکنه

①8 ”جي دُنيا را منڪ تمون ٿي وير راکنه، تو ياڏ راکو جي تمون ٿي مور اوٽي مُون ٿي وير راکيوه. ①9 جي تمڻي ايتا ڪراب دُنيا را منڪ هوٽو، تو دُنيا را منڪ تمون نٿه آڀرا هزمين تمون ٿي پريم ڪرڻ. پڻ تمڻي ايتا دُنيا را نٿي، ڪم تو مٿين تمون نٿه ايتا دُنيا موٽين ٿي آڀرا منڪ نايا ھارو سُونڊي ليداه. ان تيام دُنيا تمون ٿي وير راکنه. ②0 مارو ڏيڏل مثال ياڏ راکو جي گُلم آڀرا ڏئي ٿي موٽو نٿي. زم منڪي مُون نٿه تنگ ڪريوه، تم او تمون نٿه پڻ تنگ ڪرشي. جي اوٽي مارڻي وات موٽي تو تمارڻي وات پڻ مونشي. ②1 او ماري ڪري تمون نٿه تنگ ڪرشي ان تمارڻي وات نئين مونشه، ڪم تو او پڳوون نٿه نٿي اوزکتا جيئنه مُون نٿه ميليوه.

②2 جي هون نه اوٽ ان اوٽون نٿه نه هزماوٽ، تو اوٽون را ڏوه اوٽون مانه نه پڙت. پڻ هوٽه ڏوهون ري سزا ٿي پچيا رو اوٽون رو ڪٿين پونهونو نٿي. ②3 جيو مُون ٿي وير راکنه، او مارا ٻاپ پڳوون ٿي پڻ وير راکنه. ②4 جي مٿين اوٽون وسا ايوا نائوڪا ڪوم نه ڪريا هوٽ جيو پيڙه ڪيئنه ٿي نٿي ڪريا، تو اوٽون را ڏوه اوٽون مانه نه پڙت. پڻ هوٽه اوٽي هاڻي مارا ڪوم زوياھ، ان توڻي پڻ اوٽي مُون ٿي ان مارا ٻاپ پڳوون ٿي وير راکيوه. ②5 پڻ هم تيام ٿيو زم اوٽون را شاستر رٿي لکل اي وات پوري ٿه:

اوٽي مُون ٿي امهي وير راکيو.

26) زئيون مدت ڪريا وازو آوشي جيا نئه هون تمون ڪن پڳوون پاپ را پاها ٿي ميلي، مطلب پويتر آتما جيو هاس رٿي ڪبر ڏيڏا وازو سئه ان جيو پڳوون پاپ ڪن ٿي آوئه، او مارئي هاڪ پرشي. 27) ان تمي پڻ مارئي هاڪ پرين مارا پارام همپزيا ڪم تو تمي شروع ٿي لين مون پيڙا رياه.

16 ① مئين تمون نئه هائي واتون ايئا هارو ڪيڏيه، زم تمي وشواس نه ساڏو. ② او تمون نئه نات پارا ڪرشي، ان ايوو ٿوڻو پڻ آوئه ريو زئيون منڪ تمون نئه مارشي پرا ان ام هزمشي جي امي پڳوون رٿي شيوا ڪرونه ريا. ③ او هائي ٻڌوئي ڪئين ڪرشي ڪم تو اوئي نڪو پڳوون پاپ نئه اوڙڪيوه نڪو مون نئه اوڙڪيوه.

④ پڻ مئين تمون ٿي هائي واتون ايئا هارو ڪريه زم زئيون هايون واتون رو ٿوڻو آوئه، تئيون تمون نئه همپريه جي مئين تمون ٿي هائي واتون اڳي ڪري تي.

پويتر آتما هاس را پارام پورئي ڪبر ڏئه

”مئين شروع ۾ هائي واتون تمون ٿي نتي ڪري، ڪم تو هون تمون پيڙو هتو. ⑤ پڻ هوئه هون پڳوون پاپ ڪن زائونه ريو جيئنه مون نئه ميلي، تويي تمون موئين ٿي ڪوئي مارا پارام نتي پونستو جي هون ڪيال زائونه ريو. ⑥ پڻ زئيون مئين تمون نئه هائي واتون ڪري، تئيون تمي مارئي وات نئين پڻ آڀري وات سوچين من ۾ گهڻا ڏکي ٿيا. ⑦ پڻ هون تمون نئه هاسئي وات ڪونه جي مارا زيام تمارو قائيڏو سئه. ڪم تو جي هون نئين زائون، تو مدت ڪريا وازو پويتر آتما تمون ڪن نئين آوئه. پڻ جي هون زائون، تو هون اوئا نئه تمون ڪن ميلي. ⑧ ان او آوين دنيا رون منڪون نئه وات ساوئي ڏيڪارشي جي ڏوه ڪي سئه، انصاف ڪي سئه، ان پڳوون رو ڦينصلو ڪي سئه، ان هيون نمونشه اوئون را ڏوه ساوا ڪرشي. ⑨ او ڏوه رٿي اي وات ساوئي ڪرشي جي دنيا را منڪ پڳوون

را ڏوهاري سٺه. ڪم تو هيا رڻي ٿا پٽي اي سٺه جي او مون مانه وشواس نٿي راکتا. ⑩ او انصاف رڻي اي وات ساوڻي ڪرشي جي پڳوون مون نٺه پيڏوهي ڪرين مون ٿي انصاف ڪريوه. ڪم تو هيا رڻي ٿا پٽي اي سٺه جي هون پڳوون باپ ڪن زائونه ريو ان پسته ٽمي مون نٺه نئين پاڙو. ⑪ ان او پڳوون را ڦينصلا رڻي اي وات ساوڻي ڪرشي جي پڳوون نيا ڪرڻه. ڪم تو هيا رڻي ٿا پٽي اي سٺه جي ايٿا دنيا را مڪ شيطون نٺه سزا ڏيڏا رو ڦينصلو ٿيوه.

⑫ گهڻي پيڙي واتون سٺه جي مارڻه ٽمون ٿي ڪرووه، پڻ همٺه ٽمي هائي واتون هونهي نٿي هڪتا. ⑬ پڻ زئون پويتر آتما آوشي، جيو هاس رڻي ڪهر ڏيڏا واڙو سٺه، او ٽماري آڳيوون ٿي ڪرين ٻڌي هاسي واتون ڏيڪاڙشي. ڪم تو او آپرا پاها ٿي نئين ٻولڻه پڻ جي ڪئين او پڳوون ٿي هومپڙه او واتون ڪيشي، ان مون ٿي ٿيا واڙي واتون را پارام ٽمون نٺه هزماوشي. ⑭ او مارو مون ساوو ڪرشي ڪم تو او ماري واتون مون ٿي لين ٽمون نٺه هزماوشي. ⑮ پڳوون باپ رو ٻڏوئي ڪئين مارو سٺه، تيام مئين ڪيڏوه جي پويتر آتما ماري واتون مون ٿي لين ٽمون نٺه هزماوشي.

⑯ ٿوڙيڪ وار ڪيڙ ٽمي مون نٺه نئين پاڙو، پڻ پسته وڙي ٿوڙيڪ وار ڪيڙ ٽمي مون نٺه پاڙشو.

ايسو شيلون نٺه همپڙاوڻه

جي اوئون هارو همٺه تو ڏڪ سٺه پڻ پسته او ڪش ٿيشي

⑰ ٿيا مانه شيلون موئين ٿي ڪئينڪ زڻي هڪا پيڙا نٺه ڪيڏو: ”او آپون نٺه ڪي ڪنڊه ريو؟ ٿوڙيڪ وار ڪيڙ ٽمي مون نٺه نئين پاڙو ان پسته وڙي ٿوڙيڪ وار ڪيڙ ٽمي مون نٺه پاڙشو“ ان ڪم تو هون پڳوون باپ ڪن زائونه ريو. هيا رو ڪي مطلب سٺه؟“ ⑱ تيام او آبت م پونستا ريا: ”ٿوڙيڪ وار رو مطلب ڪي سٺه؟ آپون نٺه ڪهر نٿي جي او ڪي ڪيوا ڪرڻه.“

①9 ايسو ننه ڪبر هٿي جي شيلا اوثا ٿي سوئال پونسوا ڪرڻه ريا. تيام اوتون ننه ڪيڏو: ”تمي هڪا پيزا ٿي ايٿا وات را پارام پونسوه ريا نا، جي مٿين ام ڪم ڪيڏوه؟ ’ٿوڙيڪ وار ڪيڙ تمي مون ننه نئين پاڙو ان پسٺه وڙي ٿوڙيڪ وار ڪيڙ تمي مون ننه پاڙشو.‘ ②0 هون تمون ننه هاس ٿي هاس ڪونه: تمي روشوان وڙاپ ڪرشو، پڻ ڏنيا را منڪ ڪش ٿيشي. تمون ننه ڏڪ تو ٿيشي پڻ تمارو ڏڪ ڪشي ۾ پڌلشي. ②1 مثال، زئيون ڏوشي ٻار زنيا واڙي هون، ٿيون او هونهو ڪرڻه ڪم تو اوثا رو ٻار زنيا رو ٿوڻو آيوه ريو. پڻ زئيون ٻار زلمئه پرو، ٿيون اوثا ننه تڪيل ويهري زانه، ڪم تو او اٿي ڪش هون جي ڏنيا ۾ هڪ نوو ٻار زلميوه. ②2 هيون نموننه تمون ننه پڻ همئنه ڏڪ سٺه. پڻ هون تمون ننه وڙي پيزو ٿيه ان تمي ڪش ٿيشو، ان او تماري ڪشي تمون ٿي ڪوئي نئين ڪونه. ②3 تيڏي تمارنه مون ٿي ڪئين سوئال پونسوا رٿي ضرورت نئين هون. هون تمون ننه هاس ٿي هاس ڪونه: جي ڪئين تمي پڳون ٻاپ ٿي مونگشو، او ماري ڪري تمون ننه ڏيشي. ②4 هزون هوندي تمي مارو نوم لين پڳون ٿي ڪئين نئي مونگيو. مونگو تو تمون ننه زڙشي، ان هيون نموننه تماري ڪشي رو ڪوئي ڏنگ نئين هون.“

ايسو آڀرو جي پڳون را نوم مانه ڏين ڏنيا ري هر پونڌائي مانه جيت ڪريه

②5 ”هائي واتون مٿين تمون ننه مثالون ٿي همپڙاويه. پڻ او ٿوڻو آوئهر ريو، زئيون هون تمون ٿي مثالون ۾ نئين ٻولون، پڻ تمون ننه پڳون ٻاپ را پارام چٽي وات همپڙاويه. ②6 تيڏي تمي مارو نوم لين پڳون ٿي مونگشو. مارو مطلب اي نئي جي مارنه تمارا پارام پڳون ٿي منت ڪروو ڪپنه، ان پسٺه او تمون ننه ڏيشي. ②7 مارنه پڳون ننه منايا رٿي ضرورت نئي. پڳون ٻاپ آپ تمون ٿي پريم ڪرڻه، ڪم تو تمي مون ٿي پريم ڪريوه ان يقين ڪريوه جي هون

پڳوونَ ڪن ٿي آيوه. ②8 هُون مارا ٻاپ پڳوونَ ڪن ٿي آوينَ ڏنيا ۾ آيوه. ان هون هون وڙي ڏنيا ننه ساڏين پاسو مارا ٻاپ پڳوونَ ڪن زائونه ريو.

②9 تيا مانه اوتا زي شيلي ڪيڏو: ”زوتو، هون تمي ساون ڍاڙه ڪوه ريا ان مثالون ٿي نٿي ٻولتا. ③0 هون امون ننه ڪهر سته جي تمي ٻڌوئي ڪئين زوتوه، ان تمون ننه اي ضرورت پڻ نٿي جي منڪ تمون ٿي سوئال پونسنه، ڪم تو تمون ننه اڳي سوئال رٿي ڪهر سته. تيام امي يقين ڪرونه جي تمي پڳوونَ را پاها ٿي آياھ.“

③1 تيا مانه ايسو اوئون ننه ڪيڏو: ”تمي هون پڪو وشواس راکوه ڪي؟ ③2 مارئي وات هومپزو، ايوو توتو اونه ريو پڻ هاو آوي پوگيوه زئون تمي ٻڌائي مون ننه هيڪلو ساڏين هر هيڪل آهه آهه مون پاڳي زاشو. توتي پڻ هون هيڪلو نٿي، ڪم تو مارو ٻاپ پڳوونَ مون پيزو سته. ③3 مئين هائي واتون تمون ننه همپزاويه، زم مون ٿي واسطو راکيا ري ڪري تمون ننه من ۾ هڪ ٿهه. ايٿا ڏنيا ۾ تمون ننه ڏڪ تڪليپ سته. پڻ هيٺ راکتا ريو، ڪم تو مئين ڏنيا ري هر پونڌائي مانه جيت ڪريه ان هون ماري ڪري تمي پڻ هم ڪري هڪوه.“

ايسو اپرون شيلون هارو پڳوونَ ٿي پراٿنا ڪرڻه

17 ① زئون ايسو هائي واتون ڪري ريو، ٽيون اونه اونسو آڪاش هومو زونين پڳوونَ ننه ڪيڏو: ”او ٻا، هون او توتو آيوه رو. مون تمارا ڏيڪرا رو مون ساوو ڪرو، زم هون تمرو ڏيڪرو تمارو مون پڻ ساوو ڪرون. ② ڪم تو تمي مون ننه ٻڌون منڪون مانه اي اڪتيارئي ڏيڏيهه، جي زتا منڪ تمي مون ننه ڏيڏاه، اوئون ٻڌون ننه هون هميش رو جيون ڏيون. ③ ان هميش رو جيون اي سته، جي منڪ تمون هيڪاه هاسا پڳوونَ ننه اوڙڪهه، ان مون ايسو ڪريست ننه اوڙڪهه جيا ننه تمي ميليوه، ان اپون ٿي واسطو راکتا رٿه. ④ جيو ڪوم تمي مون ننه ڪريا هارو ڏيڏو تو، مئين او ڪوم پورو ڪرين ايٿا ڌرتي

مانه تمارو مون ساوو ڪريوه. ⑤ ان هونءَ پا، مون نئه آپ ڪن راکيا ٿي ايوو مون ڏيو، جيوو مارو مون هتو زئيون هون جڳت نهيا ٿي مور تمون پيڙو هتو. ⑥ دنيا موئين ٿي جيا منڪ تمي مون نئه ڏيڏاه، اوئون هومئي مئين وات ساوئي ڪرين ڏيڪارڙيه جي تمي ڪيو سو. او تمارا منڪ هتا ان تمي اوئون نئه مون نئه ڏيڏاه، ان اوئي تماري واتون مونيھ. ⑦ هونءَ اوئون نئه ڪهر پڙيه جي جي ڪئين تمي مون نئه ڏيڏوه، او تمارا پاها ٿي زڙل سئھ. ⑧ ڪم تو جي واتون تمي مون نئه همپڙاويه، او واتون مئين اوئون نئه همپڙاويه، ان اوئي هائي واتون مونيھ، ان اوئون نئه پڪئي ڪاترئي ٿيه جي هون تمون ڪن ٿي آيوھ، ان اوئي يقين ڪريوه جي تمي مون نئه ميليوه.

⑨ هون اوئون هارو تمون ٿي وينتئي ڪرونھ. اي وينتئي هون دنيا رون منڪون هارو نئين، پڻ اوئون منڪون هارو ڪرونھ ريو جيا تمي مون نئه ڏيڏاه، ڪم تو او تمارا منڪ سئھ. ⑩ جي ڪئين مارو سئھ او تمارو سئھ، ان جي ڪئين تمارو سئھ او مارو سئھ. ان مارو مون اوئون منڪون ري ڪري ساوو ٿيوھ. ⑪ هونءَ هون اي دنيا ساڏين تمون ڪن آونھ ريو، پڻ او ايئا دنيا ۾ ريشي. او پويتر باپ، اوئون نئه تماري آپري ڪڙا ٿي همپڙين راکو، ڪم تو تمي آپ پريو سو ان تمي مون نئه پڻ پريو ڪيو رايو، زم او هيڪ من ٿه زم آبي هيڪ من سون. ⑫ زئيون هوڏي هون اوئون پيڙو هتو، تميون هوڏي هون تمارا ڪيڏا پرموئنه پريو ٿين تماري ڏيڏل ڪڙا ٿي اوئون رئي همپڙ ڪرتو ريو، ان مئين اوئون نئه پچاوين راکياھ. اوئون موئين ٿي ڪيئنه ئي وشواس نٿي ساڏيو، شوا اوئا هيڪا رئه جيو هميش را موت رئي سزا کاڏا جيوو سئھ. ان هيونءَ نموننه شاستري واتون پوري ٿيھ. ⑬ همئنه هون تمون ڪن آونھ ريو، پڻ زئيون هون دنيا ۾ سون تو هون هائي واتون آپرون منڪون ٿي ڪرونھ، زم مارا پاها ٿي اوئون نئه من ۾ پوري ڪشي زڙه. ⑭ مئين اوئون نئه تماري واتون همپڙاويه، ان دنيا ري منڪي اوئون ٿي وير راکيوھ ڪم تو او ايئا دنيا را نٿي، زم هون پڻ ايئا دنيا رو نٿي. ⑮ مارئي وينتئي اي نٿي جي تمي

اُٿون نٺه ڏنيا ٿي ڌار راڪين پڇاوو. پڻ مارئي وينتئي اي سٺه جي تمڻي اُٿون نٺه شيطون ري پوندائي ٿي پڇاوين راڪو. ①6 اُو ايشا ڏنيا را نٺي، زم هون پڻ ايشا ڏنيا رو نٺي. ①7 اُٿون نٺه هاسا وڃن ٿي تمارئي شيوا ڪريا هارو پويتر ڪرو. تمارو وڃن، اُو هاسو وڃن سٺه. ①8 زم تمڻي مون نٺه ڏنيا ۾ ميليوه، تڻ مٿين پڻ اُٿون نٺه ڏنيا ۾ ميليها. ①9 ان اُٿون هارو هون آپ نٺه تماري شيوا ۾ پويتر راڪين آپرا آپ نٺه تمارا نوم مانه ڏيونه، زم اُو پڻ هاس ۾ تماري شيوا هارو پويتر ٿه.

②0 هون روڳو اُٿون هارو وينتئي نٺي ڪرتو، پڻ اُٿون ٻڌون منڪون هارو پڻ وينتئي ڪرونه جيا اُٿون ري ڪيڏل واتون ري ڪري مون مانه وشواس راڪشي.

②1 مارئي وينتئي اي سٺه، جي اُو ٻڌائي هيڪ من ٿه. زم تمارو، او ٻا، مون ٿي واسطو سٺه ان مارو تمون ٿي واسطو سٺه، تڻ اُٿون رو آپون ٿي واسطو هوٺه، زم ڏنيا را منڪ يقين ڪرڻه جي تمڻي مون نٺه ميليوه. ②2 جيوو مون تمڻي مون نٺه ڏيتوه، ايوو مون مٿين پڻ اُٿون نٺه ڏيتوه، زم اُو هيڪ ٿه جيوٺه نمونٺه آڀي هيڪ سون. ②3 ان مارو واسطو اُٿون ٿي هوٺه، ان تمارو واسطو مون ٿي هوٺه، زم پورٺه نمونٺه اُو هيڪ ٿي زائ. ان هيوته نمونٺه ڏنيا رون منڪون نٺه ڪٻر پڙشي جي تمڻي مون نٺه ميليوه، ان تمڻي مون مانه وشواس راڪيا وازون ٿي ايوو پريم ڪريوه جيوو مون ٿي ڪريوه.

②4 او ٻا، مارئي مرضئي اي سٺه جي جيا منڪ تمڻي مون نٺه ڏيتاه، جيٺه هون هوٺون، اُو ٻڌائي پڻ مون پيڙا اوتڻه هوٺه، زم اُو مارو اُو مون پاڙڻه، جيوو مون تمڻي مون نٺه ڏيتوه ڪم تو جگت نهيا مور تمڻي مون ٿي پريم ڪريوه.

②5 او پيڏوهي ان پويتر ٻاپ، ڏنيا ري منڪي تمون نٺه نه اوڙڪيا، پڻ مٿين تمون نٺه اوڙڪيا، ان ايشي ماري شيلي پڻ اوڙڪيوه جي تمڻي مون نٺه ميليوه. ②6 ان مٿين اُٿون هومئي وات ساوئي ڪرين ڏيڪارڻيه جي تمڻي ڪيا سو، ان هون هم ڪرتو ريده، زم تمارو اُو پريم، جيوو پريم تمڻي مون ٿي ڪريوه، اُٿون رون منون موئين گهر ڪرڻه، ان هون آپ پڻ اُٿون رون منون موئين گهر ڪرون.

يهوداه اسڪريوتي ايسو نٿو زهلاوڻه

(متي 56-47:26، مرقس 50-43:14، لوقا 53-47:22، يُوحنا 11-1:18)

18 ① زئيون ايسو هائي پراٽنا ڪري ريو، تٿيون او آپرون شيلون پيڙو اوٽ ٿي رُونو ٿين قدرون نڌي رٿه پرلٿه پاهڻه ڳيو. اوڻه هڪ ٻاڳه هتو، ان ايسو ان اوٽا را شيلا اوٽا ٻاڳه ۾ ڳيا.



② هونو يهوداه جيو ايسو نٿو زهلايا واڙو هتو، اوٽا نٿه پڻ هيا ماڳ رٿي ڪٻر هٿي، ڪم تو ايسو گهڻي وار آپرون شيلون پيڙو اوڻه زاتو. ③ تيام يهوداه رومي قوز رو هڪ ٽوڙو ان موٽون پوزاريون ان فريسي پالٽي واڙون را پاها ٿي سڀاڻي آپ پيڙا لين اوڻه ٻاڳه ۾ آيو. اوٽون ڪن ٻڙتا مٽا ان پتي هتي ان هٿيار پڻ هتا.

④ ايسو نٿه ٻڌي ڪٻر هٿي جي آپ ٿي ڪي ٿيا واڙو سٺه، تيام اوڻه اوٽون هومو آڳهو زائين اوٽون ٿي پونسيو: ”تمي ڪيا نٿه ڳوتوه ريا؟“ ⑤ اوٽي وڙنڌي ڏيڏي: ”امي ايسو نصرت شهر واڙا نٿه ڳوتوه ريا.“ تو ايسو اوٽون نٿه ڪيڏو: ”او هون سون.“ هونو يهوداه، جيو ايسو نٿو زهلايا واڙو هتو، او پڻ اوٽون پيڙو اوڻه اوپل هتو. ⑥ تيام، زئيون ايسو اوٽون هومو هونڪاريو جي او

هُون سون، تو اُو پاسا هتيا ان پوئين پڙيا هئا.

⑦ تيام ايسُو اوتون نئه وڙي پُونسيو: ”تمي ڪيا نئه ڳوتوه ريا؟“ تو اوتِي ڪيتو: ”ايسُو ناصرت شهر واڙا نئه.“ ⑧ تيا مانءِ ايسُو ڪيتو: ”مئين تمون نئه اڳي ڪيتوه جي اُو هُون سون. تيام جي تمِي مُون نئه ڳوتوه ريا، تو ايئون نئه زاوا ڏيو.“ ⑨ هاڻي ام ٿيو زم ايسُو رئي اڳي ڪيڏل وات پورئي تئه جي ”جيا منڪ تمِي مُون نئه ڏيڏاه، مئين اوتون ٻڌون نئه پچاوين را ڪياھ.“

⑩ تيون شمعون پطرس، جيا ڪن تروٺار هتئي، آپري تروٺار ڪاڍين مُڪ پوزاري را نوڪر نئه ڏڪ هٿيو، ان اوتَا رو زمٺو ڪون واڍيو پرو. اوتَا نوڪر رو نوم ملخن هتو. ⑪ تيام ايسُو پطرس نئه ڪيتو: ”آپري تروٺار پاسئي مين ۾ نوڪ! جيو ڏڪ مارئه ٻاپ پڳيون مُون نئه سهيا هارُو ڏيڏوه، اُو هُون نه سهون ڪي؟“

ايسُو نئه حناه نومي مُڪ پوزاري هومو اُوپاڙئه

⑫ تيام رومي قوز رئه توڙئه ان اوتون رئه موٽه ساڻ ان يهوديون ري سپايي ايسُو نئه زهاليو ان اوتَا نئه ٻونڊيو. ⑬ ان پسئه اوتَا نئه پيرهين حناه نومي اڳلوڪا مُڪ پوزاري ڪن لي ڳيا، ڪم تو اُو همٺوڪا مُڪ پوزاري ڪائيفا رو هاهرو هتو. ⑭ ڪائيفا مُڪ پوزاري اُو رو اُو هاڳي منڪ هتو جيئشه يهودي آڳيونون نئه اي ڏش ڏيڏو تو جي ”آپتو ڦائڻڊو ايٺا ۾ سئه جي آپتي يهودي قوم هارُو هيڪ منڪ مري زائه.“

پطرس پيرهين وار ايسُو نئه ناڪارئه

(متي 70-69:26، مرقس 68-66:14، لوقا 57-54:22، يُوحنا 18-15:18)

⑮ شمعون پطرس ان هيڪ پيزو شيلو ايسُو وونهڙ وونهڙ ڳيا. هونه پيزو شيلو حناه مُڪ پوزاري رو اوڙڪيندو هتو، ان اُو ايسُو وونهڙ مُڪ پوزاري را ڌرٻار

موئين ڳيو. ①6 پڻ پطرس ٻارليا ڌروازا ڪن ٻارو ري ڳيو. تيام پيزو شيلو جيو مُڪ پُوزاري رو اوڙڪيندو هتو، وڙي ڌرٻار ٿي ٻارو نيهرين اُونا نوڪروڻي ٿي وات ڪرڻي جي ٻارليا ڌروازا مان سوڪڻي ڏيئي ٿي، ان پطرس ننه موئين تيرايو.

①7 تيام سوڪڻي ڏيڏا واري نوڪروڻي پطرس ننه ڪيڏو: ”تون اُونا رون شيلون موئينليو نٿي نا؟“ تو پطرس ڪيڏو: ”نا، هون نٿي.“ ①8 هون نوڪر ان سڀائي ڪينڌاڙا ٻارين اونگڻام اُوپين تاپتات ريا، ڪم تو ٿاڍ واتڻيت رڻي. ان پطرس پڻ اُونون پيزو اُوپين تاپتوت ريو.

حناه مُڪ پُوزاري ايسو ٿي پڙا پونس ڪرڻه

①9 تته ٿوڻه مُڪ پُوزاري ايسو ٿي اُونا رون شيلون ان شيڪاڙل واتون را پارام پڙا پونس ڪرڻي. ②0 تو ايسو اُونا ننه ڪيڏو: ”مئين ٻڌون رنه رُوپرو واتون ڪريه. مئين پڳوون رون منڌرون موئين ان پڳوون را گهر موئين هميش شيڪاڙيوه، جيئن ٻڌائي يهودي پڙا تته، ان مئين ڪوئي وات هٿارين نٿي ڪرڻي. ②1 تيام تمي مون ٿي ڪم پونسوه ريا؟ اُونون ٿي پونسو، جيئي ماري واتون هومپڙيه، جي مئين ڪيوي واتون ڪريه. اُونون ننه تو ماريون ڪيڏل واتون رڻي پورڻي ڪر سته.“

②2 ايسو هم ڪيڏو، تڻيون سڀايون موئين ٿي هيڪه زڻه، جيو ايسو ڏوڪڙو اُوپل هتو، ايسو ننه ٿپڙ هڻي ان ڪيڏو: ”تون مُڪ پُوزاري ننه هيوو جواب ڪم ڏه؟“ ②3 تو ايسو اُونا ننه وڙنڌي ڏيڏي: ”جي مئين گلت وات ڪرڻي هون، تو ثابت ڪرين همپڙاو جي گلت وات ڪي سته؟ پڻ جي مئين صحيح وات ڪرڻيه، تو مون ننه ڪم مارڻه؟“ ②4 تڻيون حناه ايسو ننه ڪائيفا نومي مُڪ پُوزاري ڪن ٻونڌل رو ٻونڌل ميليو پرو.

پطرس وڙي بي وار ايسنو نٺ ٺاڪارڻھ

(متي 71:26-75، مرقس 14:69-72، لوقا 22:58-62، يُوحنا 18:25-27)

25) هونءُ تڻه ٿوئڻه شمعون پطرس اوئڻه پيزون منڪون پيڙو اوپين ٽاپتوت ريو. تيام اوئي پطرس ٿي پونسيو: ”ٿون پڻ اوئا رون شيلون موئينليو هيڪ نٿي



ڪي؟” تو پطرس ناڪارين ڪيڏو: ”نا، هون اوئا رو شيلون نٿي.“ 26) تڻيون مڪ پوزاري رون نوڪرون موئين ٿي هيڪ زٽو، جيو اوئا منڪ رو عزيز هتو جيا رو ڪون پطرس واڍيوت پرو، اوئڻه ڪيڏو: ”مئين ٿون نٺه اوئا پيڙو پاڳھ ۾ نتو ڏيڪيو ڪي؟“ 27) تيام پطرس وڙي ناڪاريو، ان جهٽ ۾ ڪوڪڙڻه پونڳ ڏيڏئي.

ايسنو نٺ رومي حڪومت را راز ڪريا واڙا پيلاطس ڪن تيڙي زائھ

(متي 1:27-2، 11-14، مرقس 1:15-5، لوقا 1:23-5، يُوحنا 18:28-38)

28) هوار را ويلا يهودي ايسنو نٺه ڪائيفا نومي مڪ پوزاري را گهر ٿي رومي راز ڪريا واڙا را گهڊ موئين تيڙي ڳيا. پڻ يهودي آپ گهڊ ۾ نه پيئا، متون ڌاري قوم واڙا ري گهري زايا ٿي اڀرائي زائھ، ان پاشڪا پرڀ نه مناوي هڪڻه.

29) تيام راز ڪريا واڙو پيلاطس ٻارو نيمرين يهوديون ڪن آيو ان اوئون ٿي پونسيو: ”تمي ايئا منڪ مانھ ڪيو ڏوھ ڏيوھ؟“

30) اوئي وڙنڌئي ڏيڏئي: ”جي اي ڏوھاري نه هوئٽ، تو امي ايئا نٺه تمون

ڪن نه زهالي اوئٽ.“

31) تيام پيلاطس اوئون نٺه ڪيڏو: ”تمي آپ ايئا نٺه لي زائو ان تمارا آپرا

ڌرم ڀرموئڻه ايئا رو ڦينصلو ڪرو.“ پڻ يهودي اوئا نٺه ڪيڏو: ”رومي قانون

پرموئنه امي ڪيا ننه ئي موت رٿي سزا نٿي ڏي هڪتا.

32) هيونہ نمونہ يهوديئي ايسو رو ڦينصلو رومي حڪومت ٿي ڪرايو ان ايسو يهوديون ري ڏيڏل موت ري سزا را نمونا پرموئنه نئين، پڻ رومي حڪومت را نمونا پرموئنه هوزي مانہ مريو، زم ايسو رٿي اشارا ۾ اڳي ڪيڏل اي وات پورئي ننه جي او هوزي مانہ سزائين مرشي.

33) تيام پيلاطس پاسو آپرا ڏرہار موئين گيو پرو، ان ايسو ننه آپ ڪن تيڙاوين ايٿا ٿي پونسيو: ”تون يهوديون رو پادشا سٺه ڪي؟“ 34) تو ايسو اوٿا ننه وڙنڌي ڏيڏي: ”ڪي تمي آپ مون ننه پادشا هزمين پونسوہ ريا، ڪا پيزي منڪي مارا پارام تمون ننه همپڙايوه؟“ 35) تيا مانہ پيلاطس جواب ڏيڏو: ”هون يهودي سون ڪي؟ تاري آپري قوم ان موئي پوزاريئي تون ننه زهلاوين مارنه حواله ڪريوه. تئين ايو ڪي ڏوه ڪريوه؟“ 36) ايسو وڙنڌي ڏيڏي: ”مارو راز ايٿا ڏنيا را پاها رو نٿي. جي مارو راز ايٿا ڏنيا را پاها رو راز هوٿ، تو مارا شيواڌاري ضرور مون هارو وڏت زم هون يهوديون ري هاتي نه زهلائون. پڻ هاس ۾ مارو راز ايت را پاها رو نٿي.“

37) تيام پيلاطس اوٿا ننه ڪيڏو: ”تو پسته تون پادشا تو سٺه.“ تيا مانہ ايسو اوٿا ننه ڪيڏو: ”تمي مون ننه پادشا ڪوه ريا، ان هون پادشا تو سون. پڻ هون ايٿا هارو زلميوه ان ايٿا هارو ڏنيا ۾ آيوه جي هون هاس را پارام هاڪ پرين همپڙاوين. ان مارو راز ام وٿه، جيو ڪوئي هاس را پاها رو سٺه، او مارئي وات موننه.“ 38) پيلاطس اوٿا ننه ڪيڏو: ”تو هاس ڪي سٺه؟“

پيلاطس ايسو مانہ موت رٿي سزا ڏيڏا رو ڦينصلو ڪرئہ

(متي 27:15-31، مرقس 6:20-25، لوقا 23:13-25، يوحنا 18:38-19:16)

هم ڪين پيلاطس وڙي ڏرہار ٿي نيهرين يهوديون ننه ڪيڏو: ”مون ننه اوٿا موئين ڪئين ڏوه ڏيڪيام نٿي آوتو.“ 39) هونہ تمون ۾ هيڪ رواز سٺه جي هون

پاشڪا پرڻ مانہ تمون ھارو ھيڪا قيدي نئہ ڍلو ڪرونہ. تيام، ڪي تماري مرضي اي سئہ جي ھون تمون ھارو يھوديون را پادشا نئہ ڍلو ڪرون؟“ (40) پڻ يھوديئي زور ٿي وڙي جواب ڏيئو: ”ھايا منڪ نئہ نئين پڻ برابا نئہ ساڏو پرو.“ ھوئہ برابا ھيڪ ڌاڙيل ھتو.

19 ① تيام پيلاطس ايسو نئہ لي زائين ھاڳون ٿي مرايو. ② ان قوزيئي ڪونٽون رو تاج ڳونين ايسو را ماتام پيرايو، ان وونڳڻائي رنگ رو پادشا را جيوو چال ڪوون مانہ اوڍاڙيو، ③ ان نئولئي ڪرين ايسو ھوما آوي آوين ڪيتا ريا: ”او يھوديون را پادشا، نمسڪارا!“ ان اوئا نئہ ٿپڙون ھئي.

④ تيا ڪيڙ پيلاطس وڙي ٻارو نيھريو ان يھوديون نئہ ڪيئو: ”زوئو، ھون ھايا نئہ تمون ڪن ٻارو تيڙا وونہ، زم تمون نئہ ڪٻر پڙئہ جي مئين اوئا موئين ڪئين ڏوھ نہ پاڙيو، ان ھون نئي مونتو جي ھيوو منڪ آپ نئہ پادشا ناووا ڪرئہ.“ ⑤ تيام ايسو ڪونٽون رو تاج ان وونڳڻائي رنگ رو چال پيرل ٻارو نيھريو. تئيون پيلاطس يھوديون نئہ ڪيئو: ”زوئو، ھاڻي منڪ اي اوپوھ.“

⑥ تيام موتي پوزاريئي ان پڳوون را گھر ري سپايي اوئا نئہ زوئين زور ٿي ڪيئو: ”ھوڙي مانہ ساڙين مارو پرو، ھايا نئہ ھوڙي مانہ ساڙين مارو پرو.“ تو پيلاطس اوئون نئہ ڪيئو: ”تمي زوئو ان تمارو ڪوم زوئئہ، تمي آپ ايئا نئہ لي زائين ھوڙي مانہ ساڙين مارو پرو. ڪم تو ھون آپ ايئا موئين ڪئين ڏوھ نئي پاڙتو.“ ⑦ تيا مانہ يھوديئي اوئا نئہ جواب ڏيئو: ”امارا ڌرم رو ھيڪ ڪم سئہ ان اوئا ڪم پرموئئہ ھايا نئہ موت رئي سزا ڏيوو ڪئہ، ڪم تو ھاينہ منڪ آپ نئہ پڳوون رو ڏيڪرو ڪيئوھ ان آپ نئہ پڳوون ھرڪو ڪريوھ.“

⑧ پيلاطس زئيون ھاڻي وات ھومپڙئي، تو اڳي ٿي الھي گھڻو پيئوئو، ⑨ ان وڙي ايسو نئہ پاسو گھيڊ موئين تيڙي زائين پونسيو: ”ئون ڪيئ رو سئہ؟“ پڻ ايسو اوئا نئہ ڪئين وڙندي نئہ ڏيئئي. ⑩ تيام پيلاطس اوئا نئہ ڪيئو: ”ئون مون ٿي ڪم نئي ٻولتو؟ ئون نئہ ايئا وات رئي ڪٻر نئي ڪي؟ ئون نئہ ساڏو ڪا


تُون نته هُوڙِي مانه سَراوينَ مراوَو هائي ٻڌوئي ماري اِڪتِياري ۾ سته. " ①1 تو ايسُو اوتَا نته وڙندڙي ڏيڏئي: "جي تمون نته هائي اِڪتِياري پڳوونَ را پاها ٿي ڏيڏل نه هوت، تو تمارو مُون مانه ڪئين اِڪتِيار نه هوت. تيام اُو جيئته مُون نته تمارته حوالته ڪريوه، اُو تمون ٿي وڌارته ڏوهاري سته."

①2 تيا ڪيڙ پيلاطس ايسُو نته ساڏيا رڻي وڌارته ڪوشش ڪروا مڏيو، پڻ يهوديئي زور ٿي ام ڪيڏو: "جي تمي هايا منڪ نته ڍلو ڪرشو، تو تمي رومي حڪومت را پاڌشا را دشمن ٿيشو. ڪم تو جي ڪوئي آپ نته پاڌشا ناوئه، اُو روم را پاڌشا رته ڪلاڻ وٺه ريو." ①3 تيام پيلاطس هائي وات هومپڙين ايسُو نته ٻارو تيڙايو ان شيبرون را اونڱئا نومي جڳا مانه، جيا نته عبراني ٻولي ۾ 'گبتا' ڪنه، ڦينصلا ري گهاڏي مانه پيئو. ①4 هوته پاشڪا پرڀ را هفتا رو جُمعا رو ڏي هتو، ان پپورون را ٻارنڪ ٿيا تا. تئين پيلاطس يهوديون نته ڪيڏو: "زوتو، تمارو پاڌشا اي ريو." ①5 پڻ يهوديئي زور زور ٿي ڪيڏو: "هايا نته مارو پرو، هايا نته مارو پرو، هُوڙِي مانه ساڙينَ نمُو مارو پرو." تو پيلاطس اوتون نته ڪيڏو: "هُون تمارا پاڌشا نته هُوڙِي مانه سَراوينَ مراوون ڪي؟" تو موتي پوزاريئي وڙندڙي ڏيڏئي: "رُوم را پاڌشا شوا امارو ڪوئي پاڌشا نٿي." ①6 تيام نيٺ پيلاطس يهوديون ري مرضي ڦينصلو ڪريو جي ايسُو نته هُوڙِي مانه ساڙينَ مراوئه پرو.

ايسُو نته هُوڙِي مانه ساڙهه

(متي 27:32-44، مرقس 15:21-32، لوقا 23:26-43، يُوحنا 19:16-27)

تيام قوزي ايسُو نته لي ڳيا. ①7 ان ايسُو آپرئي هُوڙِي آپ اُوپاڙين پوڏڪي نومي ماڳ مانه ڳيو، جيا نته عبراني ٻولي ۾ "گُلگتا" ڪنه. ①8 اوتته اوتئي ايسُو نته هُوڙِي مانه ساڙيو، ان پيزون پيئون منڪون نته اوتَا پيڙا هُوڙِي مانه ساڙيا. هڪا رڻي هُوڙِي زمئته پاهنه ان پيڙا رڻي ڏاوتنه پاهنه ان ايسُو رڻي



هُوَزِي وَس ۾ هَتِي. ⑱ پيلاطس هيڪي پاڻي مانہ لڪايو جي ايسو ڪيا وات ري ڪري موت رڻي سزا ڪانه ريو، ان پاڻي ايسو ري هُوڙي مانہ لڳراوڻي. پاڻي مانہ اي لڪل هتو:

”ايسو ناصرت شهر واڙو، يهوديون رو پاڏشا“

⑳ تيام يهودي قوم ري گهڻي منڪي هائي پاڻي پڻي، ڪم تو جيا ماڳ ايسو ننه هُوڙي مانہ ساڙيو تو، او ماڳ يروشلم شهر تي ڏوڪڙو هتو، ان هائي وات ترڻيون ٻوليون ۾ لڪل هتِي، عبراني ٻولي ۾، لاطيني ٻولي ۾، ان يوناني ٻولي ۾. ㉑ تيون يهودي قوم ري موتي پوزارڻي پيلاطس ننه ڪيتو: ”تمارنه يهوديون رو پاڏشا نتو لڪاوو پڻ تمارنه ام لڪاوو تو جي اوڻه آپ ننه يهوديون رو پاڏشا ڪيتو.“ ㉒ پڻ پيلاطس اوڻون ننه جواب ڏيتو: ”جي وات مڻين لڪاوڻي، او وات همڙيم لڪل ريشي.“

㉓ زڻيون قوزڻي ايسو ننه هُوڙي مانہ ساڙيو تو، تيون اوڻي اوڻا را لوگهڙا ليڏا را ان چاري زڻي هيڪ هيڪ لوگهڙو وراوي ليتو، پڻ نونو گهنگهوري ڳيو.

هُوئِه اُو گهنگهو هوندا ووئو هتو ان يڪو وئل هتو. ②4 تيام اُوئي هيڪا پيزا نئه ڪيڏو: "ايئا نئه آبي ڦاڙون نئين، پڻ ايئا هارو آبي پُڪو نوڪون." هائي وات هم تيام ٿي زم شاستر رئي اي وات پورئي ٿئہ:

"اُوئي مارا لوگهڙا آبت ۾ ورايا ان مارا پيرن هارو پُڪو نوڪيو."

ٿيون قوزيئي همروم ڪريو.

②5 تہ ٿوئہ ايسو ري هُوڙي ڪن اُوئا رئي مان، اُوئا رئي ماشي، ڪلوپاس رئي ڏوشي مريم، ان مريم مگدليني اُوپل هتي. ②6 تيام ايسو آپري مان نئه ان آپرا پريمي شيلا تہ ڏوڪڙو اُوپل زوئين مان نئه ڪيڏو: "مان، زو. هُوئہ هائي ٿارو ڏيڪرو سئہ." ②7 ان پستہ اُوئا شيلا نئه ڪيڏو: "زو، هُوئہ هائي ٿارئي مان سئہ." ان تيا ٿوئا ٿي لين اُوئہ شيلا نئه اُوئا نئه آپري گهري تيڙي زائين اُوئا رئي همپاز ڪري.

ايسو رو موت

(متي 27:45-56، مرقس 15:33-41، لوقا 23:44-49، يُوحنا 19:28-30)

②8 تيا ڪيڙ ايسو اي زوئين جي هُوئہ اُوئا رو پگهون رو ڏيڏل ڪوم پورو ٿيو، تو ڪيڏو: "مون نئه ترهه لاگيئہ." ان هيوئہ نمونئہ شاستر رئي وات پورئي ٿي. ②9 اُوئہ قوزيون ڪن کانا ڌراڪ رس ٿي پرل هيڪ نونپڙو هتو. تيام قوزيئي ٿوري ري زارئي جيوي شينه اُوئا موئين پلاڙين زوفا ري لڪڙي مانہ ڦٽراوين ايسو را مونيا ڪن ڪري. ③0 پستہ ايسو زئيون ڌراڪ رس سونپيو ٿيون ڪيڏو: "مارو ڪوم پورو ٿيو." ان ماٿو نماوين آپرو جيو ڏيڏو پرو.

قوزي ايسو رو پاھو ويندئہ

③1 هُوئہ جُمعا رو ڏي هتو ان يهوديون رئي مرضي نئي جي چنچر ري رات هُوڙي منڪ هُوڙيون مانہ ٿينگاڙل رئہ، ڪم تو چنچر هتتا رو پويتر ڏي هتو

ان آزوڪو چنچر گهڻو موٽو ڏي هتو ڪم تو پاشڪا پرڀ را هقتا رو پويتر ڏي پڻ هتو. تيام اوتي راز ڪريا وازا پيلاطس تي مونگڻي ڪرڻي جي قوزي هُوڙي مانه ٽينگاڙل منڪون را پڳ پونگڻه زم او جلدِي مري زائنه، ان پسته لاشون نه هُوڙيون ٿي اوتارنه. (32) تيام قوزي آيا را ان پيرهيان منڪ را پڳ پونگيا پرا، جيا نه ايسو رنه پاهنه پيزي هُوڙي مانه ساڙيو تو، ان پسته پيزا منڪ را پڳ پونگيا پرا. (33) پڻ زئيون ايسو ڪن آيا، تئيون زويو جي او اڳي مري گيوه. تيام اوتا را پڳ نه پونگيا، (34) پڻ قوزيون موئين ٿي هيڪنه زئنه پالا ٿي ايسو رو پاهو وينديو، ان جهت ۾ لوئي ان پوئي نيهريو.



(35) مئين آپ اونگيئي زويوه، ان هون هايا را پارام هاڪ پرونه ان مارئي پرل هاڪ هاسي سته. مون نه ڪهر سته جي هون هاس ڪونه ريو، ان هون ايئا هارو هاڪ پرونه ريو زم تمپي پڻ ايئون واتون مانه يقين ڪرين ايسو مانه وشواس اوڻو. (36) ڪم تو هائي ٻڌي واتون تيام ٿي، زم شاستر ري واتون پوري ٿنه. زم شاستر ۾ لڪل سته:

”اوتا رو ڪوئي هاڏڪو نئين پنڳائنه.“

(37) ان وڙي شاستر موئين اي پڻ لڪل سته:

”جيا نه اوتي وينديو، اوتا مائنه او تاهي ريشي.“

ايسو را لاش نه پونئيرا جيوا مقوم موئين راڪنه

(متي 27:57-61، مرقس 15:42-47، لوقا 23:50-56، يُوحنا 19:38-42)

(38) تيا ڪيڙ يوسف جيوا ارمتيه شهر رو هتو، اونه پيلاطس تي مينت ڪرڻي جي او ايسو رو لاش لي زاوا ڏنه. هونه يوسف ايسو مانه سونو وشواس

راکتو. اونه هائي وات ساوئي نتئي ڪرئي ڪم تو او آڀري يهودي قوم رون آڳيونون ٿي پيٿاتوت ريو. پيلاطس اونا ننه ايسو رو لاش لي زايا رئي موڪل ڏيڏئي. تيام يوسف ايسو رو لاش ليڏا هارو ڳيو. (39) ان نيڪڊيمس پڻ آيو جيو اڳي رات رو ايسو ڪن آيو تو. او آپ پيڙو لاش هارو هيڪ من ڪڻ ڪشيُو واڙي شينهنون رو مشالو لي آيو، جيا موئين ٻوڙ ان ڪونئر پيڙول هتا. (40) تئيون اوني پيئي زئي ايسو رو لاش ليڏو ان آڀري يهودي قوم ري ريت رواز پرموئنه لاش ننه ڪشيُو واڙا مشالا پيڙو لوگهڙون موئين وينتيو. (41) هونه جيا ماڳ ايسو ننه هوزي مانه ساڙيو تو، اونا ماڳ هيڪ ٻاگه هتو، ان اونا ٻاگه موئين هيڪ تازو پونئيرا جيوو مقوم هتو، جيا موئين هزون ڪيا را لاش ننه نتو راڪيو. (42) جمعا رئي هونز ٿي گئي تئي، ان يهوديون را پويتر ڏي رئي رات پڙيا واڙي هتئي، جيا ڀر ڌرم پرموئنه اوئون رنه ڪئين ڪوم نتو ڪروو. تيام اوني ايسو رو لاش اونا مقوم موئين راڪيو، ڪم تو او مقوم ڏوڪڙو هتو.

ايسو جيوي اونه ان ڏيڪاڙا نهه

ايسو جيوي اونه

(متي 8-1:28، مرقس 8-1:16، لوقا 12-1:24، يُوحنا 10-1:20)

20 (1) ترئمته ڏي آچار رئي ويلئي، زئيون هزون اندارو هتو، مريم مگدلينني ايسو را مقوم مانه آئي، ان اونه زويو جي جئي شپير پونئيرا جيوو مقوم را مونيديا مانه آڏي ڏيڏل هتئي، او همئنه هيڪل ڪرل سئه. (2) تيام او شمعون پطرس ان اونا پيڙا شيلو ڪن، جيو ايسو رو پريمي شيلو هتو، ڊوڙين گئي، ان اوئون ننه ڪيڏو: ”پريو را لاش ننه مقوم موئين ٿي اُوپاڙي ڳياھ، ان امون ننه ڪبر نئي جي اونا را لاش ننه ڪيه ميليوھ!“

③ تيام پطرس ان پيزو شيلو اوت ٿي مقوم هوما زونا ٿيا. ④ او ٻي ٿي پيڙا ڊوڙا مڏيا، پڻ پيزو شيلو پطرس ٿي تڪو ڊوڙيو ان مقوم مانھ پيرھين پوگي آيو. ⑤ اوئھ نيسو نمين مقوم موئين زويو، تو روڳا لاش را لوگھڙا پڙياھ. پڻ او مقوم موئين نہ گيو. ⑥ تئيون شمعون پطرس پڻ وونھڙ وونھڙ ڊوڙين اوئھ آوي پوگيو، ان مقوم موئين پينو. ان اوئھ لاش رون لوگھڙون نہ پڙل ڏيکيا. ⑦ ان اوئا رومال نہ پڻ ڏيکيو، جيو ايسو را ماما مانھ وينتوڙل هتو. او لوگھڙون پيزو پڙل نتو پڻ هيڪا ماڳ ڌار وينتوڙل پڙيو تو. ⑧ تئيون پيزو شيلو جيو پيرھين مقوم مانھ آيو تو، او پڻ موئين گيو. ان اوئھ ٻڌوئي ڪئين زويو ان يقين ڪريو جي ايسو جيوي اونيوه. ⑨ شاستر موئين ايوي واتون اڳي لکل هتي جيا ٿي ٿاڀٽي ٿھ جي ايسو ضرور مرلون موئين ٿي جيوي اونشي، پڻ او هزون هوڏي شاستر ري هائي واتون نتا هزمتا. ⑩ پسئھ شيلو پاسا آپري گھري گيا پرا.

ايسو مريم مگداليني نئ ڏيڪاڙو ڏئھ

(متي 9:28-10، مرقس 9:16-11، يُوحنا 11:20-18)

⑪ پڻ مريم پونئيرا جيوا مقوم ٿي ٻارئي اوپئي روتيت رئي. روتي روتي اوئھ نمين مقوم موئين زويو، ⑫ تو اوئا نہ ٻي آڪاشي ڏوت ڏوڙا لوگھڙا پيرل ڏيڪيام آيا. او مقوم موئين لاش هارو ناول ٿلا مانھ پينل هتا، جيا مانھ ايسو رو لاش اڳي ميلل هتو، هيڪ متوتيني ان هيڪ پگوٽيني. ⑬ آڪاشي ڏوتي مريم نہ ڪيڏو: ”ٻائي، تون ڪم روئھ رئي؟“ تو مريم ڪيڏو: ”مارا پريورا لاش نہ اوپاڙي گياھ، ان مون نہ ڪهر نٿي جي اوئا نہ ڪيھ راکيوھ.“

⑭ هم ڪين او پاسئي ڦرئي ان ايسو نہ آب ڪن اوپل ڏيکيو، پڻ اوئھ نہ اوڙڪيو جي اي ايسو سئھ. ⑮ ايسو مريم ٿي پونسيو: ”ٻائي، تون ڪم روئھ رئي؟ تون ڪيا نہ گوتئھ رئي؟“ مريم ام هزمئي جي اي پاگھ رو ماڙي سئھ،

تو ڪيڏو: ”ساب، جي تمڻي لاش اُوپاڙي ڳيا هونو، تو مون ننه ڪو جي تمڻي اُونا ننه ڪيڏو راکيوه، ان هون اُونا ننه لي زائيهه.“ ①6 تو ايسو اُونا ننه ڪيڏو: ”مريم.“ تيا مانه اونه ايسو هومڻي قرين آپري عبراني ٻولي ۾ ڪيڏو: ”رئوني،“ جيا رو مطلب سته گرو جي. ان هم ڪين اونا ري پڳي لاڳئي. ①7 تو ايسو اُونا ننه ڪيڏو: ”مون ننه زهالين مت راک، ڪم تو هون هزون هُوڏي مارا ٻاپ ڪن آڪاش ۾ پاسو نتي ڳيو. پڻ تون مارون پايون ڪن زا ان اوتون ننه ام ڪي، جي هون مارا ٻاپ ڪن ان تمارا ٻاپ ڪن پاسو زائونه ريو، جيو مارو پڳوون سته ان تمارو پڳوون پڻ سته.“ ①8 تو پسته مريم مگدلينني شيلون ڪن زائين ڪيڏو جي: ”مئين پريو ننه ڏيڪيوه.“ ان اوتون ننه او واتون همپڙاوي جي ايسو اُونا ننه ڪيڏي تي.

ايسو آپرون شيلون ننه ڏيڪاڙو ننه

(مرقس 14:16، لوقا 24:36-49، يُوحنا 19:20-23)

①9 اونه هاڳي ڏي آچار را هونز را، شيلا هيڪا گهر ۾ دروازا موئين ٿي پنڌ ڪرين پيڙا هتا، ڪم تو او آپري يهودي قوم رن منڪون ٿي پيڙاتا تا. تئيون ايسو آوين اوتون وسا اوپو، ان اوتون ننه ڪيڏو: ”تمڻي هڪي ريو.“ ②0 ان هم ڪين اوتون ننه آپرا هات ان آپرو پاھو ڏيڪاڙيو. تيام پريو ننه ڏيڪين شيلا الاهي ڪش ٿيا. ②1 تئيون ايسو اوتون ننه وڙي ڪيڏو: ”تمڻي هڪي ريو! زم پڳوون ٻاپ مون ننه ميليوه، تم هون پڻ تمون ننه ميلونه.“ ②2 ان هم ڪين اوتون مانه ڦونڪيو ان ڪيڏو: ”تمڻي پويتر آتما ليو. ②3 جيون منڪون ننه تمڻي پڳوون را پاها ٿي ڏوهون رئي ماڻئي ڏيوه، تو پڳوون را پاها ٿي اوتون ننه ماڻئي زڙل هوشي. ان جيون منڪون ننه تمڻي پڳوون را پاها ٿي ڏوهون رئي ماڻئي نتي ڏيتا، تو پڳوون را پاها ٿي اوتون ننه ماڻئي زڙل نئين هونه.“

ايسُو توما نڱه بيزون شيلون پيڙو ڏيکارڻو ڏٺه

24) هونءِ توما، جيا نڱه پيللاڙيو پڻ ڪيتا، ان ايسُو رون ٻارون سُونڊل شيلون موئين ٿي هيڪ هتو، اُو ايسُو رڻه آيا رڻه تونڱه شيلون پيڙو نٿو. 25) تيام پيڙا شيلا اُوڻا نڱه ڪيوا لاڳيا جي ”امي پريو نڱه ڏيڪيوه.“ پڻ توما اُوڻون نڱه ڪيڏو: ”زئيون هُوڏي هُون ميڪون را نيشون اُوڻا رون هاتون ۾ نه ڏيڪون، ان ميڪون رون ڦٽون موئين اونگڙئي نه نوڪون، ان اُوڻا را پاها واڙا ڦٽ موئين هات نه نوڪون، تئيون هُوڏي هُون مُوزڳوئي يقين نئين ڪرون.“

26) هيڪا هڻتا ڪيڙ ايسُو را شيلا وڙي گهر موئين هتا، ان توما پڻ اُوڻون پيڙو هتو. ڌروازا موئين ٿي پنڌ هتا، توي پڻ ايسُو آوين اُوڻون وسا اُوڻو ان ڪيڏو: ”تمي هڪي ريو.“ 27) تئيون ايسُو توما نڱه ڪيڏو: ”ايڻه اونگڙئي سٻاڙين تون مارا هات زو، ان مارا پاها را ڦٽ موئين آڀرو هات نوڪ. شڪ مت ڪر پڻ يقين ڪر.“ 28) تيا مانه توما اُوڻا نڱه ڪيڏو: ”تمي مارا پريو ان مارا پڳوون سوا“ 29) تو ايسُو اُوڻا نڱه ڪيڏو: ”تئين مون نڱه ڏيڪيوه، ان تيام وشواس اوڻيوه. پاڳواڙا اُو سڻه جيئي مون نڱه نڱي ڏيڪيو، توي پڻ مون مانه وشواس اوڻه.“

يُوحنا رو اي ڪتاب لکيا رو مطلب

30) هونءِ ايسُو آڀرون شيلون رڻه رُوڀرو پيڙا گهڻا پرسا ان نيشون ڏيکارڻيا، جيا را پارام ايڻا ڪتاب ۾ نڱي لڪل. 31) پڻ مئين هائي واتون تيام لڪيه زم تمي يقين ڪرو جي ايسُو پڳوون رو سُونڊل پڇايا واڙو ڪريست ان پڳوون رو ڏيڪرو سڻه، ان اُوڻا مانه وشواس راڪيا ٿي تمون نڱه اُوڻا رڻه هيڻه هميش رو جيون زڙه.

اڪري واتون

ايسو گليل ڍنڍ ڪن آيون شيلون نٿه ڏيکارڻو ڏٺو

21 ① تيا ڪيڙو گليل ڍنڍ را ڪپ مانه ايسو آيون شيلون نٿه وڙي ڏيکارڻو ڏيڏو. وات امر ٿي.

② شمعون پطرس، توما جيا نٿه پيلازيو ڪيتا، نقائيل جيو گليل صوپا را قانا شهر رو هتو، زبدي را ڏيڪرا ان ٻي پيزا شيلو ٻڌائي پيزا هتا. ③ تو شمعون پطرس اوئون نٿه ڪيڏو: ”هون مشي ماروا زائونه ريو.“ تو اوئي ڪيڏو: ”امي پن ٿون پيزا هالونو.“ تو پسته اوٽ ٿي زائين پيڙي موئين سڙين مشي ماروا ڪيا. پن اوٽه زات اوئون نٿه ڪئين هات نه آيو.

④ پروڙ رٿه ٿوٽه ايسو ڍنڍ را ڪپ مانه آوين آيو. پن شيلون نٿه ڪهر نٿي جي او ايسو سٺه. ⑤ تيام ايسو اوئون نٿه هاڏ ڏين ڪيڏو: ”او پايون، تمي ڪئين مشي نه ماري ڪي؟“ تو اوئي وڙندي ڏيڏي: ”نا. هيڪ ئي نه ماري.“ ⑥ تو ايسو اوئون نٿه ڪيڏو: ”پيڙي رٿه زمٽه پاهنه رچ نوڪو، تو تمون نٿه مشي زڙشي.“ تيام اوئي اوٽه پاهنه رچ نوڪيو، ان اتي مشي رچ ۾ آوين ڦاٿي، جي او رچ نٿه پيڙي موئين توڻي نه هڪيا. ⑦ تيام ايسو رٿه پريمي شيلنه پطرس نٿه ڪيڏو: ”هائي پريو سٺه!“ تيام شمعون پطرس اي وات هومپڙين جي پريو سٺه، جهٽ ۾ آيو گهنگهو پيري سنڌرو ٻونڌي پوڻي موئين نينڪڙو ماريو. ڪم تو مشي ماريا رٿه ٿوٽه اوٽا رٿه روڳي توتال رٿي پوت ڪرل هٿي. ⑧ پن پيزا شيلو مشيون ٿي پرال رچ پيڙي وونهڙ توتتا توتتا پيڙي هاڪلين ڪپ مانه آيا، ڪم تو او ڪپ ٿي روڳا هوڪ وڪون شيئي هتا.

⑨ زئون او ڪپ مانه آوين پوڳيا، تئين اوئي زيو جي ڪينڙون رو ڏيوٽا

ٿيو، جيا مانہ مسٿي شيڪاڻہ رٿي، ان روٿي پڻ پڙٿيو. ⑩ تو ايسو اوتون نٺه ڪيڏو: ”جي مشي تمي همٺه ماريه، اوتون موٽين ٿي ڪئينڪ لي آو.“

⑪ تيا مانہ شمعون پطرس پيڙي مانہ سڙين رچ زهاليو ان پوٿي موٽين رو موٽين ڪپ مانہ توٿي آيو. رچ هيڪ هو ٿيونجاه موٽيون مشيون ٿي پرال هتو. اتي گهٽي مشي هتي، توٿي پڻ رچ نتو ڦاٿيو. ⑫ تيون ايسو اوتون نٺه ڪيڏو: ”وو را، نيروٿي ڪرو.“ ايسو رون شيلون موٽين ٿي ڪيا نٺه ٿي اي وات پونسيا رٿي هيمنت نه ٿي جي ”تمي ڪوڻ سو؟“ ڪم تو اوتون نٺه ڪهر هٿي جي پريو سٺه.

⑬ تيون ايسو آوين روٿي لين اوتون نٺه وراوي ڏيڏي، ان همٿيم مسٿي پڻ وراوي ڏيڏي.

⑭ ملون موٽين ٿي جيوي اونيا ڪيڙ هائي ترٿمي وار هتو زئون ايسو اپرون شيلون نٺه ڏيڪارو ڏيڏو.

ايسو پطرس نٺه وشواسيون نٺه همپازيا رو ڪٺه

⑮ زئون اوتني نيروٿي ڪري ليڏي، تيون ايسو شمعون پطرس نٺه ڪيڏو: ”يوحنا را ڏيڪرا شمعون، ڪي تون مون ٿي هاس ۾ ايئون بتون ٿي وڌارٺه پريم ڪرٺه؟“ تو اوتنه ڪيڏو: ”هوٺه پريو، تمون نٺه ڪهر سٺه جي هون تمون ٿي پريم ڪرونه.“ تيا مانہ ايسو ڪيڏو: ”زم ڌراڙ گهيتريون نٺه سارٺه، تم تون مارون منڪون رٿي وشواس راڪيا ۾ هيمنت وڌار.“

⑯ تيون ايسو وڙي پيڙي وار اوتا ٿي پونسيو: ”يوحنا را ڏيڪرا شمعون، ڪي تون هاس ۾ مون ٿي پريم ڪرٺه؟“ تو اوتنه ڪيڏو: ”هوٺه پريو، تمون نٺه ڪهر سٺه جي هون تمون ٿي پريم ڪرونه.“ تيا مانہ ايسو اوتا نٺه ڪيڏو: ”زم ڌراڙ ريون نٺه همپازٺه، تم تون مارون منڪون رٿي همپاز ڪر.“

⑰ تيون ايسو ترٿمي وار اوتا ٿي پونسيو: ”يوحنا را ڏيڪرا شمعون، ڪي تون مون ٿي پريم ڪرٺه؟“ پطرس نٺه ڏڪ ٿيو جي ايسو ترٿمي وار هم پونسيو

”ڪي تون مون تي پريم ڪرڻ؟“ تو اونه ايسو ننه ڪيڏو: ”پرڻو، تمي ٻڌوئي ڪئين زوڻو، تمون ننه تو کپر سٺه جي هون تمون تي پريم ڪرونه.“ تيا مانه ايسو اونا ننه ڪيڏو: ”زم ڌراڙ رڍيون ننه سارڻه، تم تون مارون منڪون رڻي همپاڙ ڪر. ⑱ هون تون ننه هاس ئي هاس ڪونه: زڻيون تون جون هتو، تڻيون تون پيٽ ٻوندين جيئنه تارو من ڪرتو، اوتنه تون زاتو. پڻ زڻيون تون ڏوڪرو ٿي، تو تون آڀرا هات پونهرا ڪريه، ان پيزو ڪوڪ تون ننه ٻوندي، ان جيئنه زايا هاو تارو من نئين ڪنه، اوتنه تون ننه زوري لي زاشي.“ ⑲ هائي وات ڪيڏا تي ايسو پطرس را موت رو اشارو ڏيڏو جي او هوزي مانه مريا تي پگهون رو مون ساوو ڪرشي. تڻيون هائي وات ڪين ايسو پطرس ننه ڪيڏو: ”تون مارا مارگ مانه وين مون وونهڙ او!“

پطرس ايسو تي يوحنا را موت را پارام پونسئ

⑳ تڻيون پطرس لوڻو واڙين زويو جي او شيلو وونهڙ اوڻه ريو جيو ايسو رو پر جي هتو، ان جيئنه پرڻ رو پوزن زميا رنه توتنه ايسو را ڪون ۾ ڪين ام پونسئو تو: ”پرڻو، جيو شيلو تمون ننه زهلاوشي، او ڪيو سٺه؟“ ㉑ تيام پطرس هايا شيلو ننه ڏيڪين ايسو تي پونسئو: ”پرڻو، هايا تي ڪي ٿيشي؟“ ㉒ تو ايسو اونا ننه ڪيڏو: ”جي مارئي مرضي ام هونه جي او مارا پاسا آيا هوڏي جيو تو رنه، تو ايئا ۾ تارو ڪي؟ تون تو روگو مارا مارگ مانه وين مون وونهڙ او.“

㉓ تيام اي وات وشواسي پايون ۾ پڪڙي گهي جي اڻ شيلو نئين مرنه. پڻ ايسو پطرس ننه ام نتو ڪيڏو جي او شيلو نئين مرنه، پڻ اونه روگو ام ڪيڏو تو: ”جي مارئي مرضي ام هونه جي او مارا پاسا آيا هوڏي جيو تو رنه، تو ايئا ۾ تارو ڪي؟“

اُوئا وڪت را منڪ

اي ڪتاب لکيا وازا يوحنا را پارام آپرئي هاڪ پرئھ

②4 هائي شيلو او رو او سئھ جيو ايشون ٻڌيون واتون نئھ اونڪيئي ڏيڪين هاڪ پرئھ ان جيئھه اي ٻڌي واتون لڪيھ. ان امون نئھ ڪٻر سئھ جي اوئا رئي پرل هاڪ هاسئي سئھ.

②5 ايسو پيزا گھڻا ڪوم ان گھڻي واتون ڪري، جي ايشا ڪتاب ۾ لڪل ٿئي. جي ايسو را هر هيڪ ڪوم ان وات را پارام لڪت، تو اتا گھڻا ڪتاب ٿت جي مارئھ ليڪتھ پوري ڏنيا ۾ اوئون نئھ ميليا هارو ماڳ نه هوئ.